

REGIMEN
SANITATIS SALERNI
SIVE
SCHOLAE SALERNITANAE
DE
CONSERVANDA BONA VALETUDINE
PRAECEPTA.

EDIDIT
STVDII MEDICI SALERNITANI HISTORIA
PRAEMISSA

JOANN. CHRIST. GOTTL. ACKERMANN,
MEDICINAE DOCTOR ET IN VNIVERSITATE LITERARVM ALTORFINA
PROFESSOR PVBLICVS ORDINARIVS.



32393

STENDALIAE,
SVMTIBVS D. CH. FRANZEN EJVSQVE SOCII GROSSE.
MDCCXC.

RECEIVED

SCHOOL OF SALERNTIAN

LIBRARY

1888

1888

VIRIS PERILLVSTTRIBVS ATQVE
GENEROSISSIMIS

DOM. CHRISTOPH. WILHELMO
WALDSTROMERO

DE REICHELSDORF IN SCHWAIG

PERILL. REIP. NORIMB. SEPTEMVIRO
REIQVE SACRAE ET LITERAR. EPHORO

DOM. CHRIST. CAROLO SIGISM.
HOLZSCHVHERO

DE HARTLACH ET VESTENBERGSGREVTH

PERILL. REIP. NORIMB. SEPTEMVIRO

DOM. CHRISTOPH. IOACHIMO
HALLERO

DE HALLERSTEIN IN KALCHREVT PRACKENFELS ET BVCKENHOF

SERENISS. DVCI BAVARIAE A CONSIL.
SANCTIORIBVS

DOM. SIGISMVND O FRIDERICO
FÜRERO

DE HAIMENDORF

PERILL. REIP. NORIMBERGENSIS SENATORIBVS
CONSVLARIBVS

MAXIM. IN REM PVBL. MERITIS CVMVLATISS.

REI SACRAE AC LITERARIAE NEC NON

LITERAR. VNIVERSIT. ALTORFINAE CVRATORIBVS
BENIGNISSIMIS

PATRONIS SVIS SVMMO PIETATIS CVLTV AD
CINERES VSQVE PROSEQVENDIS

REGIMEN SANITATIS SALERNI

CVM

PERPETVAE PROSPERITATIS

VOTO

CONSECRAT

IOANN. CHRIST. GOTTL. ACKERMANN.

DE STUDIO MEDICO SALERNITANO.

— — — — — *Salerni*

*Urbs Phoebæ sacrata, Minervæ sedula nutrix,
Fons physicae, pugil eucrotae, cultrix medicinae.
Assecla naturæ, vitæ paranymphea, salutis
Pronuba, fida magis Lachesis soror, Atræpos hostis,
Morbi pernicies, gravis adversaria mortis,
Quæ jam perpetuum gessit cum morte duellum.*

AEGIDIUS CORBOLIENSIS.

Quæ initia progressusque medicinale studium in antiquissima civitate Salernitana habuerit, quis status illius quæque fortuna fuerit ab antiquissimis temporibus, scire interest. Studii enim medici, quod in ea floruit, sive spectes antiquitatem, sive famæ celebritatem, e scholis, quas sequentia tempora habuere, (paria enim non habuere) vix invenies multas, quas Salernitanae possis æquiparare: si vero viros celeberrimos, qui aut medicinam in hac schola professi sunt, aut didicerunt, aut denique in Hippocratica antiquissima hac civitate exercuerunt, præter

summos, quos habuit, viros, CONSTANTINVM AFRICANVM, qui Graecam Arabicamque medicinam, cum eaque Chaldaeorum, Aegyptiorum, Persarum, Indorum scientias secum ex Oriente Salernum detulit, quo praeunte Salernitanum in medicina studium maxime floruit, NICOLAVM PRAEPOSITVM, JOANNEM PLATEARIVM, JOANNEM DE MEDIOLANO, ARNALDVM DE VILLANOVA, LANFRANCVM, alios multos habebis, summa, pro temporum, quibus vivebant, ingenio, doctrinae laude florentes, ad quos non aegri solum, malorum fuorum levamina quaerentes, verum etiam medicinali scientiae studentes ex longe maxima orbis culti parte confluerint.

Non enim Germania tantum saeculis XIII et XIV medicos suos habuit, qui medicinalem suam scientiam penes Salernitanos in medicina magistros didicerant a): verae enim medicinalis scientiae istam partem,

- a) „Si in antiquis diplomatibus Germanis Saec. XIII et XIV magistri in chirurgia occurrunt, hi pro medicis habendi sunt, aut Salerni, aut Bononiae hac dignitate ornati.“ Verba haec sunt Möhsenii, Vir. Jll. in praeclaro opere; *Geschichte der Wissenschaften in der Mark Brandenburg, besonders der Arzneywissenschaft*, pag. 297; adferentis simul Bononienses jam exunte Saec. XII. magistrorum in physica titulum aliis imperitiisse. Voluisssem fane ut haec per exempla probasset vireximus, quae vero desiderantur. Magistri enim titulum his temporibus scholae non dabant, neque habebant, nisi, qui docentium munereungebantur: adsumsisse tamen in Germania chirurgos hunc titulum; ut peritiam in arte sua testarentur, non inficior. Neque si aliis, iisque doctissimis viris, fides est, in Bononiensi schola medicinae scientiam longo ante annum MCCXIX tempore traditam esse credibile est. Hoc enim anno Honorius III, Pontifex Romanus, litteris ad Bononiensem episcopum datis, eum monebat, ut
- theo-

tem, quam aut ob alias difficultates, aut linguarum, in quibus medici libri melioris notae conscripti erant, Graecae et Arabicae ignorantiam, clerici monachique neglexerant, medici, qui Salerni artem didicerant, fere soli colebant: Gallia etiam medicos habuit, eosque celeberrimos, aut Salernitanos, aut qui studii medicinalis causa Salernum se contulerant b), alias cultioris Europae terras eosdem habuisse infra patebit. Nec occidentem solum Salernitani studii gloria medicorumque in eo docentium fama pervasit, verum orientem etiam, erantque Salerni medicinae magistri, qui Hebraica lingua Judaeos et Arabica Saracenos docerent c). Cujus celeberrimae scholae historiam, quam

theologiae studia in vrbe aleret, neque religiosos aut juri civili, aut physicae operam dare permetteret. Si vero etiam exeunte Saeculo XII magistri medicinam docentes Bononiae extiterunt, inde tamen non liquet, eos magisterii dignitatem aliis impertiisse. Jurisprudentiam quidem Bononiae excultam fuisse saeculo XII, imo XI, non est quod dubitemus; de medicinali vero studio in hac schola iisdem temporibus florente auctores silent. Neque forsan prius Bononiensis schola magistros in physica habuit, quam post annum MCCVIII, quo Boncompagnus Florentinus primus grammaticae atque humaniorum literarum magister constitutus est, cf. Muratorii diss. ad antiq. medii aevi, diss. 44. tom. III. p. 899. 900.

b) Sic, ut quaedam tantum exempla adducam, AEGIDIUS, Corbolii natus, Galliae vrbe, indeque Corbolienlis dictus, medicinae non apud Monspelienfes, qui suis jam temporibus scholam medicam habebant, verum apud Salernitanos studuit. Rogerius, chirurgorum sui temporis princeps, Salerni artem didicerat: postea munus cancellarii Monspelienfis obtinuisse fertur. cf. Haller bibl. chirurg. tom. I. pag. 144.

c) Ant. Mazza vrb. Salern. histor. cap. IX. pag. 63, E.

quam ante me jam dedere RENATVS MOREAV d), ZACHARIAS SYLVIVS e), ANTONIVS MAZZA f), JOANNES FREIND g), PETRVS GIANNONE h), et ex TIRABOSCHIO JAGEMANNVS, Vir Cl. i), vt accuratius persequar, enarrabo primum, quae initia qualemque fortunam ante CONSTANTINVM AFRICANVM habuerit, quidque monasterii montis Casinensis monachi ad eam medicae doctrinae laude florentiorem reddendam contulerint, quo labore vbi perfunctus fuero, quid CONSTANTINVS AFRICANVS ad famam illius augendam effecerit, quaeque post illius excessum fata habuerit docebo.

In sinu Tyrrheni maris, ad Silaris fluminis ostium Salernum, Picentinorum civitas, sita est. Romanorum colonia vrbi primas origines dedit. CORNELIVS SCIPIONE AFRICANO II, et T. SEMPRONIO LONGO con-

d) *Schola Salernitana c. animado. Renati Moreau, Paris. 1625. Prolegom. cap. 2. 3.*

e) *Schola Salernitana, sive de conservanda valetudine praecepta metrica, ex recens. Zach. Sylvii, Hagae Comit. 1683. 12. in praef. cap. X.*

f) *Ant. Mazza urbis Salernitanae historia et antiquitates. Prima editio prodit Neapoli 1681. in 4to. Usus sum editione, quae in thesauro antiquitatum et historiurum Italiae a Jo. Georg. Graevio et Petro Burmanno edito Tomi IX. parte 4. recussa legitur.*

g) *historia medicinae, in oper. edit. Parisin. ann. 1735. in 4to. pag. 283.*

h) *Usus sum editione germanica, quae Ulmae prodit, titulo: Peters Giannone bürgerliche Geschichte des Königreichs Neapel, mit Anmerkungen von O. C. von Löhenschöld, 1758. in 4to. Lib. X. cap. 11. §. 2. 3.*

i) *Geschichte der freyen Künste und Wissenschaften in Italien, Leipz. 1779. III. Band. 1. Th. pag. 167 et seq.*

consulibus, anno urbis conditae DLX, colonia civium Romanorum Salernum deducta est k), quod Romani muniverant in Picentes et Lucanos, qui cum Annibale societatem iniverant. A tenui initio, LVI enim civium colonia fuisse fertur, sensim crevit, non magis loci opportunitate, quam soli foecunditate. Mari enim, versus orientem solem, adjacet, ad montis virentis radices, qui bonae diei mons appellatur, in quo Salernitani medici scholae suae praecepta diaetetica scripsisse dicuntur, unde etiam scholae Salerni nomen monti datum est l).

*Lethifera regione sedet, sub sole calente,
Rupibus astriferis celsum coeloque propinquum,
Audaci nimirum scandentibus aethera dorso:
Arcet et excludit gelidi spiramina venti,
Castigata situ: pendens de colle supino,
Incumbit pelago, sua quod muralia radit,
Exstantesque domos ludentibus affilit undis m)*

Saluberrimarum aquarum copiam habet et aerem bonum atque incolarum valetudini non inimicum. Teste tamen AEGIDIO CORBOLIENSI n)

A 3

Mon-

k) Liv. Libr. XXXIV. Vellej. Paterc. L. I. Strabo L. V. Appian. L. I. de bello civil. Loca collegit. Ant. Mazza, in urb. Salern. histor. cap. III. pag. 6, D. E. edit. citat.

l) Mazza, cap. II. pap. 4, D.

m) Aegid. Corboliens. de virtutibus et laudib. compositor, medicaminum Libr. III. v. 478. apud Leyserum, in historia poetarum medii aevi, pag. 593.

n) de laudib. compos. medicam. Lib. III. v. 435. in Leyseri hist. poet. med. aev. p. 594.

*Montibus excelsis retro clypeata vapores
 Et nebulas pingues et solum combibit austrum,
 Foedaque corrupti carpit contagia coeli:
 Sed medicinarum, sibi quas montana ministrant,
 Urbs jaculis armata viget: cum morte potenter
 Dimicat, exstirpat morbos et fata retundit:
 Naturam relevat et flamina rupta renodat;
 Morte regna premit, cum qua componere quamvis
 Non valeat, petit inducias et protrahit aevum,
 Et quae non aufert, ventura pericula, differt.
 Quae nisi tam foecunda foret, tantisque vigeret
 Consiliis — absorpta voragine mortis,
 Nec cursum bullire valens, miseranda periret.*

Ager autem Salernitanus frugibus praestantioribus
 omnis generis et vinis melioris notae abundat. Inde-
 que ANTONIVS SVMMONTE, historiae Neapolitanae scri-
 ptor eximius, non absque jure adseruit, in universa
 Italia vix urbem esse, quae inhabitantibus majores delicias
 afferat; abundare urbem et agrum omnibus ad victum
 pertinentibus, arboribus, frugibus, vinis, pomis, aedi-
 bus in hominum commoda artificiose structis, caet. o).

Coloniam suam, donec evertebatur Romanum
 imperium, Romani tenuere. HONORII vero tempori-
 bus Visigothi univrsam Italiam quum occuparent,
 urbis Salernitanae imperium ad illos simul devenit,
 postea, pace cum Gothis inita, ad HONORIVM, cum
 Italiae imperio, rediit p). Ostrogothi deinde Italia,

cum

o) Locum dedit Ren. Moreau, in cap. 2. proleg. in schol. Salern.
 pag. 8.

p) Giannone, Tom. I. pag. 97. 98.

eum regionibus, in quibus Salernum situm est, potiti sunt; postea vero a BELISARIO, JUSTINIANI temporibus expulsi q). Quo facto orientis Caesares imperium Italiae tenuerunt supremamque potestatem, a JUSTINI II. temporibus, servata tamen Caesarum summa auctoritate, Exarchis tradiderunt r). Italiam deinde occupantes Longobardi, terris, in quibus vrbs sita est, ipsaque vrbe potiti sunt. Communes sane cum reliqua Italia calamitates vrbs Salernitana passa est: quae tamen fata post annum a Christo nato CCCCLXXVI, usque ad octavum saeculum habuerit, penes scriptores, qui horum temporum historiam perscripsere, proditum non est. Vix tamen licet dubitare, quin in his temporum summis calamitatibus vrbs, opibus plurimis, commercio, cum Graecis praesertim, acquisitis s), florens atque alimentorum omnis generis copia abundans, saepius expugnata et a diversis gentibus, quae Italiam vastabant, capta, caedes rapinasque et Graecorum et barbarorum saepius passa fuerit. Octavo sane saeculo Salerni sortem admodum iniquam fuisse, vel ex HEREMPESTI chronico intelligi poterit, qui conditam eo tempore primum urbem esse perhibet. ARECHISVS enim, Beneventi Dominus primusque e Longobardorum gente Salernitanorum princeps, qui anno DCCLXXXVII obiit, postquam annos XXIX, et quod excurrit, regnaverat t),

A 4

non

q) *Giannone*, Tom. I. p. 229.

r) *Giannone*, Tom. I. pag. 242.

s) *Muratorii* diss. ad. antiq. Italiae medii aevi diss. XLIII, tom. III. pag. 830. A. B.

t) *Ughellus* tom. VII. Ital. Sacr. de episcop. et archiepisc. Salernit. *Herempest.* epit. chron. apud *Murator.* Script. rer. Italicar.

non solum cum Argivis bellum habuit eosque in fugam compullos profligavit, verum etiam a PIPINO, CAROLI MAGNI filio, bello profligatus, ADELCHISAM atque GRIMOALDVM, liberos suos, victori obfidas dedit pacemque hoc modo obtinuit u).

Ut autem Salernum perpetuum principibus esset praesidium superventante exercitu Beneventum, ut chronici scriptor, HEREMPERTVS probe meminit, ARECHISVS, Francorum et Argivorum metu ductus, *Salernitanam urbem munitissimam ac praeexcelsam in modum tutissimi castri, opere magnifico munivit et nova fabrica reparavit x)*. Ex quo loco intelligitur saltem Salernitanam urbem castrumque plurimum damni ab hostium incurfionibus temporibus ARECHISO superioribus accepisse.

Restituta atque munita per ARECHISVM vrbs vix diu floruit. GRIMOALDVS enim, ARECHISI filius secundo genitus, a PIPINO, CAROLI MAGNI filio in carcere detentus, libertate deinde, anno DCCLXXXVIII donatus, et post patris obitum Salernitanus princeps factus hac conditione, ut singulis annis XXV mille aureos persolveret Salernitanamque et Acheruntiam civitatem destrueret, urbis muros ex parte desolavit, mortuo vero CAROLO ampliore forma restauravit y).

Vix post hasce vexas requievit Salernitana civitas: mox enim Saraceni, impetu in inferiorem Italiam facto,

ear. tom. V. pag. 16. C. Mazza libr. citat. cap. 5. pag. 11. B. C. D.

u) Herempert. epit. chron. apud Murator. loco mox citat.

x) Herempert. epit. chron. l. c. Leo Ostiens. Libr. I. cap. 9.

y) Mazza cap. V. pag. 11. B.

Et, terras Salernitanas occuparunt. Urbem ipsam an ceperint incertum est, regione Salernitana vero, terrisque omnibus principatui Salernitano subiectis potitos esse, certissimum 2). Saeculo tamen IX GVAIFARIUS, principatum Salernitanum post annum DCCCLXVI tenens, conjunctus cum RADELCHIDE, Beneventanorum duce, BASILIO quoque Macedone in auxilium vocato, Saracenos, qui cum LXII millibus militum Salernum circumfederant, ab vrbe depulit a).

Saraceni autem, ab vrbe quidem depulsi, Salernitanas terras tenebant vbique vicinas regiones, neque raro ab ipsa vrbe tributa exigebant. GVAIFARIUS adeo, Salernitanus princeps, languore correptus depositoque principatu ad Casinense monasterium deferri cupiens, voti sui compos fieri, ob crebras Saracenorum incursiones, non potuit. GVAIMARIUS filius, accepto a patre principatu, Saracenos e non paucis locis extrusit: GVAIMARIO vero SECUNDO, vivente adhuc genitore suo, regnante, Saraceni omnes, Orientis imperatoris et quinquaginta equitum Normannorum auxilio, e terris ad Salernitanum principatum pertinentibus pulsi sunt b).

GISVLPHVM SECUNDVM, ultimum ex Longobardorum gente principem Salernitanum, ROBERTVS GVICARDVS e Normannorum genere, capta vrbe, expul-

A 5

lit.

2) *Giannone pag. 485.*

a) *Ann. Wien Lign. vit. Libr. IV. cap. 35. Marza cap. V. pag. 12. E.*

b) *Marza cap. V. pag. 13. C.*

lit c). Salernitanus principatus ad eum pervenit, qui simul Apuliae, Calabriae atque Siciliae principatum partim bellis feliciter gestis, partim haereditatis jure, a TANCREDO patre suo, acceperat. Tandem Normanis principatum tenentibus, ROGERIO Siciliae Comite atque Neapolitano rege imperante, anno MCXXX principatus Salerni ad Neapolitanos reges pervenit d).

Haec ad Salernitani principatus historiam pertinentia ideo praemittenda esse censui, ut partim intelligeretur non ex vna tantum gente principibus Salernum fuisse subditum, verum principes, per trium Saeculorum, et quod excurrit, spatium, e Longobardorum, deinde e Normannorum gente habuisse, supremo dominio aut penes orientis principes, aut penes occidentis imperatores, aut etiam penes Saracenos persistente, eosdemque adeo principes subinde nullum dominum agnovisse, summoque hinc jure MVRATORIVM, summum virum, dixisse: *Principes Beneventi ac Salerni modo nullum agnoscebant dominum supremum, modo imperatoribus occidentis parebant, aut Graecis sese in clientelam tradebant, eisve sese subdebant: imo et interdum ibi dominati sunt Graeci, dejectis principibus ipsis. Quum vero in occidente latinorum caesarum vires praevalerant, se eorum vasallos asserere non dubitabant, amplissima tamen auctoritate servata e).*

Tot

e) Vitae patrum Cavenſium in Muratorii Script. rerum Ital. tom. VI. pag. 215. Romwald. Salernitan. chron. Murat. Script. rer. Ital. tom. VII. pag. 171. 172.

d) Gianuone, Libr. XI. pag. 149. seq.

e) dissert. ad antiquitat. mediæ ævi V. Tom. I. pag. 192. A.

Tot barbararum gentium incurfibus divexata atque occupata Italia literas florentes his temporibus habere non potuit. Clerici monachique parum docti, nec quicquam fere scientes, quam psallere et legere sacros canones sanctumque evangelium, medicinae exercitium sibi vindicabant, ut hoc etiam modo populo imperarent. Medicina vero eorum tota non in morborum, sed in medicinarum scientia constitit. Hinc laetos medicinam his temporibus progressus habuisse, a monachis fere solis cultam, sane vix credibile est; neque saeculo IX et X. ullus memoratur in occidente aut medicus, aut monachus, qui medicinam vel ullo invento utili locupletaverit, aut scriptis medicinalibus libris utilioribus illustraverit. Quum autem doctrinae horum temporum pars non exigua in scribendi arte consisteret, hoc saltem boni habuit clericorum in rebus medicinalibus studium, ut medicinales codices crebro in monasteriis describerentur eoque modo veterum medicorum monumenta ad posteros provenirent. Placuisse autem monachis, qui strictiorem vivendi regulam adversantes, institutis ordinum suorum difficulter obtemperabant, medicinae exercitium summo opere, aegre vero id superiores tulisse vel inde patet, quod in conciliis saltem plurimis his temporibus habitis mandatum fuerit clericis, ut ab omni medicina facienda abstinerent f). Mandato vero non obtemperasse monachos inde liquet, quod omnia fere concilia his temporibus habita idem mandatum, indicta non raro poena sat gravi, repetierint.

Ho-

f) Möhsen, Vir. Jll. Geschichte der Wissenschaften in der Mark Brandenburg, pag. 296. §. 26.

HONORIVS adeo III, ab anno MCCXVII, vsque ad annum MCCXXVII, adeoque temporibus, in quibus scholae medicae jam florebant, Romanus pontifex, omnes excommunicavit clericos, quibus medicinalem artem exercere, eive studere liberet g).

Antiquioribus vero temporibus, ac priusquam monachi aegris medicinam faciendo reliqua sua officia negligerent, medicinae studia in monasteriis episcopi praefulesque reliqui libenter tulisse monachosque ad discendam faciendamque medicinam, *lucris temporalis causa*, vt ex canone concilii ROMANI, sub INNOCENTIO II. habiti, apparet, incitasse videntur. Multorum fane monachorum medii aevi memoria ad nostram aetatem pervenit medicinae peritia clarissimorum, Italo-
rum praesertim, quorum amplum catalogum MYRATORIVS h) dedit. Sic etiam antiquum chronicon monasterii Fabaritani refert RATFREDVM, abbatem monasterii, CAMPONEM monachum instituendum in medicina curasse, postea tam ingratum atque impium, vt abbatem, quo in locum ejus succederet, veneno interficeret i). Sic ALPHANVS, nobilissimus clericus Salernitanus, DESIDERII, abbatis Casinensis tempore, qui anno MLXXXV pontifex Romanus factus est, „*qui miram cantandi peritiam et medicinae artis scientiam non parvam habebat, ejusdemque artis codices nonnullos secum a domo detulerat, magni aliquid se habendum in pontificis curia omni modo confidebat, confectisque atque aptatis,*

g) Mösen, l. c.

h) Tom. IV. scriptor. rer. Ital. pag. 309. in not. ad Leon. Ostiens. Chron. Casinens.

i) Mabillon, annal. Benedict. Vol. III. L. 43. n. 74.

tis, quotquod potuit, medicaminibus ad Romanum pontificem profectus est, k). FVLBERTVS Carnutensis episcopus, medicinam, quam didicerat, exercuit. OBIZO, monachus Sti Victoris, LVDOVICI CRASSI, RICHARDVS ex monasterio Sti Dionysii PHILIPPI AVGVSTI, Gallorum Regis medicus fuit l), vt BERTHARIVM, MOYSEN Antiochenum, aliosque silentio praetermittam m).

Antiquum erat, neque procul a Salernitana vrbe situm, nobilissimum postea atque terrarum opulentiarumque omnis generis abundantissimum in monte Casino Benedictinorum monasterium. Ipse BENEDICTVS, monachorum per occidentem omnium pater, in Romano agro vitam cum vnico socio per triennium solitariam egerat: sentiens autem, se non posse diutius ibi latere, sanctitatis fama percrescente, Casinum in montem se transtulit, fratribus PLACIDO et MAVRO in societatem adscitis, ibique, in editissimo monte, in locum everfi Apollinis fani, anno DXXVIII monasterium posuit, ordinis sui caput et quasi emporium futurum n), in quo et ipse ordinis sui regulam conscripsit. Nondum his temporibus GREGORIUS MAGNVS monachis, mandato dato, vt a veterum lectione abstinerent, elegantiorum atque severiorum literarum stu-

k) Chron. monaster. Casin. Lib. III. cap. 7. *Marat. Script. rer. Ital. Tom. IV. pag. 417.*

l) *Gianzone Tom. II. pag. 123.*

m) Hos et alios citavit *Muratorius*, in tom. IV. script. rer. Ital. pag. 309.

n) *Leo Ostiens. Libr. I. cap. 1. Paul Warnefrid. de gestis Longobard Lib. I. cap. 26. Ant. Dadin. Alteserra orig. rei monast. cap. 9. Saxii onomast. literar. Part. II. p. 32.*

studia interdixerat o). Vigebat adhuc in virorum animis priscorum librorum legendorum atque aemulandorum cupiditas, et licet temporum injuria atque calamitatum, quae vniversum imperium Romanum Graecumque vehementer lacerabant, imitatores hi majorum exempla non adsequerentur, priscorum tamen auctorum notitia quaedam, et doctrina, per saeculi injuriam deformis quidem, restitit. Eratque institutum coenobii Casinensis, ab ipso BENEDICTO, auctore suo, sine dubio profectum, quo monachi, ad regulam auctoris sui in hoc monasterio vivere cupientes jubebantur, *ut literarum studiis operam darent et in omnibus praeclaris disciplinis, ad statum monasticum pertinentibus, amplissima mercede conductis ad hoc doctissimis et praestantissimis quibusque viris, suos omnes erudire et nobilitare studerent: sed neque idcirco concionarentur, neque publice legerent, neque disputationibus incumberent* p). En scholarum in monasteriis Benedictinorum, inprimis autem in Casinensi monasterio antiquis jam temporibus existentium, praeclara indicia! Neque in his scholis quae ad ordinis instituta tantum, scientiasque theologicas pertinent, verum *omnes praeclarae disciplinae* docebantur. Theologicis adeo lectionibus saeculo XI. in hoc coenobio habitis quaestiones theologicae difficiles secundum Aristotelicae philosophiae principia enodatae sunt theologorumque doctrinae per Aristote-

o) *Walch* Geschichte der Römischen Päpste, Libr. II. cap. I. art. 3. §. 14. p. 133. *Giannone*, tom. I. pag. 489.

p) *Flav. Alexandr. Ugonii* de dignit. ac praestant. reipubl. Casinens. Libr. in *Graevii et Burmanni thes.* Tom. IX. part. I. pag. 327. A. B.

stotelicae philosophiae principia demonstrari coeptae. Adeoque e Casinenſi monaſterio ſcholasticae theologiae, quam per longiſſima tempora monachi fere vnicam agitarunt, prima initia repetenda ſunt q).

Nec facile alia monaſteria opportunitatibus ad literarum ſtudia his gavifa ſunt, quibus in Caſinenſi literarum amor ſervatus eſt earumque diſcendarum occaſio fere perpetua manſit. Non longo quidem poſt lactiſſima initia tempore Zoro, e Longobardorum gente Beneventi dux, qui anno DXCI fato functus eſt r), monaſterium occupavit evertitque funditus, verum mox reſtitutum ſplendorem priſtinum, imo majorem adſequutum eſt. GISVLFVS ENIM SECVNDVS, Beneventi et Salerni princeps, qui anno DCCXXXII regnare coepit, monaſterium Caſinenſe non ſolum pecunia plurima, verum etiam terris ditavit, ita vt his aliisque donationibus integrarum fere provinciarum opibus terrisque tantum valeret, vt abbates illius vaſallos dominio ſuo ſubditos habentes plurimos proprios adeo exercitus alere propriaque vi hoſtiles aliorum impetus repellere poſſent s) Immunitates eiſdem fere temporibus ac privilegia plurima a pontifice Romano ZACHARIA, qui ſedi Apoſtolicae ab anno DCCXLII ad annum vſque DCCLII praefuit, inprimis vero hoc obtinuit, vt liberatum ab epiſcoporum dominio cum ſubditis et vaſallis ſuis *nullius juri ſubjaceret, niſi ſolius Romani pontificis* t), vtque ſimul abbates illius ſententiae ſuae in conciliis primum ferendae jus haberent.

Ro-

q) Giannone, Tom. II. pag. 121.

r) Giannone, Tom. I. pag. 290.

s) Giannone, Tom. I. pag. 290.

t) Leo Oſtienſ. Lib. I. cap. 4. Giannone Tom. I. p. 406.

Romanae fedi pontifices summos aliquot dedit coenobium Casinense, cardinales aliosque suprema dignitate conspicuos viros plurimos. Reges etiam habuit, qui deposito imperio, monachorum in eo regulam vitamque sequerentur. RACHISIVS, Longobardorum Rex, qui anno DCCXLIV regnare coeperat, deposita anno DCCXLIX regia dignitate, Sancti BENEDICTI regulam in Casinensi monasterio amplexus est u). CAROLOMANNVS, LVDOVICI GERMANICI filius, Italiae Rex, anno DCCCLXXX deposita corona regia, monachus Casinensis factus est, vt alios clarissimos viros, qui eandem in hoc coenobio vitam amplexi sunt, silentio praetermittam.

Saeculis vero sequentibus Saraceni monasterio Casinensi opibus abundantissimo, non raro plurimas calamitates attulere. Habebant quidem, quod praeclare iam docuit ALPHONSVS AIROLDVS, Heracleae archiepiscopus, praesul dignissimus, in prima parte *codicis diplomatici Siciliae sub Arabum imperio*, quam ex Arabico conversam iam edidit x), et in altera parte ejusdem codicis edenda docebit vltius, Saraceni praeclaras leges, tuendae christianae religioni tuendisque illius doctoribus summo opere opportunas, scilicet vt Siculo cuique liberum esset religionem suam habere; vt nemo ad religionem suam mutandam cogeretur; vt templa locaque sacra christianorum alia tuta essent neque

u) Giannone, Tom. I. pag. 330.

x) Excerptae hae leges leguntur ex Italico opere in Wablii, Vir. Cl. libello: *Beytrag zur Geschichte und Statistik der Araber und Saracenen in Sicilien, aus einem neu entdeckten Kodex, der sich in dem Kloster St. Martin in Sicilien befindet*, Halle 1790. 8.

que violarentur; vt moniales, sub capitis poena, a nemine laederentur; vt, qui monachum laederet, eadem poena afficeretur, ac si religiosum e Saracenorum gente laessisset; vt Saracenus, si templum christiano- rum violaret, eodem modo puniretur, quo christia- nus puniendus foret, si Saracenorum templa violasset, rel. Verum tamen Saraceni Siciliam per aliquot sae- cula tenentes maritimasque Italiae, inferioris oras cre- bro invadentes, Salerno etiam ab iis, vt supra dictum est, obfesso et pecunia plurima redempto, non solum vicinas monasterio Casinenfi terras crebro tenebant, ve- rum etiam anno DCCCLXXXIII ipsum coenobium oc- cupabant eoque funditus everso BERTHARIUM abbatem, clarissimum atque doctissimum virum, vna cum mo- nachis suis, aliquot tantum exceptis, qui Romanis cla- dem suorum nunciabant, trucidabant y). Mox vero, post toleratam atque superatam hanc incurfionem mo- nasterium restauratum est.

Scientiae quidem his temporibus in vniversa Eu- ropa parum colebantur, maxime tamen in Hispania, quam Saraceni occupaverunt, ARISTOTELIS philoso- phiam, HIPPOCRATISQUE et GALENI imprimis medici- nam in eam secum deferentes, et aliquo saltim modo in Italia. Erant enim maritimis praesertim vrbibus Italiae commercia et mercaturae negotia cum Graecis non exigua, ipsi adeo Graeci per longum temporis in- tervallum Italiae partem plurimam tenebant, Arabes- que, postquam circa annum DCCCXXXVIII Siciliam occu-

y) *Mabillon annal. Benedict. Vol. III. cap. 36. 37. Petr. Diac. de viris illustr. Casin. cap. XII, in Graevii et Burn. thes. Tom. IX. p. 1. pag. 353.*

occupaverant, non solum mercaturam cum iisdem vrbibus plurimam habebant, verum etiam in iis non raro degebant, imo post bella feliciter gesta non raro terrarum plurimarum in Italia domini erant. Has gentes, penes quas ingenii cultus et doctrinae cupiditas remanserat, quae scientiis a priscis Graecis profectis studebant, doctrinam suam secum in Italiam detulisse excitatoque aemulationis quodam studio effecisse, ut literarum studia his temporibus magis in Italia, quam in aliis Europae partibus colerentur, et ut philosophiae, naturalium scientiarum et medicinae studia diligentius et secundum veterum praecepta tractarentur, admodum credibile est.

Neque dubitare licet, quin ad Casinensis monasterii monachos aliosque qui severiora studia amabant, Graecae et Arabicae doctrinae pars haud exigua defluerit, monachique his temporibus medicinam habuerint, quam a Graecis et Arabibus acceperant. Aristotelicae philosophiae studium sane non omne per Saracenas in Italiam delatum est. Medici libri HIPPOCRATIS et GALENI antiquioribus jam temporibus in Italia et legebantur et discantibus exponebantur: neque in FRIDERICI SECUNDI Imperatoris constitutionibus praecceptum est, ut Arabum libri medicinales, qui tamen suis temporibus summa laude florebant, verum HIPPOCRATIS et GALENI praecepta exponerentur 2). Haec vero studia in scholis praesertim tractabantur. Scholas antiquissimas et legum celeberrima auditoria Roma,

2) P. Canciani barbarorum leges antiquae, tom. I. pag. 367. Constit. Neapolitan. sive Sicular. Friderici II. Libr. III. tit. 34. 3.

ma, Berytus et THEODOSII junioris temporibus (ab anno CCCCXXV) Constantinopolis habebant: alias scientias, ad legum doctrinam pertinentes, in iisdem scholis esse traditas credibile est. Erant itaque jam his temporibus quaedam scholarum exempla, quorum imitatione aliae institutae sunt, neque forsan a veritate alienum est, Casinense monasterium scholam habuisse instituta iis similia habentem, quae scholae supra memoratae habuerunt. Otium sane penitus relegatum fuisse a Casinenfibus monachis, eos studiis operam assiduam dedisse, scholamque in monasterio suo antiquitus habuisse, locus UGONII supra citatus probat: probant vero etiam viri tot doctissimi clarissimi-que, quorum catalogum PETRVS DIACONVS a) dedit, in quibus, praeter medicos, quos postea enarrabimus, PAVLVS WARNEFRIDVS, Aquilejensis Patriarchae diacōnus b), ALBERICVS DIACONVS c), PANDVLPHVS Capuanus d), LEO Ostiensis e), BRVNO, Signiensis episcopus f), MARCVS versificator et St. Benedicti biographus g), ALBERICVS de Settefrati h) ORDERI-
SIVS

- a) de viris illustrib. Casinens. in thes. Graev. et Burm. t. IX. part. pag. 341.
- b) Petr. Diac. de vir. illustr. Casin. cap. VIII. l. c. p. 346. Voss. de histor. lat. Libr. II. cap. 30.
- c) Petr. Diac. cap. 21. pag. 365.
- d) Petr. Diac. cap. 26. pag. 370. Giannone tom. II. p. 126.
- e) Petr. Diac. cap. 30. pag. 373. Voss. Libr. II. de histor. lat. cap. 48. Fabric. bibl. lat. med. et infimae aetat. tom. IV. p. 770. Saxii onomast. Vol. II. pag. 208.
- f) Petr. Diac. cap. 34. pag. 377.
- g) Leyser histor. poetar. et poemat. med. aev. p. 184. Fabric. bibl. med. et inf. aet. lat. tom. V. pag. 71. 72.
- h) Giannone, Tom. II. pag. 122.

SIVS i), AMATVS et JOANNES, abbates Capuani k) eminent.

Medicinam permulti Casinensis monasterii monachi coluerunt et libris de rebus ad eam pertinentibus scriptis illustrarunt, pro more istorum saeculorum, quo animorum custodibus corporis quoque valetudinem custodire licebat.

BERTHARIUM, Sanctis adscriptum, abbatem Casinensem ab anno DCCCLVI l), ex Gallorum stirpe regia oriundum atque anno DCCCLXXXIII a Saracenis, cum monachis suis trucidatum, virum doctrinae multis generibus insignem, grammaticum, medicum, atque mirificorum in laudem St. Benedicti versuum confectorem fuisse auctores memorant m), et apprime literatum. Illius quoque extare duos codices medicinales, ejus industria de innumeris remediorum utilitatibus hinc inde collectos LEO OSTIENSIS n) refert, easque medicinas ex optimis antiquis scriptoribus fuisse collectas TIRABOSCHIVS, referente JAGEMANNO, Vir. Clmo, putat o).

ALPHANVS Secundus, cum ALPHANO Primo, principis Salernitani, GVAIMARII affini, nobilissimo clerico, monacho Casinensi, deinde abbate monasterii St.

Bene-

i) *Gianmonè*, Tom. II. pag. 122.

k) *Gianmonè*, Tom. II. pag. 122.

l) *Jo. Bapt. Mari* annot. ad *Petr. Diac.* cap. 12. de vir. illustr. Casin. pag. 353.

m) *Leo Ostiens.* chronic. Casin. Lib. I. cap. 33. in *Murator.* script. rer. Ital. Tom. IV. pag. 309. *Petr. Diac.* de vir. illustr. Casin. cap. 12. et *Jo. Bapt. Mari* annotat.

n) chron. Casin. Lib. I. cap. 33.

o) *Geschichte der freyen Künste und Wissenschaften in Italien*, Vol. III. part. I. pag. 44.

Benedicti Salerni, postremo archiepiscopo ejusdem civitatis a STEPHANO X, anno MLVII consecrato qui concilio Romano NICOLAI II auctoritate habito interfuit, non permutandus, scientia et sanctitate conspicuus tantopere, vt hominibus, teste JOANNE BAPTISTA MARO p 1) pro miraculo esset, philosophiae atque theologiae scientia inclaruit oratorque fuit et versificator celeberrimae opinionis. Praeter plurimos libros, quos PETRVS DIACONVS p 2) et JOANNES BAPTISTA MARVS q) ab eo conscriptos esse referunt, scripsit ad medicinalem artem pertinentes libros *de unione corporis et animae*, nec non *de quatuor humoribus*, quos cum reliquis suis operibus in bibliotheca monasterii Casinensis servari Jo. BAPT. MARVS r) testatur. Miram etiam habuit cantandi peritiam, praeter medicinae scientiam non parvam, LEONE OSTIENSI s) referente. Magni autem his temporibus peritiam ejus in rebus medicinalibus esse aestimatam ipsumque scientiam medicamentorum conficiendorum habuisse LEO OSTIENSIS his confirmat t): *Fama erat, pontificem Romanum in Salernitanam regionem venturum fore. Alphanus, quoniam miram cantandi peritiam et medicinae artis scientiam non parvam habebat, ejusdemque artis codices nonnullos a domo secum detulerat, magni aliquid se habendum in summi pon-*

B 3

tifi-

p 1) annot. ad Petr. Diac. de vir. ill. Casinens. cap. 12. pag. 353.

p 2) de viris illustrib. Casinensib. cap. 19. pag. 362.

q) annot. ad Petr. Diac. de viris ill. Casin. cap. 19. p. 362.

r) annot. ad Petr. Diac. de v. ill. Casin. cap. 19. p. 364.

s) Chronicon S. monaster. Casinens. Libr. III. cap. 7. in Murator. script. rer. Ital. tom. IV. pag. 417. conf. Mazza, pag. 58. F.

t) Chron. monast. Casin. L. III. c. 7. p. 417. A.

*tificis curia omni modo confidebat. Confectis atque ap-
tatis, quotquot potuit, medicaminibus, una cum civita-
tis ipsius archiepiscopo ad Romanum Pontificem in Tusciam proficiscuntur eumque apud Florentiam remorantem reperiunt.*

DESIDERIUS, Casinensis monasterii abbas, postea Victoris III. nomine Romanorum summus pontifex (anno MLXXXV) ALPHANO II. arctiore amicitia conjunctus, Salernum ob aegritudinem perrexit u) ibique medicinae prima fundamenta hausit. Non musices solum, siue potius rhythmorum et faciendorum et cantandorum, (fecit autem plurimos) verum etiam medicinae peritissimus fuit x). Doctrinam generatim omnem coluit: libris multis vndique conquisitis eo-que auctore a librariis descriptis bibliothecam monasterii sui, amplissimis aedificiis ab eo ornati, summo-
pere auxit. Instituta novellasque Justiniani Imperatoris, his temporibus in Italia rarissima et paene vix ulli nota, ut adeo, si GIANNONIO y) fides est, post DESIDERII hanc operam in solo Casinensi monasterio reperirentur, eiusque praesertim opera ad Normannos legum a JUSTINIANO datarum notitia perveniret, describenda curavit et in monasterii sui bibliothecam reposuit.

Hi viri in Casinensi monasterio medicae peritiae fama florentes ante CONSTANTINI AFRICANI tempora extiterunt, neque fere dubitare licet, quin medicinae sci-

u) *Leo Ostiens. Chronic. Casin. Libr. III. cap. 7. Murator. script. rer. Ital. Tom. IV. pag. 416.*

x) *Joh. Bapt. Marus in annot. ad Petr. Diac. de vir. illustr. Casin. cap. 18. p. 362, A. in tom. IX. part. I. thes. Graev. Burmann.*

y) *Libr. X. cap. 11. Tom. II. pag. 115.*

scientia aut a Salernitana vrbe ad Casinense monasterium, aut ab eo in illam defluxerit. Plurimam autem gloriam monasterio, in quo vltimam suam aetatem transgebat, conciliavit CONSTANTINVS AFRICANVS, qui peragrata orientis culti parte plurima, Salerno, postea in Casinense monasterium se recepit, Scholam Salernitanam instauravit divulgataque illius et monasterii sui per vniversum orbem gloria, novae epochae auctor extitit, qua florentior facta Salernitanorum medicorum schola vnica in occidente per notabile temporis intervallum evasit, in qua et Graecorum veterum, et Arabum praecepta exponerentur.

Enarrato nunc medicinae in Casinensi monasterio ad CONSTANTINI AFRICANI vsque tempora studio, origines atque antiquitates Salernitanae scholae ad eadem vsque tempora perducendae sunt. Quo facto quid CONSTANTINVS cum discipulis suis et aliis monasterii Casinensis monachis ad scholam Salernitanam illustriorem reddendam praestiterit, quaeque fata post CONSTANTINI tempora habuerit, enarrabimus.

I Antiquissimum esse medicinae in Salernitana vrbe studium, eamque temporibus, quibus in occidente medici, praeter monachos, nulli erant, medicos habuisse doctos, peritos in arte sua atque celeberrimos, vt adeo peregrini non pauci corporis sui curandi causa Salerno venirent, urbem ipsam *Hippocraticae civitatis* celebre nomen antiquitus tenuisse, quod nomen adhuc in sigillo Salernitani collegii expressum legitur, plurimi auctores statuunt 2) An vero schola medico-

B 4

rum

2) *Mazza* cap. 9. *Jo. Freind.* histor. medicinae pag. 283. in oper. edit. lat. Paris. 1735. in 4to.

rum ante CONSTANTINI AFRICANI tempora Salerni jam fuerit, quamque formam his temporibus habuerit, non certe constat, aliis scholam medicam Salernitanam a CAROLO Magno, anno DCCCII fundatam a), aliis ante illius tempora extitisse statuentibus b), aliis vix ante CONSTANTINI AFRICANI tempora medicos Salerni fuisse scientiam suam docentes, scholamque ineunte Saeculo XI a ROGERIO Rege esse institutam perhibentibus c), aliis denique putantibus, vix ante FRIDERICI SECUNDI, Romanorum Imperatoris tempora scholam medicinalem Salerni floruisse d).

Ad antiquissima autem studii medici Salernitani tempora si recedimus, medicinalis schola a principe quodam instituta fundataque ibi sane non floruit: privilegiis potius ornata esse videtur, a ROGERIO Siciliae Rege, deinde a FRIDERICO SECUNDO, postquam docti viri, tam medici, quam alii, per longum jam tempus in societatem docendarum literarum, inprimis medicinalis scientiae, coaluerant. Quod itaque nostris temporibus in scholarum publicarum fundatione locum habet, ut doctores constituto salario, variisque donati immunitatibus constituentur, Salerni locum non habuit: hinc etiam institutum Salernitanum, quo medicina docebatur, scholae nomen ante CONSTANTINI AFRICANI tempora non habuisse videtur, gymnasii vero et collegii medici nomen serius, et post fundatam de-

a) *Scip. Mazella* descritt. della Provinc. de Princip. citr. fol. 72.

b) *Mazza*, cap. 9. pag. 63, E.

c) *Conring* antiq. academ. dissert. III. pag. 102. §. 22. edit. *Hennemann*, *Fabricius* Grundriss einer allgemeinen Historie der Gelehrsamkeit 2 Bd. pag. 685.

d) *Hagelgans* orb. literar. academ. pag. 35.

demum studiorum vniuersitatem Neapolitanam, accepit e). In Salernitanam urbem, mari vicinam, opulentissimam, et cum orientis gentibus commercium habentem plurimum, plures ex Asia Africaque pervenire, ibique morati sunt. Saraceni per aliquot saecula Italiae partem et non raro terras Salernitanas tenentes, ipsam urbem vicinaque loca vexabant, obsidebant, cogeabantque Salernitanos, ut se terrasque suas pecunia redimerent, ejusque pecuniae exigendae causa Saraceni non raro in ipsa urbe Salernitana morabantur sedemque figebant. Graeci ante exarchatum has terras subinde tenebant, supremumque in illas, durante exarchatu, habebant dominium. Sane tali rerum statu existente non fieri potuit, quin cum gentibus his, penes quas ingenii cultus fere omnis erat, ejus particula Salernum deflueret, Salernitanique a Graecis Saracenisque philosophiam medicinamque, acciperent.

Translatis hoc modo in Salernitanam urbem vicinasque, Beneventum inprimis, quod opulentia atque cultu his temporibus summopere inclaruit, scientiasque, quantum per saeculum licebat, coluit, ita ut anonymo Salernitano auctore, tempore, quo Ludovicus Samnitibus praeerat, *XXXII philosophos haberet* f) Graeco cultu doctrinaque Saracenorum, philosophia et medicina mox Salerno floruit. Medicinae Salernitanae temporibus istis, quibus omnia ad miracula referri solebant, martyres virgines ARCHELAIS, TECLA ac SUSANNA, quae in decima persecutione chri-

e) *Maxxa* cap. IX. pag. 64.

f) *Giannone* tom. I. pag. 414.

stianorum DIOCLETIANVM et MAXIMINIANVM auctores habente, a LEONTIO proconsule circa annum CCXCIII morti datae erant, quarumque corpora Salerni in templo sanctimonialium Sancti Georgii ordinis Sti Benedicti servantur, famam primum conciliaffe videntur. ARCHELAIDIS corpus fane, quod *omnes miraculis suis curare* dicebatur, testante epitaphio, a FABRICIO PINTO confecto, quod ex ANT. MAZZA mox dabimus, multos ad hanc urbem adeundam valetudinis recuperandae causa incitasse videtur. Epigraphae haec est: *Archalais, Tecla et Susanna, dum emortis manibus evadere putant, Romam deserunt, inter Leontii ungues Christi oves prope Nolam ei occurrunt: ubi post saeva quamplurima tormenta, aureis redimitae sertis ac Thyreis praecinctae palmatis togis, suis decoloratae cruoribus, in paradisi capitolium martyres triumpharunt. Salernum tandem mirifice pergunt, ut in civitate Hippocratica Archalais, quae salus interpretatur, omnes suis curet miraculis et hic concluso in horto benedicto candidis illibatisque liliis tam suaviter redolentibus purpureae comitarentur virgineae rosae g).*

Doceri medicinam ante Normannorum in Italia adventum temporibus, quibus Graeci et Saraceni Italiae hanc partem tenebant visitabantve, in qua Salernum situm est, fuisse coeptam, primamque in occidente Salerni Scholam fuisse, in qua a magistris idoneis medicina doceretur, antiquum urbis Salernitanae chironicon docet, quod ANTONIVS MAZZA excerptit, verum non descripsit. Cui si iusta fides est, *Salernitani studii medici primaeui fundatores fuere Rabinus Elinus*

Ebrae-

Ebraeus, qui primum Salerni medicinam Ebraeis de litera Hebraica legit, Magister Pontus, Graecus de litera Graeca Graecis. Adala Saracenus Saracenis, de litera Saracenica. Magister Salernus latinis medicinam de litera latina legit. Jique medicinae magistri Salernum, loci amoenitate moti, advenerant h)

Si fides est huic chronico inquam et ANTONIO MAZZAE, qui patriam suam urbem non raro nimis extollit laudibus: omnes enim alii, qui de Salernitano studio scripserunt, praeter JOANNEM FREINDIUM, qui adeo saeculo VII haec accidisse, verum nullo testimonio adducto, refert i), haec non memorant, tale sane studii medicinalis institutum, quo medicina linguis his temporibus per orbem florentibus praecipuis docebatur, Salernitanae vrbi, in quam et Graeci, et Saraceni, et Judaei confluebant, non repugnaret. Fidem etiam narrationi hoc adderet, quod Judaei, qui medio aevo, medicinam frequenter colebant et principum in Europa virorum valetudinem curabant k), studii medicinalis in patria sua lingua tractandi Salerni occasionem habuerint: aut monachos enim, aut Judaeos fuisse, qui medio aevo medicinam exercerent, Judaeosque praesertim magnam scientiae medicinalis famam sibi comparasse, praeter FREINDIUM, MOEHSENIUM, aliosque docuit XAVERIUS BETTINELLIVS l).

Si

h) *Mazza*, cap. 9. pag. 63 E.

i) *histor. medicin. edit. cit. pag. 283.*

k) *Jo. Freind. histor. medic. pag. 285. 286.*

l) *Del risorgimento d'Italia negli studi nelle arti e ne' costumi. Part. I. pag. 71. 72.*

Si vero etiam dubitandi de veritate narratorum ab incerto chronici Salernitani auctore iusta causa est, plura tamen testimonia viri fide dignissimi protulere, quae Salerni medicos fuisse ante CONSTANTINVM AFRICANVM clarissimos probant nosque facile inducunt ad credendum medicinam his ipsi temporibus ab idoneis doctoribus Salerni esse traditam. Medicinae enim studium a Graecis et Saracenis Salernitanos et potuisse habere, et sine dubio habuisse, jam docuimus: aliam vero etiam, eamque optimam medicinalis studii occasionem habuerunt, nunc enarrandam.

Arctum fuisse inter Salernitanos et Casinensis montis monachos connubium, supra expositum est, idemque viri fide dignissimi HERMANNVS CONRINGIVS in) JO. FREINDIVS n) PETRVS GIANNONE o) ex TIRABOSCHIO JAGEMANNVS p), Vir Cl. alique docent. Si vero a primis monasterii conditi temporibus monachi Casinenses medicinam et didicerunt, et exercuerunt, credibile sane est, medicinalem scientiam doctis viris et harum rerum cupidis urbem inhabitantibus fuisse communicatam eoque modo ex ipso monasterio in urbem Salernitanam fuisse propagatam, vt adeo honor excitatae cupiditatis medicinae discendae atque faciendae penes Salernitanos in vniversum quidem Graecis et Saracenis, in primis vero Casinensibus monachis debeatur. Medicos sane in Salernitana vrbe jam ante CONSTANTINI

AFRI-

m) antiq. academ. diff. III. §. 22. pag. 102.

n) histor. medicinae pag. 283.

o) Geschichte von Neapel, Tom. II. pag. 120.

p) Geschichte der freyen Künste und Wissenschaften in Italien. Vol. III. part. I. pag. 167 seq.

AFRICANI tempora doctores suos Casinenses superasse atque majorè gloria floruisse, scriptores non pauci testantur. ROMVALDVS SALERNITANVS, chronici auctor q) anno MLXXV Salernum a duce Roberto esse captum narrat simulque *urbem medicinae artis utique famosam atque praecipuam* dicit. BENJAMINVS DE TVDELA, Judaeus, quem alii Saec. X r), alii vero, et jure quidem, saec. XII exeunte floruisse dicunt, *unius se diei, ait, itinere Salernum esse deVectum, urbem medicorum scholis illustrem, quas optimum inter filios Edomi* (Christianos) *medicinae seminarium* vocat. ALPHANVS etiam SECYNDVS valetudinis causa, vt supra jam memoratum est, Salernum sese contulit. Salernum etiam confluebant ab exteris regionibus, aut valetudinis recuperandae, aut eruditionis acquirendae causa, praeclari et nobilitate praestantes viri. Sic HVGONE FLAVINIACENSIS s) teste, *huic, Verdunensi nempe episcopo, successit Adalbero, filius comitis Godefridi. Salernum eodem anno benedictionis suae curationis gratia profectus, reversus in Italiam obiit. Vixit in episcopatu tribus annis et successit Heimo ann. DCCCCLXXXVIII.* Ergo ante hunc annum medicos Salernitanos singularis fama scientiae commendabat ac iuste etiam ad hunc locum movente MYRATORIO t), ad gloriam medicinae comparandam minime expectavit Italia, vt principes Arabum scri-

q) Chronic. Tom. VII. pag. 171. 172. Murat. script. rer. Ital. Loca alia e scriptoribus, quibus antiqua medicorum Salernitanorum fama probatur, collegit Ant. Mazza, p. 63, 64 seq.

r) Mazza, cap. IX. pag. 63.

s) Chron. Verdun. part. I. ad fin.

t) diff. ad antiq. medii aevi XLIV. Tom. III. p. 936.

a/ scriptorum prodirent, ex quorum scriptis proficeret. ORDERICVS etiam VITALIS u) Salernitanis medicorum scholas summopere laudat, haec dicens: *Robertus Mala-Corona ab infantia literis affatim studuit et Galliae Italiaeque scholas, secretarum indaginem rerum, insigniter attigit. Nam ut in grammatica et dialectica, in astronomia quoque nobiliter eruditus est et musica. Physicae quoque scientiam tam copiose habuit, ut in urbe Psalernitana, ubi maximae medicorum scholae ab antiquo tempore habentur, neminem in medicinali arte, praeter quandam sapientem matronam, sibi parem inueniret.*

Liquet fane ex hoc nobilissimo loco ORDERICI VITALIS, qui historiam suam ecclesiasticam ad annum vsque MCXLI perduxit, adeoque prima saeculi XI parte floruit, ab antiquo inde tempore scholas medicorum in Italia fuisse, easque saeculis aliquot supra ORDERICI tempora, adeoque saltim saeculo exeunte X floruisse x). Quando vero hae scholae institutae fuerint, scire non licet: Neque de Salernitana schola quando fuerit instituta, siue potius quando in ea doctores medici medicinam docere inceperint, manifestum est. Non tamen dubitare licet, quin integro jam saeculo X scholae extiterint medicinales; antiquum enim chronicon Fabaritanum, quod supra citavimus, expresse docet, Camponem abbatem monachum instituendum in medicina curasse, occasionem itaque medicinae discendae extitisse certum est. Vult quidem TIRABOSCHIVS y) scho-

lam

u) Libr. III., eccles. histor. ad ann. 1059.

x) Jagemann, V. Cl. libro cit. Vol. III. part. I. pag. 167.

y) vid. Jagemann, V. Cl. Geschichte der freyen Künste und Wissenschaften in Italien. Vol. III. part. I. pag. 84. 85.

lam medicam jam his temporibus extitisse Salerni, in qua monachus iste, episcopi sui jussu, scientiam suam hauserit; verum extra monasteria, saltem praeter illa extra palatia et cathedrales ecclesias his temporibus studia vix fuisse videntur. Fuere in Gallia saeculo X scholae permultae, tam inferiores, quam superiores, in quibus grammatica cum philosophiae partibus plurimis, nec non elegantiores artes exponebantur, plurimique viri docti hoc saeculo in Gallia florentes exeunte saeculo IX scientiam suam sibi comparaverant. REMIGIVS sane ANTISSIODORENSIS z), HVCBALDVS monachus monasterii S. Amandi a), STEPHANVS Tungrorum episcopus b), RATHERIVS Leodiensis, postea Veronensis episcopus c), GERBERTVS archiepiscopus Remensis, postea SYLVESTRI II nomine Romanorum supremus pontifex d), ABBO FLORIANENSIS e) et FVLBERTVS CARNOTENSIS f) non solum ipsi in permultis doctrinae generibus erant versatissimi, verum etiam eadem aliis tradiderunt suaeque auctoritate effecerunt, vt in permultis monasteriis Galliae scientiae discipulis exponerentur g). Parisiensis adeo schola circa annum DCCCII

con-

z) Mabillon act. Bened. Tom. VII. pag. 189. n. 11. Histoire littéraire de la France par des religieux Benedictins de la Congregation de S. Maur. Tom. VI. pag. 99. Saxii onomast. Vol. II. pag. 130.

a) Histoire liter. de la France. Tom. VI. pag. 210.

b) Hist. lit. de la France Tom. VI. pag. 168.

c) Hist. lit. de la France. Tom. VI. p. 339.

d) Hist. lit. de la Fr. Tom. VI. pag. 23.

e) Saxii onomast. Tom. II. pag. 153.

f) Saxii onomast. Tom. II. pag. 153.

g) Has scholas praeclare enarrarunt in amplissimo opere: Galliae literaria historia tom. VI. pag. 22. §. 29. Benedictini.

consilio ALCVINI, vt ferunt, a CAROLO MAGNO condita, plures a fundatione sua viros doctissimos habuit in ea docentes. Scholas etiam iisdem temporibus Italia habuit celebres. Papiensem CAROLVM MAGNVN liberaliter dotavisse atque viris doctissimis ornavisse HENRICVS PANTALEO h) auctor est. Bononiansē adeo gymnasium origines suas vsque ad THEODOSII II tempora deduxit, qui anno CCCCL vivere desit. Ticinensem scholam CAROLVM MAGNVN instituisse, illiusque nepotem, LOTHARIVM in Italiae civitatibus pluribus similes scholas condidisse MVRATORIVS i) probat. Scholas philosophorum duas prope cathedralē Mediolanensem LANDVLPVS Major k) enarrat, his verbis: *in atrio interiori philosophorum scholae diversarum artium peritiam habentium erant duae*. Dedisse se ipsum studiis operam in scholis Faventinis et Parmensibus PETRVS DAMIANVS l) saeculi XI scriptor, refert.

Haec quidem etsi non probant, scholas medicorum his temporibus in Italia extitisse, probant tamen, extitisse scholas, in quibus magistri docebant, diversarum artium peritiam habentes, neque conjecturae Salerni scholam medicinalem floruisse ante CONSTANTINI AFRICANI tempora m) repugnant. Quae an penes

Ca-

h) de vir. ill. German. P. II. Murator. diss. ad antiq. medii aevi XLIV. Tom. III. pag. 883.

i) in diss. citat. XLIV. Tom. III. pag. 884.

k) Chron. Lib. II. cap. 35. in Murat. script. rer. Ital. Tom. IV.

l) Lib. V. epist. 16. Lib. VI. epist. 17. 30. Jagemann Gesch. der freyen Künste u. Wissensch. Vol. III. part. I. p. 102. 103.

m) Idem asseruit, verum argumentis parum valentibus, Pagus in critica histor. chronolog. in Baronii annal. ann. 1087. n. 13. Tom. IV. pag. 299.

Casinenſis monaſterii monachos, an in ipſa vrbe floruerit, incertum quidem, Salernum vero longo ante CONSTANTINVM tempore peritos medicos et poſt CONSTANTINVM medicorum ſcholam habuiſſe certum eſt. Quidam per ipſum CAROLVM MAGNVM ſcholam Salernitanam fundatam eſſe adſerunt, codicis praefertim manuſcripti praeceptorum de conſervanda bona valetudine ſcholae Salernitanae auctoritate ducti, qui in catalogo Cod. MS. Angliae et Hiberniae deſcribitur et inſcriptionem hanc habet: *Scholae Salernitanae verſus inſcripti Carolo Magno Francorum Regi.* In fine haec leguntur: *Explicit florarium verſuum medicinalium, ſcriptum chriſtianiſſimo Regi Francorum Carolo Magno a tota vniverſitate doctorum medicinarum praeclariffimi ſtudii Salernitani, tempore, quo idem Saracenos devicit in Rancivalle.*

Sed errores, qui in hac inſcriptione occurrunt, a librario eſſe profectos, qui ex Angliae rege Francorum regem fecerat, facile intelligitur. Neque CAROLI MAGNI temporibus vniverſitas ſtudiorum erat, neque CAROLVS ad Rancivallum Saracenos devicerat, neque tandem ipſe CAROLVS Salernitanam fundare ſcholam potuit, qui ARECHIſO devicto mox in Galliam regreſſus eſt et Salerni dominus nunquam extitit. Hinc, eſſi certum eſt faviſſe CAROLVM MAGNVM in vniverſum bonis artibus diligenterque ſtudiuiſſe, vt gentes, quas ſubegerat, doctrinae quendam, pro ſaeculi more, cultum acquirerent, ſcholas adeo medicas in palatio aperuiſſe, quarum in capitularibus fit mentio n), falli ta-

men

n) Tob. Köhler primus artis medicae peritia celebris Winturus. Götting. 1752, pag. 15. Haller bibl. med. pract. Tom. I. pag. 424.

men doctissimos viros, SCIPIONEM MAZELLAM, JOANNEM FREINDIVM o) aliosque, scholam Salernitanam a CAROLO MAGNO esse fundatam putantes, facile perspicitur p).

Medicinam vero si docuere Salernitani ante CONSTANTINVM AFRICANVM, eam secundum HIPPOCRATIS et GALENI praecepta docuerunt. Habebant Itali primis jam temporibus et notitiam Graecorum medicorum, et eorum libros in latinam linguam translatos. Sic MAGNVS AVRELIVS CASSIODORIVS circa annum Christi DLX monachis suis latinis in libro de institutione divinarum literarum haec scripsit: *Legite Hippocratem atque Galenum latina lingua conversos, id est therapeutica Galeni ad philosophum Glauconem destinata et anonymum quendam, qui ex diversis auctoribus probatur esse collectus. Deinde Aurelii Caelii de medicina et Hippocratem de herbis et curis diversosque alios medendi arte compositos, quos vobis in bibliothecae nostrae finibus reconditos, Deo auxiliante, dereliqui.* GALENVm in primis esse sequutos Salernitanos medicos in docenda medicina, CHRISTOPHORVS de HONESTIS, Florentinus refert, qui circa annum Christi MCCCCLXXX vixit. *Et non est longum tempus elapsum, inquit, quum in dicta civitate Salerni digna ac clamorosa fama per orbem vigeat fons scientiae et maxime practicae medicinae. Ibi enim florebat studium principaliter, sequendo sententiam Galeni,*
tan-

o) hist. med. pag. 283. Error Freindii ex confusa Salernitana schola cum Parisina natus est.

p) Giannone, Tom. I. pag. 429. Jagemann, Vol. III. part. I. pag. 168. 169.

tanquam principis medicorum, ejus libros legendo et utiliter declarando, licet hodie fugiantur. q)

¶ Auxit autem, post mediam saeculi XI partem elapsam, scholae Salernitanae famam summopere CONSTANTINVS, Carthagine oriundus, indeque AFRICANVS dictus, qui itinere per orientem instituto, peragrataque plurima Asiae et Africae cultioris parte, scientias, quas gentes harum terrarum colebant, medicinam imprimis atque philosophiam, didicerat. Babylonem imprimis se contulit et in hac vrbe grammaticam, dialecticam, geometriam, arithmeticam, mathematicam, astronomiam, necromantiam, musicam, physicamque Chaldaeorum, Arabum, Persarum, Saracenorum, Aegyptiorum atque Indorum edoctus est. Indiam deinde adiit Aethiopiam atque Aegyptum, absolutoque post XXXIX annos studiorum suorum cursu, Carthaginem rediit. Carthaginenses vero, invidia doctrinae suae ductos, magicasque suas artes metuentes, vitae suae insidias struere quum experiretur, fuga periculum evasit, navique clam conscensa Salernum petiit.

Saracenos aliasque orientis gentes crebro Salernum venisse supra memoratum est. Urbis visendae forsan causa, quam ROBERTVS GVISCARDVS, Normannus, principem in terris suis effecerat), quamque floruisse ceu commercii inter orientem atque occidentem emporium,

q) in praef. ad commentar. in antidotar. Mes. Locum etiam dedit *Conring* in diss. III. antiq. acad. §. 22. pag. 105.

r) *Ant. Mazza* cap. V. pag. 14. B. C. prolixè memorat quid ad urbem exornandam optimus hic vir effecerit.

rium, historici memorant s), Babylonis regis frater Salernum venit, qui CONSTANTINVM Babylone degentem jam noverat ROBERTOQUE virum summa doctrina valentem tantopere commendabat, vt summis honoribus ornaretur ipsique ROBERTO vti ex codice manuscripto Florentino patet, in quo CONSTANTINO hic titulus tribuitur t), a secretis esset. Medicinam apud Salernitanos studiose coluit tandemque in Casinense monasterium se recepit, monasticam vitam sub DESIDERIO abbate amplexus. Arabum in eo atque Graecorum libris medicis vertendis operam dedit tanta gloria, vt orientis atque occidentis doctor alterque Hippocrates appellaretur. Tandem anno MLXXXVII fato functus est u).

Librorum philosophicorum et medicorum a Saracenis conscriptorum versiones in latinam linguam instituendas CAROLVS MAGNVS jam curasse dicitur, libros-

s) *Giannone*, Tom. II. pag. 127.

t) *Bandini* catalog. eodic. MS. graecor. bibl. Florent. Vol. III. pag. 142. *Jagemann* libr. cit. Vol. III. part. 1. pag. 170.

u) cf. de *Constantino Africano* Petr. Diac. de vir. illustrib. Casinens. cap. 23. et Jo. Bapt. Mari' annot. in *Graevii* et *Burmanni* thes. Tom. IX. part. 1. pag. 369. *Leo Ostiens.* chron. S. monaster. Casinens. Lib. III. cap. 35. in *Murator.* script. rerum Ital. Tom. IV. pag. 455. ex quibus caeteri omnes sua de eo hauserunt. *Couring* diss. III. antiq. acad. §. 22. pag. 102. nec non de script. Saec. XI. cap. 4. pag. 114. *Fabric.* bibl. graec. Tom. XIII. pag. 123. vbi etiam libri ab eo conscripti omnes enarrantur. Ejusdem *Fabricii* biblioth. med. et inf. latin. tom. I. pag. 1192. *Muratorius* in diss. 44. ad antiq. medii aevi Tom. III. pag. 935. 936. *Brucker* *Fragen aus der philosophischen Historie*, Tom. V. pag. 856. *Jo. Freund.* hist. med. pag. 283. 284. *Haller* biblioth. botan. Tom. I. pag. 226. *Giannone*, tom. II. pag. 126. *Jagemann*, V. Cl. Vol. III. part. 1. pag. 172.

brosque temporibus inter CAROLVM atque CONSTANTINVM Arabicos in latinam linguam esse translatos certum est. Verum hae versiones, temporum injuria, omnes interiëre, et quae de CONSTANTINI versionibus supersunt, partim editis, partim in bibliothecis adhuc latentibus, primis adscribendae sunt, quae ad nostra usque tempora pervenerunt. Arabes vero non solum excerptis atque in latinam linguam translatos in epitomen redegit, suis non raro interpositis, verum etiam Graecos atque Latinos, hoc instituto semper servato, ut suis immixtis veterum libros in compendium quasi redigeret.

Quod propositum si CONSTANTINVS etiam in docenda medicina servavit, qualem docuerit medicinam aliquo modo intelligi potest, scilicet maxima ex parte eam, quam Saraceni ex Graecis hauserunt, non tamen ipsis Graecis, HIPPOCRATE et GALENO, neque latinis penitus neglectis. Eum saltem medicos etiam latinos suo aevo superiores in epitomen redeuisse, exemplum libelli docet, SEXTO PLACITO adscripti, quod suo nomine, mutatum in quibusdam locis, mutilatum in aliis, in aliis vero auctum, absque veri auctoris mentione x) edidit. Vestigia hinc quaedam Graecae medicinae his etiam temporibus apud Salernitanos remansisse Arabicam colentes medicinam a CONSTANTINO introductam, maxime, admodum credibile est.

Medicinae quidem imperium CONSTANTINVS non dilatavit, inventis ante sua tempora quidquam adden-

C 3

do,

x) Edidimus illum cum Sexto Placito aliisque parabilium medicamentorum scriptoribus antiquis, Norimbergae 1788.

do, Arabicae vero medicinae per Italiam studii auctor extitit. Libros Salerni scripsisse non videtur, verum, expresse hoc notante PETRO DIACONO, in Casinensi monasterio, scholae vero medicae atque philosophicae praefuisse videtur. Discipulos enim habuit, qui scriptis libris inclaruerunt, ATTONEM Agnetis imperatricis capellanium, qui ea, quae Constantinus diversis linguis transtulerat, cothurnato sermone in Romanam linguam descripsit y) et JOANNEM medicum, virum disertissimum ac eruditissimum, qui post Constantini, sui magistri transitum aphorismum edidit, physicis satis necessarium. — Obiit apud Neapolim, ubi omnes libros Constantini, magistri sui, reliquit z).

Auctam esse per CONSTANTINUM scholae Salernitanae famam post ejusque tempora celeberrimos medicos habuisse, omnes auctores testantur a): quidam adeo per CONSTANTINUM eam esse fundatam eumque medicinam Salerni docere coepisse perhibent. Tamen ad JOANNIS DE MEDIOLANO, insignis scholae Salernitanae versificatoris tempora, qui exeunte saeculo XI et ineunte XII floruisse videtur, vix medicorum nomina apud scriptores occurrunt, qui Salerni medicinam aut fecerint, aut docuerint. GARIOPONTUM tamen, quem veterem Graecum fuisse perperam statuit CASPAR BARTHIVS b), probante TH. REINESIO c) his temporibus, fae-

y) Petr. Diac. de vir. ill. Casinens. cap. 24. pag. 369.

z) Petr. Diac. de vir. ill. Casinens. cap. 35. pag. 378.

a) Conring, Brucker, Freind, Tiraboschius, Jagemann, Möhsen in libris jam saepius citatis.

b) VIII advers. 14. XXXV, 1. XLV, 4.

c) var. lect. lib. III. cap. 12. Fabricius Abriss einer allgemeinen Historie der Gelehrsamkeit. Vol. II. pag. 685.

saeculo scilicet XI floruisse certissimum est. CONSTANTINO AFRICANO coevum HALLERVS dicit d). Nominat GARIOPONTVM, tanquam *notum sibi virum honestissimum, adprime literis eruditum et medicum* PETRVS DAMIANVS e) cardinalis episcopus Ostiensis, qui ab anno MXXX vsque ad annum MLXXII in magna eruditionis et sanctitatis existimatione fuit. Fuisse GARIOPONTVM, postquam Salernum profectus esset, collegii Salernitani membrum, TH. REINESIVS f) indubitanter quidem affirmat, verum non probat. Ex ecloga tamen Oxonio-Cantabrigiensi RENATVS MOREAV g) locum dedit, in quo GARIOPONTVS Salernitanus medicus expresse vocatur.

Iisdem temporibus SICHELGAITA vixit, quae, ORDERICO VITALI teste a Salernitanis medicis venenorum eruditionem perceperat. *Medici Psalerniae*, inquit ORDERICVS, *quorum fama per orbem admodum divulgata est, excellentia medicinalis peritiae. Inter hos enutrita fuerat Sichelgaita, Gaimarii, Ducis Salernitani e Longobardis, filia, soror Gisulfi II, quem Robertus Giscardus ducatu exiit: ab his venenorum eruditionem perceperat. Cognito enim privignum suum Boamundum, Roberti ex Alberada, priore conjugis, filium, vulneratum a Graecis in praelio Salernum, ut curaretur ibi, missum a patre, lethiferam potionem, quam ipsa confecerat, ei ab archiatri Psalerniae exhiberi curavit, eademque arte*

C 4

etiam

d) biblioth. chirurg. tom. I. pag. 143.

e) Epist. ad Pandulfum clericum. Lib. V. ep. 16.

f) variar. lect. defensio, pag. 144.

g) Proleg. in schol. Salern. pag. 11. Fabric. bibl. med. et iur. lat. Tom. II. pag. 53.

etiam maritum suum, Robertum, intoxicavit h). Unde jam tum legitimum coetum medicos ibi fecisse et scholam qualemcunque extitisse manifestum est.

Ejusdem facinoris a SICHELGAITA perpetrati mentionem facit ROCCHVS PIRRVS i) hoc tamen discrimine, vt simul memoret, lethiferam potionem BOAMVNDQ interficiendo non suffecisse, ROBERTVM vero GVISCARDVM ab ea anno MLXXXV veneno interfectum esse: ANT. vero MAZZA k) in principum Salernitanorum historia neque BOAMVNDVM, neque ROBERTVM veneno interiiisse, refert.

JOANNEM medicum, CONSTANTINI AFRICANI discipulum, monachum Casinensem, qui PETRO DIACONO teste anno MLXXII floruit, supra memorauimus. Qui si idem forte est cum JOANNE de MEDIOLANO, isque praeceptorum scholae Salernitanae de conservanda bona valetudine verus auctor extitit, haec scholae Salernitanae praecepta circa haec tempora scripta sunt. Quis sane iste JOANNES DE MEDIOLANO fuerit, quando vixerit, num monachus aut medicinae magister Salernitanus fuerit, auctores non memorant, exeunte vero saeculo XI et ineunte XII illum vixisse statuunt l) Neque, vt postea docebimus, aliud argumentum est pro JOANNE praeceptorum scholae Salernitanae auctore, quam antiquorum codicum inscriptio. Hoc vero de conservanda bona valetudine opus, leoninis maxima ex parte versibus conscriptum, si ARNALDO VILLANO-

VANO

h) histor. eccles. ad ann. 1085.

i) chronol. reg. Sicil. in *Graev.* et *Burm.* thesaur. Vol. V. p. 13.

k) cap. V. pag. 14. D.

l) cf. *Saxii* onomast. Vol. II. pag. 205.

VANO fides est, qui illud amplissimis commentariis instruxit, nomine totius collegii Salernitani elaboratum atque editum est. In aliis scriptis editisque libris titulum medicinae Salernitanae, aut regiminis sanitatis Salerni m) habet, operis scilicet aut non ab vno medico conscripti, aut non absque consilio et approbatione medicorum his temporibus Salerni florentium in lucem emissi. Probabile fane est, vnum e medicis Salernitanis opus elaborasse, reliquos vero studii medici magistros elaborata approbasse. Quod etiam antiquus codex MS. probat, quem editor Scholae Salernitanae haud ignobilis, ZACHARIAS SYLVIVS n) memorat, Tullovianus ab eo dictus, in cuius fine haec leguntur: *Explicit tractatus, qui dicitur flores medicinae, compilatus in studio Salerni a magistro Joanne de Mediolano, instructi medicinalis doctore egregio: compilationi hujus concordant omnes magistri hujus studii.*

Tempore fane, quo haec de conservanda bona valetudine praecepta conscripta sunt, magistros in medicina Salerni fuisse certum est, versu etiam primo carminis id docente, quo.

Anglorum Regi scribit schola tota Salerni.

A temporibus, quibus diaetetica praecepta scholae Salernitanae conscripta sunt, vsque ad ea, quibus ROGERIVS, Siciliae atque Apuliae Rex, constitutiones suas edidit, ab anno MC scilicet, quo Scholae Salernitanae praecepta conscripta esse dicuntur, aut si JOANNES medicus a PETRO DIACONO citatus is est, quem alii Medio-

C 5

la-

m) Ren. Moreau in proleg. ad Sch. Sal. pag. 21.

n) in praefat. ad schol. Salern. cap. 3.

lanensem dixere, ab anno MLXXII, ad annum vsque MCXL, quo ROGERIVS Rex, comitiis Ariani habitis, praecepit, vt constitutiones suae legis vim haberent o), vix medicus occurrit aut scientiae suae in Salernitana schola magister, aut medicinae peritia celebris: dubitare tamen non licet medicinalem scholam, his temporibus in vniverso occidente, exceptis Saracenorum scholis in Hispania atque Monspeliensi, et forsan Parisina, parem non habentem, quae opus suum, Anglorum Regi inscriptum satis faustis cum auspiciis ediderat, quae antiqui splendoris haud parum habebat, edito in versuum genere, quod his temporibus placebat admodum, libro, maiorem famam acquisiverit multosque habuerit, qui discendae medicinae causa ad eam confluerent. Desunt quidem aliorum etiam auctorum de Salernitanae scholae in hac periodo statu testimonia: verum quum omnes, qui sequenti tempore vixere, vnanimi consensu eam florentissimam plane dicant, neque prius aliquid gloriae amisisse, quam Neapolitana schola medica esset condita p); quum AEGIDIUS CORBOLIENSIS, qui PHILIPPI AVGVSTI temporibus floruit, eandem ceu suprema medicinalis artis gloria florentem describat, non sane est, quod dubitemus, quin Salernitana schola his temporibus fuerit celeberrima.

Quod etiam inde confirmatur, quod ROGERIVS, qui Salernitanos summopere amabat, annoque MCXXX in urbem veniens, cuncta eorum privilegia confirmabat

o) *Giannone*, Tom. II. pag. 188. 189.

p) Testimonia haec collecta legere licet apud *Ant. Mazzam*, cap. IX. pag. 63 seq.

bat et eorum fidelitatem tantopere commendabat, vt in privilegio Salernitanis anno MCXXXVII dato publice profiteretur, *in tota Italia Salerni civitatem fidelitatem intemeratam conservavisse*, primam in occidente legem dederit, *de probabili experientia medicorum* inscriptam, quam ex praeclaro PAVLI CINCIANI q1) opere descriptam hic legere non pigebit. *Quisquis amodo mederi voluerit, officialibus nostris et iudicibus se praesentet, eorum discutiendum iudicio: quod si sua temeritate praesumpserit, carceri constringatur, bonis suis omnibus publicatis. Hoc enim prospectum est, ne in regno nostro subiecti periclitentur ex imperitia medicorum.*

Non quidem in hac lege, quae, lege Visigothorum excepta q2), quae poenas satis graves iis indicabat, qui medicinam cum periculo aegrotantium fecerant, omnium ideo datarum, vt medicina aegrotantibus tutior existat, in occidente antiquissima et vere prima est, ROGERIVS praecepit, quod nepos suus, FRIDERICVS SECVNDVS, Romanorum imperator, fecit, vt examina a medicis Salernitanis instituerentur: intellexisse tamen ROGERIVM generali sub officialium nomine medicos, inprimis, quos amabat, Salernitanos, sanae rationi non plane repugnat. Complures in terris ROGERII imperio subditis extitisse homines, medicinam aliis facientes, adeoque discendae medicinae occa-

q1) Barbarorum leges antiquae cum notis et glossariis. Accedunt formularum fasciculi et selectae constitutiones medii aevi. Collegit, animadv. illustravit — F. Paulus Canciani. Vol. I. III. Venet. apud Coletium et Piterium 1781. in fol. Lex Rogerii prostat in constitut. Regni Siculi tit. XXXIV, 1. Tom. I. pag. 367.

q2) J. G. Heineccii corpus juris Germanici. Hal. 1738. pag. 2141.

caſionem plurimam extitiſſe, (eaeque vix alibi, quam Salerni eſſe potuit) ſtudioſos vero non paucos artem ſuam male didiciſſe vitaeque periculum aegrotantibus intuliſſe, hinc examinandorum et approbandorum medicorum neceſſitatem eſſe natam, ex his, quae in hac lege proponuntur, certe liquet. Neceſſariam vero fuiſſe legem, qua medicis divitiarum magis avidis, quam ſalutem hominibus dare quaerentibus, frena imponerentur, vel maxime ex AEGIDII CORBOLIENSIS, egregii morum, quos medici Salernitani his temporibus tenebant, deſcriptoris, patet. AEGIDIUS vero iſte, quem Graecum fuiſſe quidam perhibent r), et ſaeculo jam VIII floruiſſe, Athenienſis fortaſſe ideo a quibusdam dictus, quod Athenis per aliquot tempus verſatus eſſet ſtudiorum cauſa, PETRI AEGIDII CORBOLIENSIS nomen habebat, ſimulque cum PETRO CORBOLIENSI, theologo, ex comitum Corboliae familia, temporibus PHILIPPI AVGVSTI, Francorum Regis, florebat teſte PETITO, V. Clmo s). Floruiſſe eum ſaeculo XII Jo. ALB. FABRICIUS perhibet t), eique ſententiae etiam LEXSERVS u) accedit, hoc praefertim ductus argumento, quod AEGIDIUS PARISIENSIS, qui temporibus COELESTINI III, quae in annos MCXCIV ad MCXCVIII cadunt, in carmine, quo CAROLI MAGNI laudes canit, AEGIDII CORBOLIENSIS, coaeui ſui, mentionem faciat, his verbis:

No-

r) *Tritbem.* de ſcript. eccleſiaſt. n. 241.

s) in deſcriptione noſocomii Corbolienſis, quae legitur in Gallico opere: *Journal de médecine*, 1786. Sept. p. 390.

t) *bibl. med. et infim. latin.* Tom. I. pag. 52.

u) *hiſt. poetar. et poematum medii aevi*, pag. 500.

Nominis ille mei celeberrimus arte medendi

Cum sit et hic (in Gallia) ortus, cujus facundia grata est,

Et nunquam laudanda satis. — —

Ipse vero AEGIDIUS in carmine suo se ROMVALDI, archiepiscopi Salernitani, temporibus (ab anno MCLVII, usque ad annum MCLXXXI) vixisse dicit. Salernum studiorum causa petiit et a medicinae magistris ibi doctis medicinam didicit. Quod ipse in variis locis carminis sui de viribus medicaminum testatur. Princeps locus in prologo ad librum secundum carminis prostat, ex quo patet, eum Salernitanis, ut quidem CONRINGIUS x), ex male intellecto carminis loco, voluit, minime inimicum, verum potius amicum, et Salerni studuisse arti, et in hoc carmine curasse, ut medicamenta Salernitanis adhiberi solita commentariis instrueret. Carmen suum ita alloquitur y:

Vt melius vigeat vetus anticumque Falernum,

In segetes transfunde novos, gentique Salernae

Crateri mandata novo, sua vina propines.

Quae postquam gustu doctaque probaverit aure,

Noverit illa suis collecta in montibus esse.

— — — — —

— — — — — *mea philosophis fer dona Salernis,*

Aegidio mittente suo foecunda salutis

Fercula, suscipiant non dedignante labello.

Scripta legant: honor est patri, cum proficit haeres.

Sic

x) antiq. acad. diss. III. pag. 102. §. 22. ed. Heumann.

y) Prolog. ad Libr. II. v. 20. et 31 seq. Leyser libr. cit. pag. 538. 539.

*Sic famulo respondet herus: sic foedere certo
Atque relativo patri est obnoxia proles:
Discipulo doctor tanta compage ligatur &c.*

Opera conscripsit, quae ex parte desiderantur, de *pulsibus*, *urina*, metrico sermone. Absolutissimum est de *virtutibus et laudibus compositorum medicaminum carmen*, in quibusdam codicibus de antidotis inscriptum, quod ex codice manuscripto bibliothecae Guelpherbytanae LEYSERVS edidit, 4,555 versibus hexametricis, leoninis tamen subinde interpositis, constans, non penitus, pro saeculi ingenio, malis, imo subinde bonis. Dolendum vero est, carmen aut in ipso codice mutilum fuisse, aut a LEYSERO cum plurimis erroribus, qui sensum non raro turbant, esse editum.

Sequenti autem modo AEGIDIUS medicos in Salernitana schola educatos describit 2):

— — — *medicum vitare decebit,*
Qui novus et medicae rudis est tyrunculus artis,
Qui crudus de Doctoris fornace recedens,
Verborum lites, sed nullos attulit actus:
Guttur qui tumidus dum ventos garrit inanes,
Assuetus quosdam physicae dissolvere nodos,
Tactus avaritia multum metuenda peritis,
Curandi morbos excelsa negotia curat:
Qui de se male praesumens — — —
Corporis ac animae, quibus intricata tenentur,
Dissolvit nodos et vitae stamina rumpit.
Et rastos de morte facit gaudere luperco.

Me-

2) de virib. medicamin. Lib. III. v. 449. Leyser, pag. 597.

Medicos autem ex Salernitana schola tales exiisse, et quidem non in Italiam tantum, verum etiam in alias terras, gravis ista censura probat, qua Aegidius in Salernitanos medicinae magistros animadvertibat, qui, nullo facto discrimine, omnibus concedebant, ut docerent medicinam, quibus discere illam magis convenisset: veterum vero medicorum Salernitanorum morem in eligendis magistris medicinam docentibus alium fuisse eosque probatiores doctores habuisse, diligenter notat. Sic enim, versibus, quos mox dedi, praemis- sis, canere pergit a):

*O nimis a ritu veterum, si dicere fas est,
A recto quoque judicio censura Salerni
Devia, cum tolerat, animo cum sustinet aequo
Nondum maturas medicorum surgere plantas,
Impuberes pueros Hippocratica tradere jura
Atque machaonias sancire et fundere leges,
Doctrina quibus esset opus ferulaeque flagello,
Et pendere magis vetuli doctoris ab ore,
Quam sibi non dignas cathedrae praesumere laudes.
Rex puer, imberbis iudex, cathedrae moderator
Absque pilis, matremque gerens impubere vultu,
Et medicus pleno nondum provecior aevo
Diffona sunt, nullaque sibi ratione cohaerent,
Et physicae titulos haec majestatis obumbrant.*

Non sine causa itaque haec lex a ROGERIO data est. In terris tamen ROGERII imperio subditis diligenter obser- vata non esse videtur. AEGIDIUS enim, qui carmen suum de viribus medicaminum exeunte saeculo XII

pu-

publicavit, quod, ut ipse enarrat, *secretum diu noctis sub umbra* latuerat, quique ipse carmen suum ita alloquitur b):

— — — cum proveclior aetas
Jam tibi sit, densisque habeas pubescere plumis,
 — — — — —

I, ——— firmo vestigia gressu
Dirige, cum rectis habeas procedere talis,
Et quae delicti praeco solet esse, pudoris
Nulla tibi teneros suffundat purpura vultus,

quod adeo senex in Gallia, patria sua, confecerat, in-
 cunte forsan altera saeculi XII parte, quum exeante
 prima, adeoque non longe post publicationem legis a
 ROGERIO datae de probabili experientia medicorum, Sa-
 lerni sub MVSANDINO, MAVRO atque PLATEARIO studu-
 erat, hanc legem non memorat, quam sine dubio
 memorasset, si fama illius ad eum pervenisset. Nam
 in ejusdem carminis progressu ita canit c):

O vesana hominum rabies errorque profanus,
Devius intuitus, miseros qui talibus aegros
Committunt medicis, quos nulla probatio coxit,
Nulla quibus fidei manet experientia testis.
Quos subitae necis artifices hostesque malignos
Humani generis, possēt lictoris iniqua
Condemnare manus: nam cur lex Regia fontes
Arguit, et saevo capitis discrimine damnat,
Talibus ut parcat medicis?

Ipse

b) Prolog. ad libr. I. vers. 58. *Leyser*, pag. 507.

c) de virib. medicam. Libr. III. v. 578. *Leyser*, pag. 598.

Ipse autem AEGIDIUS, vir pro temporum suorum more eleganter doctus atque bonus versificator, qui, imitatione forsan Salernitanorum medicorum ductus, versus quosdam leoninos atque vario alio modo concordantes carmini suo immiscuit, in quo non pauca loca occurrunt vetustiore et majoris famae poeta plane digna, vnicus ex scriptoribus mediæ aevi est, qui plura prodidit, quae ad modum, quo medicina in Salernitano studio doceri solebat, pertinent. Eaque generatim iterum probant, quod supra jam docuimus, Salernitanos medicos Graecos magis, quam Saracenos probasse Salernitanamque scholam GALENUM inprimis atque HIPPOCRATEM esse sequutam. HIPPOCRATEM quidem semel tantum, neque absque laude, in carmine suo citat AEGIDIUS, GALENUM vero saepius, vniversi orbis doctorem, neque vnquam, nisi cum laude plurima. Nec vllas alias compositiones medicamentorum enarrat, nisi graecas, aut latinas: vnica tantum Saracenicam memorat de), quam aduersus varios morbos quidem laudat, verum hac occasione, qua alias commodè vti solet, neque hujus compositionis auctorem, neque ex Arabibus, qui his temporibus in medicamentorum compositionibus admodum inclaruerant, alium vllum memorat.

Deinde etiam notandum est, Salernitanam scholam his temporibus medicamentis compositis enarrandis operam maximam dedisse, minorem medicinali theoriae, quam adeo neglexisse videtur. Ipse AEGIDIUS in praefatione ad carmen suum f) omnem fere aliam

d) Lib. IV. v. 743. pag. 661.

f) *Leysar*, pag. 503.

aliam doctrinam medici, nisi illam, quae medicamentorum usum concernit, omnesque alios libros, nisi eos, qui medicamenta enarrant, improbat, satisque esse putat bono medico, ut medicamenta sciat. Alii etiam, quos nominat, medici, medicamentorum studio operam dederant. NICOLAI adeo et PLATEARII, in quod hoc carmine commentatus est, antidotaria ad nostra usque tempora pervenerunt. Eaque medicamenta non simplicia erant, verum composita, non raro pretiosa et divitibus tantum curandis apta: praecepta pauperibus amica vix in universo opere, neque in NICOLAI et PLATEARII antidotariis reperiuntur. Haec vero pro saeculi ingenio ita fiebant. GALENI libros theoreticos medici ignorabant: parvam vero artem GALENI, libros de methodo medendi et de administratione medicamentorum secundum loca optime callebant, loco vero simplicium medicamentorum a GALENO ut plurimum laudatorum, suas plerumque compositiones adhibebant.

Salernitani vero, praesertim veteres doctores, in adhibendis medicamentis regulas sequebantur bonos medicos omni modo decentes, quas ex AEGIDIO transferre placet. Catholico imperiali, his temporibus famosissimo, enarrato, sic pergit g):

*Expediens igitur solertis imagine mentis
Obscuros medico rerum explorare recessus,
Ut quae danda, quibus perpendat, quaeve neganda,
Quae crasis exploret hominis, quae forma, vel aetas,*

Quae

*Quae virtus, quae compositi substantia constet,
Rara sit, an solida, quae sit junctura viarum,
An stricti sint membrorum, largive meatus,
Quis locus humorum, quae causa forinseca morbi,
Quae sit privata, qualis sit corporis humor,
Fluxilis an durus, quae sit mixtura malorum.
Quod superat (de cathartico imperatoris) simplex
in acumine fertur acutum,
Pondere sub certo, cujus metitur acumen,
Regula doctorum quondam decisa Salerni,
Quam nostri venerantur adhuc celebrantque moderni.*

Medicinas etiam a se confectas Salernitani vendiderunt, probarique potest ex constitutionibus Siculis FRIDERICI SECUNDI Imperatoris, in quibus gravissima poena indicta cavetur, ne aromatarii et confectionarii effoeta et minus bene confecta medicamenta vendant, pharmacopolia (apothecas et stationes FRIDERICVS vocat) Salerni fuisse. Salernitanus ager temporibus AEGIDIO longe superioribus, ob medicinales plantas efficaciores celeberrimus erat. Salernum enim quidem, auctore AEGIDIO, nebulas pingues combibit foedaque corrupti carpit contagia coeli,

*Sed medicinarum, sibi quas montana ministrant,
Urbs jaculis armata viget h).*

Alio loco urbem, ob aromata etiam, sequenti modo laudat i):

*Cujus forma nitet late diffusa per orbem,
Quam medicinalis ratio, quam physicus ordo
Incolit atque regit, quam nostrae providus artis
Cultus odoriferis specierum inbalsamat orbis.*

Mon-

h) Lib. III. v. 588. pag. 594.

i) Lib. IV. v. 696. pag. 655.

Monstrum Salerni natum erat a matrona quadam, *degeneris formae, enormis geniturae prodigium, natæ noviter conforme suillae k)*, cuius origines quidam spermatis, apud Salernitanos corruptioni adscripserant. AEGIDIUS vero haec monet l):

*Si daret huic monstro corruptio spermatis ortum,
Herbarumve esus, vel menstruus humor abundans,
Aut intemperies matricis, sive superni
Ultio supplicii, meritis inflicta priorum;
Physica per species herbas et aromata totum
Deleret vitium causamque mali removeret.*

Memorat itaque indigeno malo indigenam quoque medicinam fore: solas enim indigenas medicinas ad hoc malum memorare versus proxime sequentes quoque probant:

*Sanctus et assiduo placatus thure Matthaeus
Compatiens populo, coeli converteret iram.*

Sancti vero Matthaei Evangelistae, medicorum Salernitanorum patroni, corpus apud Salernitanos servari creditur in ecclesia maiore basilica m).

Apud Monspelienses jam his temporibus medicos extitisse claros scholamque quandam floruisse, supra memoravimus, ipseque annuit AEGIDIUS, MATTHAEVM quendam medicum apud Monspelienses doctissimum laudans, reliquos vero omnes atro carbone notans n). Hos medicos herbarum et conficiendarum atque vendendarum ex iis paratarum medicinarum

(vt

k) Lib. IV. v. 564. pag. 654.

l) Lib. IV. v. 610. pag. 655. 656.

m) Mazza, cap. 6. pag. 17. 18.

n) Lib. I. v. 145. pag. 510.

(vt fere confectionarii in hac vrbe adhuc folent) ftudio inclaruiffe, ipfosque et in hoc Salernitanos medicos effe aemulatos AEGIDIUS teftatur, qui eos vehementer taxat, theriacam magnam ad quaevis mala commendantes o 1):

*Unde ſibi caveant montani pharmacopolae,
Verboſi, vacui, fallaces Quindſiliani,
Quos facit artifices attritae frontis egeſtas,
Quos gula, quos ſtimulat et cogit avara doſiſ
Ambitio nummi carmen ruſſare Salernum,
Quos non artis amor, non fama, ſed ambitioſi
Incitat et pungit venalis gratia quaeflus;
Non male praefumunt genus hoc tentare medendi,
In quo plus valet ars, quam praecepta alea, caſus.*

Cui ftudio potiffimum Montani medici indulferint ex hoc loco optime liquet. Quid vero AEGIDIUS voluerit, Montanos medicos incufans, quod *carmen Salernum ruſſare* voluerint, non plane video: aut enim medicos Monſpeliennes Salernitanos voluiſſe imitari in medicamentis laudandis atque divulgandis, aut, vt Salernitani fecerant, carmen edidiſſe, ſuis ſpeciebus emptores vt conciliarent, mens AEGIDII in hoc loco eſſe videtur. *Regimen ſanitatis*, quod vero videre mihi non licuit, Pariſini etiam, imitantes ſcholae Salernitanæ praecepta, cum iſſque in plerisque congruens conſcripſiſſe a Fabricio o 2) dicuntur. Editionem Brunſvicenſem huius libri ab anno MDIX, cum ger-

D 3

ma-

o 1) Libr. IV. v. 638. pag. 656.

o 2) bibliothec. latin. Vol. III. Lib. IV. cap. 12. pag. 883. edit. Hamburg. 1722.

manica metaphrasi FABRICIVS ad manus habuit, ex ea-
que hos versus excerptit:

*Anglorum Regi conscripsit schola solennis
Ad regimen vitae praesens hoc medicinale.
De Schole tho Paris heft geschreven und gesandt
Dem Edelen Konnige van Engelland,
Dith gegenwærdige Arstedië Bokelien,
Wie de Minske schal regiren dat Levent sien.*

Sed in his saltem latinis versibus de Parisina schola ni-
hil occurrit: An forsan Monspelienses hoc regimen
edidere, *Salernitanum carmen vere ructantes?* Non in-
credibile est.

Caeterum etsi iniquus in Monspelienses medicos
hoc in loco esse videtur AEGIDIUS, in aliis tamen eos
absque laude sua esse non sinit, magis tamen ut RE-
NAVDUM egregium medicum, quam ipsam scholam to-
tam laudet. Locus in tertii libri prologo memoratu
dignissimus prostat, ob scholae Monspeliensis laudes,
et ob varia alia ad studiorum modos his temporibus
usitatos pertinentia p). Versus suos alloquitur poeta.

*Vos nullus pudor impediatur doctoris adire
Renaudi sedes, quem longi temporis usus
Foecundumque magis vetus experientia fecit.
Qui non inspidos, qui plantae more novellae
Non profert acidos fructus, sed quos bene coxit
Assiduus studii labor et meditatio longa.
Qui Pessulani pridem vetus incola montis,
In medicinali doctor celeberrimus arte
Jura monarchiae tenuit: sed spiritus almus
Nunc elegit eum.*

Scho-

Schola juris consultorum etsi apud Monspelienses auctore PHILIPPO AVGVSTO anno circiter MCXCVI primum instituta fuit q), hic AEGIDII locus tamen optime probat, medicorum scholam prius ibi extitisse. Si enim AEGIDIVS exeunte saeculo XII floruit carmenque suum jam ante haec tempora confecit, necesse est, vt RENAVDVS medio saltim saeculo XII floruerit: quumque eum non memoret primum apud Monspelienses medicinae magistrum AEGIDIVS, credibile est jam ante RENAVDI tempora medicam scholam in hac vrbe extitisse, adeoque omnium, quae in Gallia florent, antiquissimam.

Chirurgiam, quam priscae medicinae adjunxerant, Itali vero separatam a medicina, in varias partes diviserant, medicis a saeculo XI vulnerum, fracturarum partium, oculorum r) existentibus, AEGIDII etiam temporibus a medicina fuisse separatam, his versibus probatur s):

*Plus quoque rheumatico pulsetur tempora motu,
Urere temporibus jubet aut incidere venas
Docta chirurgiae ratio, quam lex medicinae
Consiliis plerumque suis dignatur adesse:
Nec mores ejus refugit meritumque profanat,
Carnificis licet infames declinet in abtus.*

Quae tandem ad externum scholae Salernitanae statum temporibus, quibus AEGIDIVS carmen suum conscrip-

D 4

fit

q) Heermann bibl. histor. academ. ad Couring. antiq. acad. pag. 120. 121. Saxii onomast. Vol. II. pag. 277.

r) Del Risorgimento d'Italia negli studi nelle arti e ne' costumi, del Abate Saverio Bettinelli Part. I. cap. 2. pag. 69. 70.

s) Lib. IV. vers. 1409. pag. 687.

fit, iisque superioribus (antiquiora enim etiam memorat) pertinent, fere sequentia sunt:

- I. Antiquis jam temporibus scholam Salerni medicam extitisse: antiquiorem ob excellentiam magistrorum et discipulorum severius studium praestantiorum ea fuisse, quae AEGIDIi temporibus floruit.
- II. Hanc scholam antiquiorem et meliorem jam ante CONSTANTINI AFRICANI tempora extitisse: CONSTANTINI enim tempora temporibus AEGIDIi nimis vicina sunt, quam ut veteris scholae famam priscamque gloriam post CONSTANTINUM tantis laudibus ornare potuisset, quantis vere ornavit.
- III. Scholam Salernitanam medicam itaque esse antiquiorem, quam historiae literariae scriptores, fere omnes statuunt: et si etiam scholae medicae in occidente tam antiquis temporibus extitere, eae non ex collegio docentium, sed ex unico magistro constabant. Plures vero Salerni extitere his temporibus medici medicinam simul docentes atque medicorum collegium constituentes.
- IV. Scholam Salernitanam medicam temporibus, quibus AEGIDIUS medicinae discendae causa Salerni degebat, praeclaros viros habuisse, quos mox enarrabimus, PETRUM MUSANDINUM, PLATEARIUM atque MAVRUM.
- V. Rectore suo adeo gavisa esse videtur Salernitana Schola AEGIDIi tempore, qui leges tueretur et medici Palladii custos esset. AEGIDIUS enim librum

bum suum, securitatem ab invidia illi promittis, sic alloquitur t):

*Nan cum dialogi gestans mandata secundi,
Si legis rector, medicae capsarius artis
Palladiiustos, gazaeque auriga paternae
Temperat invidiam, Tibi defensacula ponet
Musulinus.*

Legis rector is fuisse videtur, qui Salerni rebus medicis scholaeque suae praefuit, idemque cum eo, quem Salernitani nostris adhuc temporibus Priorem dicunt. Capsariorum nomine thecae veniebant, variis rebus adservandis idoneae, thecae inprimis, quibus sanctorum reliquiae servabantur: capsarii etiam ii vocari solebant, qui in balneis vestimenta custodienda suscipiebant, aut aliis libros ad scholam portabant u): hinc medicae artis capsarius AEGIDIO fuisse videtur, qui medicinalibus studiis praeerat.

VI. Antiquis jam temporibus eos, qui medicinam exercere volebant, a Salernitanis medicis esse examinatos.

VII. Caeterum notatu dignissimum est, AEGIDIUM, Salernitanorum alias tantum laudatorem, neque CONSTANTINI AFRICANI, neque carminis Salernitanae scholae mentionem fere ullam facere, CONSTANTINI medicamentum, hieran pigram citat; verum an CONSTANTINUM AFRICANUM voluerit, dubium est, nihil enim, ut alias copiose solet,

D 5

aug

t) in prolog. ad Libr. I. vers. 87.

u) da Frene glossar, ad scriptor, mediae et infimae latinitatis Tom. I. pag. 325.

aut diligens laudator, aut vituperator tenuous,
de CONSTANTINO memorat. Neque Salernitani
carminis aliam, quam forsan data occasione qua-
dam, mentionem facit in versibus supra nobis
citatis. Versus tamen quosdam habet, quibus
Salernitanae scholae versus imitatus esse videtur,
quorum aliquos apponere placet. Versu 207
Libri II. haec ait:

Quod fit de moris, morbos exterminat oris.

Versu vero 441 Libri II.

Annorum metas, ipsius clauditur aetas,

qui sane cum Salernitanorum versu optime consonat:

Pone gulae metas, ut sit tibi longior aetas.

VIII. Parisiis AEGIDIUS carmen suum conscripsit Ro-
MVALDI SECUNDI temporibus, qui ab anno MCLI
vsque ad annum MCLXXXI archiepiscopatum Sa-
lernitanum tenuit, quemque x)

Romanae curia sedis

Nunc colit auctorem physicae vitaeque patronum.

Medicinam autem Parisinorum his temporibus vix
multum valuisse, neque forsan medicinae magistrum
his temporibus Parisiis extitisse, inde liquet, quod Ro-
MVALDUM rogat AEGIDIUS, ut y)

Ipse novo faveat operi, nec Parisinas

Aestimiet indignum physicam resonare Camoenas.

IX. Tandem ut facilius lex FRIDERICI SECUNDI impe-
ratoris, de qua mox agemus, intelligatur, mone-
re licet, jam AEGIDII temporibus homines exti-
tisse,

x) Lib. I. v. 138.

y) Lib. I. v. 141.

tisse, a medicis diversos, qui medicamenta componebant atque vendebant, apothecarios aut pharmacopoeos dictos, eorumque fraudes tantas fuisse, ut aegrotantium vita in summum periculum incurreret. Sic enim de nociva mellis qualitate in morbis et de sacchari, five potius lacrymarum arundinis sacchariferae, valde pretiosi his temporibus medicamenti, virtute agens loquitur 2):

*Mel dyscrasiae stimulus, fomesque furoris,
Perniciem necis accelerat vitaeque ruinam.
Ergo luant facinus et quae discrimina mortis
Fraude sua plerumque alios incurrere cogunt,
Haec ipsi subeant et mortem morte rependant,
Qui vendunt species et aromata pharmacopoei,
Qui pigmenta colunt: qui dum sua pondera mutant,
Et trutinas fallunt, et formas conficiendi.
Fraudis adulterio vitiant, dum mella syropi
Compellunt supplere vices: dum noxia vendunt,
Et bona testantur medicorum nomina.*

Plures etiam medicos citat AEGIDIUS Salernitanos, aut suis, aut superis temporibus, adeoque fere post CONSTANTINUM AFRICANUM, usque ad FRIDERICUM SECUNDUM viventes, quos cum aliis, qui iisdem temporibus vixerunt, enarrabo.

Antiquissimus ex iis, qui his temporibus vixere, NICOLAUS est, cujus antidotarium JOANNES PLATEARIUS annotationibus auxit, quemque duo aromataria composuisse utili sermone, quae ambo cummuniter in usu habeban-

2) Lib. II. v. 898. pag. 573.

bebantur, CHRISTOPHORVS DE HONESTIS a) refert. Medicamentum non ignobile, pueris soporem incutiens, ab ipso inventum pharmacopolia nostra adhuc servant. Celeberrimum vero fuisse et suis temporibus primum, CHRISTOPHORVS DE HONESTIS in praefatione sua ad MESSEN docet. *Intelligendum est, inquit, quod Nicolaus medicus fuit diu exercitatus in practica et in naturali ingenio, natione Salernitanus, plenus divitiis et ex nobili sanguine procreatus. Fuit autem temporibus suis primus. Et non est longum tempus elapsum, (CHRISTOPHORVS anno MCCCCLXXX scripsit) cum in dicta civitate Salerni digna ac clamosa per orbem vigeat fons scientiae et maxime practicae medicinae. Tanta sane in estimatione suum erat antidotarium, ut AEGIDIUS putaret, medicinae practicae studiosos antidotarii hujus satis larga et diffusa disciplina contentos esse posse b)*

NICOLAVM, ut jam dixi, JOANNES PLATEARIUS illustravit, qui ante AEGIDIUM CORBOLIENSEM, in media XII saeculi parte, adeoque non saeculo XIII ineunte vixit, ut HALLERVS c) vult, cujusque glossas in NICOLAI antidotarium AEGIDIUS carmine illustrandas sibi sumsit. *Substramentum scilicet et materiam suae expositionis sumfit glossas super antidotarium, a magistro Joanne Plateario editas constituentes.* Celeberrimus apud Salernitanos fuit, temporibus vero AEGIDII jam fatus erat functus. De eo enim, postquam MVSANDINI,

prae-

a) in praef. comment. in antidot. Mesues. *Couring. diff. III.* pag. 105.

b) in praef. in libr. de virt. et laud. medicam. pag. 503.

c) bibl. med. pract. Tom. I. pag. 432.

praeceptoris sui, fata doluerat, sequentem in modum canit d):

*Vellem quod medicae doctor Platearius artis
Munere divino vitales carperet auras,
Gauderet metricis pedibus sua scripta ligari,
Et numeris parere meis.*

De MUSANDINO vero, cuius etiam liber quidam scriptus extat, nempe *summula de praeparatione ciborum et potuum infirmorum secundum Musandinum*, qui in bibliotheca Regia Parisina adservatur e) et idem forte est cum libro: *de diætiis infirmorum secundum magistrum Petrum de Musanda*, qui in catalogo codicum manuscriptorum Angliae et Hiberniae f) occurrit, AEGIDIUS haec habet g):

*O utinam Musandinus nunc viveret auctor!
Ille meos versus digno celebraret honore.
Ipse meis scriptis signum punctumque favoris
Imprimeret, placido legeret mea carmina vultu.
Et quod in irriguis illius creverat hortis,
Ipse meum sentiret olus, gustuque probaret.*

Praeter MUSANDINUM vero MAURUM etiam praepceptorem habuit AEGIDIUS, qui etiam scripta quaedam reliquit, hactenus inedita, nempe *tractatum de urinis* h) et *librum phlebotomiae secundum magistrum Maurum* i)

nec

d) Lib. I. vers. 110. pag. 509.

e) Catal. Cod. MS. bibl. Paris. Vol. IV. p. 297. Cod. 6954.

f) Vol. I. pag. 128. Cod. 2462.

g) Libr. I. vers. 98. pag. 509.

h) Catal. Cod. MS. biblioth. Parisin. Vol. IV. pag. 298. Cod. 6963. 6964.

i) Catal. MS. Angl. Vol. II. Cod. coll. nov. 1135.

nec non de urinis et febribus k). De hoc praeceptore suo AEGIDIUS ita canit l):

Petri (Musandini) Maurus mihi damna reformet,

Pastor ovem, membrumque caput, famulumque patronus,

Doct̃or discipulum, noscat sua mater alumnum.

Et versu 93. Libri I. Musandini

Spiritus exsultat et magni pectora Mauri

Tota replet. Maurus redimit damnumque rependit,

Prima quod in Petro passa est et perdidit aetas,

Qui tanquam nanus humeris colloque gigantis

Desuper incumbens, ipso fortasse tuetur

Longius, et summo superaddidit culmina monti.

Opibus vero abundasse MAVRVM medicamentaque aegris pretiosa dedisse, hinc pauperibus nullam, aut parcam fecisse medicinam, occasione medicamenti diamargariton, quod maximo pretio vendi solebat, AEGIDIUS docet his verbis m):

An quia deficiunt species et aromata defunt,

Codrizat tua, Codre, salus, dejecta fatiscit

Corporis integritas, quia te praesentia Mauri

Splendida non recreat, multo spectabilis auro.

JOANNEM quoque CASTALIVM memorat, PETRI MUSANDINI discipulum haud ignobilem et praeceptori fere parem n o):

Mente bona mea Castalius decreta Joannes

Suscipiat, quem dum pueriles volveret annos,

Myr-

k1) Libr. I. vers. 107. pag. 509.

m) Libr. II. vers. 101. pag. 540.

no) Libr. I. vers. 126. pag. 509.

*Myrtum humilem Musandino sub praefide vidi.
Audio nunc ipsum summis contendere lauris
Et sua nobilibus aequasse cacumina cedris.*

SALOMONEM amicum et praeceptorem habuit AEGIDIUS, quem hoc modo laudat p):

*Qui trahit a docto nomen Salomone Matthaeus,
Qui nitet eloquio, qui mentis acumine pollet,
Suscipiat placido Salomon mea carmina vultu,
Et se noscat in his: sua condimenta saporet,
Melque suum sugat, quod vasa novella propinant.*

RICARDUS senior Salernitanus an Monspeliensis medicinae magister fuerit, incertum est: saltem ex AEGIDII carmine patet, eum multa floruisse fama et plures in medicinae scientia instituendos habuisse q):

*Qui vetulo canos profert de pectore sensus
Ricardus senior, quem plus aetate senili
Ars facit esse senem, meliusque senescere cogit.*

Tandem etiam RIGORDI empirici mentionem facit his verbis r):

*Nam est empirici sententia vana Rigordi
Iudicio reprobanda meo, damnabilis, omni
Digna cruce.
Qui requiem monachis in acutis febribus offert,
Et requiem facit aeternam.*

Et hi omnes fere medici sunt, quos AEGIDIUS in carmine suo memorat. Superest, ut alios quosdam aut me-

p) Libr. I. vers. 145. pag. 110.

q) Libr. I. vers. 152.

r) Libr. IV. vers. 383. pag. 646.

medicos Salernitanos, aut doctos viros, qui medicinam Salerni his temporibus coluerunt, enarrem.

Sanctus BRVNO Signienfis episcopus, postea montis Casinensis abbas, deinde PASCHALIS pontificis jussu iterum episcopus Signienfis, insignis ecclesiae defensor atque doctor inter plurimas homilias theologicasque libros alios, non pauca scripsit, quibus naturalem historiam theologiae accommodasse videtur, *de montibus novis, de arboribus novis, de maribus novis, de avibus novis, de animalibus novis*, quorum titulos PETRVS DIACONVS s) enarravit. A LVCIO III. Romanorum pontifice sanctis adscriptus est anno post obitum suum LVIII, annorum vero computatio docet eum anno MCXXVI fato esse functum, quod etiam Jo. BAPT. MARVS t) confirmat, qui eum anno MCXXV obiisse refert.

ROMVALDVVS II, Salernitanus archiepiscopus ab anno MCLVII ad annum vsque MCLXXXI, quem supra ex AEGIDIO CORBOLIENSI laudavimus, hic iterum citandus est. Romanae enim sedis curia eum auctorem physices vitaeque patronum colebat, et GVILIELMVS, Siciliae rex, eum morbo, quo demum anno MCXXVII occubuit, laborans, vocavit, ut ejus auxilio valetudinem recuperaret.

SALADINVS ASCVLANVS Salerni medicinam didicerat annoque MCLXIII principis Tarentini medicus fuit. Extat ejus compendium aromatariorum, saec.

XV

s) de viris illustrib. Casin. c. 34.

t) in not. ad Petr. Diac. cap. cit. cf. Ang. Oldoini Athenaeum Romanum, pag. 149. Fabricius biblioth. script. med. et inf. latin. Tom. I. pag. 787.

XV et XVI cum Mesues operibus, et seorsim editum u). Eum tamen HALLERVS x) longe recentiore annoque MCCCCXLVIII floruisse putat.

Tandem mulieres etiam Salernitanae haud paucae medicinae peritia inclaruere. Tempora, quibus vixere, incerta sunt, eas tamen saeculis XII aut XIII floruisse credibile est. ROBERTVM MALA-CORONA suis temporibus Salerni neminem in medicinali scientia parem habuisse, praeter sapientem quandam matronam, supra ex ORDERICO VITALI retulimus. ABELLA libros metricè conscripsit, teste ANT. MAZZA y) *de atra bile et de natura seminis humani*, MERCURIADIS *de crisibus, de febre pestilenti, de curatione vulnerum, de unguentis*, REBECCA *de febribus, de urina, de embryone*. TROTAE vero, sive TROTVLAE liber de feris, et qui adhuc extat, *de mulierum passionibus ante, in et post partum*, GRVNERO, Viro Ill. docente non ab ipsa, sed a medico Salernitano alio, eoque longe recentiore, conscriptus est z).

Caeterorum medicorum Salernitanorum omnium, quorum nomina dedere HERMANNVS CONRINGIVS a) et ANTONIVS MAZZA b), BENEVENTO GRAPHEO DE HIERUSA-

u) *Fabric. biblioth. med. et inf. lat. Vol. VI. pag. 401. Jagemannus*, sive potius *Tiraboschius*, Vol. III. part. I. p. 177. eadem ex *Fabricio* repetiit.

x) *biblioth. botan. Tom. I. pag. 237.*

y) *cap. IX. pag. 63.*

z) *Progr. neque Eros, neque Torotula, sed medicus Salernitanus*, auctor est libri, qui de morbis mulierum inscribitur. Jen. 1772.

a) *antiq. academ. diss. III. pag. 105.*

b) *cap. IX. pag. 58 seq.*

RVSALEM tamen forte excepto, qui libellum de oculorum affectibus scripsit et ab HERM. CONRINGIO c) faeculo XII floruisse dicitur, aetas aut recentior est, (de medicis enim tantum Salernitanis, qui faeculo XII florere hic dicere animus erat) aut ignota: Plures faeculum XIII et XIV tulit, infra nominandos.

Salernitanam enim scholam FRIDERICVS SECVNDVS, Romanorum Imperator cum faeculo XIII. amplissimis ornasset privilegiis, studiorumque vniversitatem Neapolitanam condidisset, fama Salernitani et Neapolitani studii in immensum crevit, literarum et medicinae studiosis ad Neapolitanum studium vniversale et medicam Salernitanam scholam crebro confluentibus. Prius autem quam privilegia enarremus, Salernitanis a FRIDERICO SECVNDO data, Neapolitani studia initia atque progressus ad haec vsque tempora breviter enarranda sunt.

Neapolis, Graeca civitas, ab antiquissimis temporibus scholas suas habuerat. Ipse FRIDERICVS Neapolim antiquam matrem et domum studiorum vocat diversarumque scientiarum doctores dudum in regno fuisse memorat d). Hos doctores in vnum et vniversale quidem studium vt redigeret, anno MCCXXIV scholas Neapolitanas renovavit et in vniversitatem studiorum mutatas splendidiore effecit, scholis in vnum quasi collectis terrarum Neapolitanarum atque Sicularum omnibus.

Nea-

c) de scriptoribus XVI post Christum natum saeculorum ed. Kranzii, Saec. XII. cap. IV. pag. 121.

d) |Petr. de Vineis epist. Libr. III. 10. pag. 411. 412. edit. quae Basileae, anno 1566. prodit.

Vt Neapoli studium reformaret, movit eum *tam marinae vicinitatis habilitas, quam terrenae fertilitatis foecunditas, ut quam localis amoenitas plenitudine rerum gratificet, docentibus et addiscentibus, undique collecta commoditas efficiat gratiosam e)* Idque generale studium conditum est anno MCCXXIV, literis ideo in Siciliam et Apuliam missis generalibus, quarum aliquae in epistolarum collectione a praeclaro viro, PETRO DE VINEIS facta adhuc leguntur. Instituta autem universitas studiorum Neapolitana inprimis sequentibus gaudebat: Datis salariis amplissimis donariisque magistri conducebantur, et in civili quidem scientia magister ROBERTVS DE VARANO et magister PETRVS DE HIBERNIA, *viri quos ipse FRIDERICVS vocat, magnae scientiae, notae virtutis et fidelis experientiae f).* PETRVM DE HIBERNIA invitaverat, *ut ad celebranda communis studii festiva inaugurationis solemnia Neapolim veniret, annuo ipsi salario XII unciarum auri promisso. g)* Praeter hos vero in aliis etiam scientiis professores, quorum vero nomina in epistolarum PETRI de VINEIS editione, quam ad manus habeo, desiderantur, instituit.

Omnibus simul mandabat, qui provincias regebant et administrationibus praefidebant, *ut sub poena personarum et rerum injungerent, ut nullus scholaris legendi causa exire audeat extra regnum, nec infra regnum aliquis addiscere audeat alibi vel docere: et qui de regno in scholis sunt extra regnum, ad festum S. Michaelis nunc*
pro-

e) Petr. de Vineis, Libr. III, epist. 10. pag. 412.

f) Petr. de Vineis, Libr. III, epist. 11. pag. 415.

g) Libr. III, epist. 10. pag. 412.

proximo revertantur h). Magnam vero fuisse FRIDERICO in exsequendo hoc mandato severitatem, patet ex literis iustitiario Terrae Laboris datis, qui interdictis particularibus studiis per vniversum regnum artis Grammaticae prima rudimenta quoque comprehensa putaverat, ideoque non permiserat, vt pueris grammatica doceretur. Mandavit vero FRIDERICVS in his literis, vt nulla molestia inferretur grammaticae artis primitias docentibus i).

Theologos montis Casinensis monasterium nec non ordo Sti DOMINICI et FRANCISCI studiorum vniversitati Neapolitanae dabat. His vero monachis anno MCCXL, ob turbas, quas concitaverunt, regno expulsis, Neapolitana studiorum vniversitas ERASMVVS, Casinensem monachum, rogabat, vt vicibus eorum, qui decesserant, fungeretur. Literae, quae nostris adhuc temporibus in monasterio Casinensi servantur, inscriptionem hanc habent; *Honoratissimo et peritissimo viro, magistro Herafmo, monacho Casinensi, theologiae scientiae professori, vniversitas doctorum et scholarium Neapolitani studii salutem et optatae felicitatis augmentum* k)

Professoribus etiam medicinae constitutis, Neapolitanum studium brevi tanta fama floruit, quanta Salernitanorum medicorum collegium dudum floruerat. Mandatum FRIDERICI, quo statuebatur, vt in vniverso regno scientiae severiores non docerentur, nisi

h) Libr. III. epist. 11. pag. 415.

i) Libr. III. epist. 13. pag. 419.

k) Abbat. de Nupe not. in prolog. Libr. IV. chronic. Casinens. Giannone, Tom. II. pag. 429.

nisi in Neapolitana studiorum vniuersitate, Salernitanos non attigit, qui potius post conditum hoc vniuersale studium, immunitatem, quam antea habuerant, retinuerunt, medicinae practicae candidatis post iusta examina, collegiique approbationem, medicinae exercendae licentiam in regnis FRIDERICI imperio subditis concedendi. Hoc vero privilegio, quod postea copiosius intelligetur, Neapolitani medici non gavisi sunt, neque nostris adhuc temporibus gaudent. Neapolitanis enim candidatis post medicorum examina literae ad officialem regis dantur. Novo nunc instituto per hunc examine, literisque ab eo ad Regem, aut ad regis vicarium datis, doctoris dignitatem non a medicorum Neapolitanorum collegio, sed a rege, aut a regni supremo cancellario, adipiscuntur. l)

Constitutionum Sicularum, et regnorum, quae in Italia FRIDERICI imperio parebant, omnium, jam ante eum inprimis a ROGERIO et GVILIELMO promulgatarum et a se ipso datarum collectionem FRIDERICVS PETRO DE VINEIS, cancellario suo, mandaverat. Has, tribus libris comprehensas, anno MCCXXXI imperator promulgavit, ita vt constitutiones, quae sequentibus temporibus dabantur, novarum constitutionum titulo emitterentur m). Suas vero constitutiones FRIDERICVS ab eo inde tempore dederat, quo imperium Neapolitanum adeptus fuerat. In his constitutionibus quaedam sunt, quae ad medicinam proprie pertinent, non quidem, vt CONRINGIVS n) vult, de arte

E 3

do-

l) *Giannone*, Tom. II. pag. 430.m) *Giannone*, Tom. II. pag. 458 seq.n) *antiq. acad. diff. III. §. 22.*

docenda et facienda omnium antiquissimae, antiquiorem enim legem ROGERIVS dederat, verum tamen auctore suo et schola Salernitana medica plane dignae, imo dignissimae, quae in omnem posteritatem commendentur, ideoque etiam memorabiles, quoniam dignitatum supremarum, his dari solitarum, qui scientias studiose coluerunt, prima vestigia continent, simulque ad antiquissima politicae medicae monumenta pertinent. Has ex PAVLI CANCIANI *barbarorum legibus antiquis* o 1) descriptas, subjuncto commentario nostro, hic dabimus.

Praemissis titulo; *de probabili experientia medicorum* et ROGERII lege, quam supra ex eodem opere dedimus, hae constitutiones sequuntur:

II. IMPERATOR FRIDERICVS.

Utilitati speciali prospicimus, cum communi saluti fidelium providemus. Attendentes igitur grave dispendium et irrecoverabile damnum, quod posset contingere ex imperitia medicorum, jubemus in posterum nullum medici titulum praetendentem audere praedicari aliter, vel mederi, nisi Salerni primitus et in conventu publico magistrorum judicio comprobatus, cum testimonialibus literis de fide et sufficienti scientia, tam magistrorum, quam ordinatum nostrorum, ad praesentiam nostram, vel, nobis a regno absentibus, ad illius praesentiam, qui vice nostra in regno remanserit, ordinatus accedat et a nobis, vel ab eo medendi licentiam consequatur: poena publicationis bonorum et annalis carceris imminente his, qui contra
hujus-

o 1) in constitutionum Neapolitanorum, sive Sicularum Libr. III. titulo 34. Tom. I. pag. 367. 368.

hujusmodi nostrae serenitatis edictum in posterum ausi fuerint predicare.

III. Idem.

Quia nunquam sciri potest scientia medicinae, nisi de scientia logicali praescribatur, statuimus, quod nullus studeat in medicinali scientia, nisi prius studeat ad minus triennio in scientia logicali: post triennium, si voluerit, ad studium medicinae procedat: ita quod chirurgiam, quae est pars medicinae, infra praedictum tempus addiscat. Post quod, et non ante, concedatur sibi licentia praedican- di, examinatione, juxta curiae formam, praehabita, et nihilominus recepto pro eo de praedicto tempore studii tes- timonio magistrati. Iste medicus jurabit servare formam curiae, hactenus observatam, eo adjecto, quod si perve- nerit ad notitiam suam, quod aliquis confessionalarius minus bene conficiat, curiae denunciabit; et quod pauperibus consilium gratis dabit. Iste medicus visitabit aegrotos suos ad minus bis in die, ad requisitionem infirmi semel nocte: a quo non recipiet per diem, si pro eo non egredia- tur civitatem vel castrum, ultra dimidium tarrenum auri. Ab infirmo autem, quem extra civitatem visitat, non re- cipiet per diem ultra tres tarrenos, cum expensis infirmi, vel ultra quatuor tarrenos, cum expensis suis. Non con- trahet societatem cum confessionariis, nec recipiat aliquem sub cura sua ad expensas suas pro certa pretii quantitate: nec ipse etiam habebit propriam stationem. Confessiona- rii vero facient confessionem expensis suis, cum testimonio medicorum, juxta formam constitutionis: nec admitten- tur ad hoc, ut teneant confessiones, nisi praeslito jura- mento, quod omnes confessiones suas secundum praedictam formam facient sine fraude. Lucrabitur autem stationa-

rius de confectiōibus suis secundum istum modum: de confectiōibus et simplicibus medicinis, quae non teneri consueverunt ultra annum, a tempore emptiōis, pro qualibet uncia poterit et licebit tres tarrenos lucrari. De aliis vero, quae ex natura medicaminum, vel ex alia causa, ultra annum in apotheca tenentur, pro qualibet uncia licebit lucrari tres tarrenos. Nec stationes huiusmodi erunt ubique, sed in certis civitatibus per regnum, ut inferius describitur. Nec tamen post completum quinquennium practicabit, nisi per annum integrum cum consilio experti medici practicetur. Magistri vero infra istud quinquennium libros authenticos, tam Hippocraticos, quam Galeni, in scholis doceant, tam in theorica, quam in practica medicinae. Salubri etiam constitutione sancimus, ut nullus chirurgicus ad practicum admittatur, nisi testimoniales literas offerat magistrorum, in medicinali facultate legentium, quod per annum saltem in ea medicinae parte studuerit, quae chirurgiae instruit facultatem; et praesertim anatomiam humanorum corporum in scholis didicerit, et sit in ea parte medicinae perfectus, sine qua nec incisiones salubriter fieri poterunt, nec faeculae curari.

IV. Idem.

In terra qualibet, regni nostri nostrae jurisdictioni subiecta, duos viros circumspectos et fide dignos volumus ordinari, et corporali per eos praestito sacramento teneri, quorum nomina ad curiam nostram mittentur, sub quorum testificatione electuaria et syrupi, ac aliae medicinae legaliter fiant et sic faeculae vendantur. Salerno maxime per magistros in physica hoc volumus approbari. Praesenti etiam lege statuimus, ut nullus in medicina vel chirurgia nisi apud Salernum vel Neapolim legat in regno, nec magi-

magistri nomen assumat, nisi diligenter examinatus in praesentia nostrorum officialium et magistrorum artis ejusdem. Conficientes etiam medicinas sacramento corporaliter praestito volumus obligari, ut ipsas fideliter juxta artes et hominum qualitates in praesentia juratorum conficiant; quod si contra fecerint, publicatione bonorum suorum mobilium sententialiter condemnentur. Ordinati vero, quorum fidei praedicta sunt commissa, si fraudem in credito ipsis officio commisisse probentur, ultimo supplicio feriendos esse censemus.

Hae leges primum exemplum rerum medicinalium publica et legali auctoritate instructarum exhibent. Non enim tantum, quod ROGERIVS fecerat, in iis in medicos arti suae exercendae impares animadvertitur, verum quae ad medicos, medicamentorum confectores atque chirurgos pertinent, in iis continentur, et quidem non solum praecepta, quomodo hae scientiae docendae et discendae sint, verum etiam quara-
tione ipsas hasce scientias artesque exercere conveniat.

Medicinae studia quod attinet, prius quam ad medicinam accederet tyro, logicae per triennium studere debebat, quo exacto ad medicinae studia procedebatur. Quinquennio in medicinae studio exacto, ad praxin ipsam non admittebantur, nisi qui per annum integrum cum consilio experti medici practicassent. Quibus omnibus factis praxeos licentia non dabatur, nisi in conventu publico aut Salernitanorum, aut Neapolitanorum medicorum post severiora examina comprobato. Salerni ad praxeos licentiam, praeter haec examina, quibus ordinatus a rege interfuisse videtur, nihil amplius requirebatur, neque hodie ad

doctoris dignitatem obtinendam a medicorum collegio Salernitano quidquam amplius requiritur. Salernitanis enim antiquitus et ante conditam Neapolitanam studiorum universitatem facultas erat et praxeos licentiae dandae et magistrorum in medicina constituendorum. Apud Neapolitanos vero, peracto examine, literae a medicis ad ordinatum regis dabantur, iisque regi, aut ejus vicario traditis, magistri in medicina dignitas et medicinae exercendae facultas ab ipso rege, ejusve vicario, impetrabatur. Quae consuetudo, ab aliarum academiarum more recedens, nostris adhuc temporibus in Neapolitana studiorum academia observari solet.

Post haec examina juramento novus adstringebatur medicus. Post HIPPOCRATIS tempora, qui discipulos suos jurejurando adstrictos esse volebat, prima in hac lege jurisjurandi a medicis praestandi vestigia occurrunt. Eoque praestito promittere debebat medicus practicus futurus:

- I. Se formam curiae haecenus observatam servaturum, scilicet leges in medicinalibus rebus datas, neque auctoritati a rege ordinatorum, regiaeque in approbandis medicis practicis aliquid derogaturum.
- II. Se denunciaturum, si aliquis confectionarius medicamenta sua minus bene confecerit. Quod ut facilius intelligatur, monendum est, medicos his temporibus medicamentis utplurimum summo opere compositis, subinde valde pretiosis esse usos, putasseque vim et efficaciam suorum medicamen-

camentorum vix per longum tempus eadem virtute perseveratur. Hinc a PLATEARIO quoque atque AEGIDIO CORBOLIENSI diligenter semper notatum est, quatenam medicamenta diu, quae minus diu vim suam retineant. Hinc etiam FRIDERICVS in tertia lege praecepit, ut stationarii de confectionibus minus diu efficaciam suam retinentibus minus, de aliis vero, pertinaciorē efficaciam habentibus, plus lucrarentur.

III. Se pauperibus consilium gratis daturum. Quod et humanitati respondet admodum, et ab HIPPOCRATE jam praeceptum erat.

Haec vero praecepta collata cum consuetudinibus ritibusque, qui in doctoribus creandis in academiis observari solent, demonstrant ritus doctores creandi, partemque saltim privilegiorum, quibus doctores gaudent, e Salernitana schola atque Neapolitana studiorum universitate ad nostra usque tempora profluxisse. Et doctoris titulum FRIDERICI temporibus hoc sensu, quo apud nos valet, non usitatum, his promiscue cum magistri titulo datum esse, qui medicinam docebant, magistrorum vero nomine etiam hos, et primum forsan quidem FRIDERICI temporibus ornari coepisse, qui medicinam didicerant et superatis examimbus doctrinam suam probaverant, eodem modo, quo opifices, post artis suae specimina data, et examina superata, magistrorum titulum obtinent. In quarta enim lege FRIDERICI haec duo distinguntur optime: *in medicina legere, et magistri titulum assumere.* Magistros his temporibus itaque non omnes legentes docen-

docentesve fuisse, sed viros, qui speciminibus editis probaverant, se in scientia sua esse versatos, certum est. o 2) Doctoris titulus apud AEGIDIUM occurrit, et eodem quidem sensu, quo nos professores intelligimus. Hunc, cum magistri titulus vulgatiores fiebat, vere docentes scientias sibi vindicabant. Postea, quum post examina superata et doctrinae specimina data liberum cuique erat scientiam, quovis vellet modo, exercere, doctores vero fama magis, quam practici, emerent, doctoris titulus, et non quidem prius, quam saeculo XIV, in magistri locum sensim successit, hoc praesertim argumento, quod post specimina doctrinae exhibita, scientiam quovis modo, adeoque etiam docendo exercere liberum cuique esset. Hinc etiam (quod sane manifeste probat, doctoris munus initio in docendo constituisse) princeps inter privilegia doctorum hoc est, ut hac dignitate ornatis scientiam suam, ubique velint, docere liceat.

Neque Salernitani doctoris titulum docentibus primum dederunt. Qui alios docebat, doctor longe antiquioribus temporibus vocabatur, indeque in antiquis inscriptionibus *Doctores librarii*, *Doctores sagittarum*, *Doctores factionum et agitadores* non raro occurrunt. p) Sed hoc sensu, quod nostris temporibus sumi-

o 2) Prima sane in hac constitutione magistrorum non docentium vestigia occurrunt. Nec antiquiora, imo non alia, nisi *FridERICI* cujus constitutiones ignorabat, his temporibus recentiora exquirere potuit *Heumannus*, vir quondam doctissimus, in tractatu de *magistri philosophiae titulo*, qui legitur in *act. philosoph.* part. 16. pag. 594. §. 112.

p) *Muratorii* diff. ad antiq. Ital. XLIII. pag. 850, 851.

fumitur, Doctoris titulus ante saeculum XIV. non valuit: iique, qui literas docebant, et doctoris et magistri titulo promiscue utebantur. Talesque doctores Bononiensis schola, aliaeque habuere. q) Sed quod attentionem nostram utique meretur, apud Salernitanos et Neapolitanos doctoris quidem titulus desiderabatur, omnia vero, quae nostris temporibus fieri solent, in medicinali saltem studio, ut doctoris dignitatem aliquis adsequatur, peragebantur.

Valentissimum vero argumentum, quo probari potest, doctoris titulum et privilegia in Salernitana schola et Neapolitana studiorum universitate primas suas origines habuisse, hoc est, quod nostris adhuc temporibus apud Salernitanos et Neapolitanos ad doctoris dignitatem nihil amplius requiratur, quam quod FRIDERICI SECUNDI temporibus candidatis praestandum erat.

Doctorum origines in occidente a Salernitanis et Neapolitanis esse repetendas iisque medicinale studium Salernitanum et Neapolitanum primam occasionem dedisse, ex dictis perspicitur. Sunt quidem, qui reflorescente in Occidente juris scientia, primos in hac scientia doctores fuisse putent, deinde, canonici juris studio diligentius tractato, hoc etiam doctores suos habuisse, deinde ad theologiae scientiam eandem dignitatem pervenisse. Quod non negari potest, si sub doctoris titulo is intelligitur, qui docet: si vero cum hoc titulo dignitatem quandam atque immunitates easdem paene jungimus, quas nostris temporibus docto-

doctores habent, si adeo de doctoribus academicis in qualibet facultate sermo valet, eorumque privilegiis, horum praeter ea in Salernitano et Neapolitano studio, antiquiora exempla non occurrunt. Nec FRIDERICI SECUNDI temporibus, qui jus docebant, doctores, verum communi omnibus docentibus nomine magistri appellabantur. Magni fecisse FRIDERICVM ROBERTVM DE VARANO et PETRVM DE HIBERNIA, civilis scientiae primos in studio Neapolitano professores, supra jam relatum est. Hos ipse FRIDERICVS viros magnae scientiae, notae virtutis et fidelis experientiae vocabat, de iisque fiduciam pleniorẽ gerebat. r) Et tamen utrosque non doctores, quem titulum iis certe dedisset, si notus aut vulgatus fuisset suis temporibus, sed magistros vocat: in eadem vero epistola doctores memorat, his verbis: *Inprimis quod in civitate praedicta doctores et magistri erunt in qualibet facultate.* Temporibus itaque imperatoris, ex cujus institutis academicis doctorum dignitas, et in medicina quidem primum, nata est, scientiae, praeter docentes, doctores non habebant.

Si vero iuramentum, cui doctores medici nostris temporibus adstringuntur, cum eo confero, quod FRIDERICVS praecepit, differre quidem utraque video, inducor vero ad credendum, iuramentum, nostris temporibus usitatum, vna cum consuetudine candidatorum antea examinandorum atque approbandorum, ex eo, quod FRIDERICVS praeceperat, natum esse. Ipsum adeo iuramentum, cui nostris adhuc temporibus candi-

r) Petr. de Vincis Libr. III, epist. 11.

candidati penes Salernitanos adstringuntur, idem esse videtur, quod FRIDERICVS praeceperat. ANTONIO enim MAZZA auctore, qui doctoratus laureola insigniendus est, per fides ac testes legitima natalia probare tenetur, aetatem non minorem vigesimi primi anni, publici studii in medicina septennium, juxta regias sanctiones: acri perpenditur examine: publice explanare tenetur puncta medicinalia, aut in libris Tegni Gal. vel p. ae seu primi Avicennae, vel in libr. aphorism. In artibus autem in lib. phys. aut in lib. poster. analytic. (ex capitul. Alm. Collegi) multisque juramentis adstringitur, antequam doctoratus insignia a Priore, vel ab alio, qui Priori placuerit, illi conferantur. Ex dictis capitulis et sunt, ne almo collegio contradicat, falsa et mendacia non doceat, a pauperibus nec oblatam mercedem recipiat, suis languentibus poenitentiae sacramentum mandet, cum aromataris nullam inhonestam habeat sortem, utero gerentibus ne abortivum exhibeat pharmacum, nec humanis corporibus venenosum medicamentum. Insignia postmodum ei tribuuntur, liber nempe clausus, mox apertus, auctoritas ei conceditur, ut ubique locorum ac per universum terrarum orbem philosophi et medici munus possit exercere, annulari digito annulus aureus imponitur, caput laurea coronatur corona, osculoque amplectitur, ac demum paterni benedictione doctoratus dimittitur. s)

Notandum in hac lege etiam est, medicinam his temporibus non secundum Saracenorum placita, sed secundum HIPPOCRATIS atque GALENI praecepta esse traditam librosque authenticos utrorumque medicorum

in

in scholis esse lectos atque explicatos: Saracenorum hinc medicinam ineunte saeculo XIII. tantum nondum invaluisse, quantum saeculo XIV. et sequentibus, et confirmari inde opinionem, quam supra protulimus, penes Salernitanos Saracenorum medicinam non tanti esse aestimatam, quanti Hippocraticam atque Galenicam.

Notatu dignissima sunt, quae circa confectio-
narios, apothecas atque stationarios in hac constitutio-
ne proferuntur, qualis enim haec rerum medicinali-
um pars his temporibus fuerit, optime illustrant.
Societatem cum confectio-nariis medico contrahere
non licebat, neque aliquem in curam, conducto pri-
us foltro, recipere, ne scilicet aut negligeretur aeger,
aut minus efficacia medicamenta praescriberentur:
distincti itaque erant confectio-narii a medicis, his me-
dicinas praecipientibus, illis vero eas praeparantibus.
Medicarum testimonium ad confectio-nes necessarium
erat, juxta constitutionis formam: dispensatorium
prostabat, in quo confectio-nes praescriptae erant,
earumque conficiendarum modi, juramentoque tene-
bantur confectio-narii, ut omnes confectio-nes suas se-
cundum praescriptam formam facerent sine fraude.
Distincti a confectio-nariis *stationarii* erant, qui medi-
cinas a confectio-nariis praeparatas in apothecis, sive
stationibus, vendebant. Medico *stationem* t) sive apo-
thecam, qua medicamenta vendebantur, propriam
habere non licebat, neque omnes regni vrbes, sed
certae tantum, quarum vero nomina desiderantur,
itati-

t) Du Cange glosser, lat. med. et infim. Tom. II, p. 951.

stationes suas, five apothecas habebant, quae medicamenta sua aut a Neapolitanis, aut a Salernitanis confectiohariis accipiebant.

Quarta lege, quae priore paulo serius data est, et post restauratam scholam Neapolitanam ibique instauratum vniversale studium, (in priore enim tantum Salernitani, in hac vero etiam Neapolitani mentio facta est,) in qualibet terra FRIDERICI imperio subdita duo viri circumspecti et fide digni ordinantur, sub quorum testimonio confectioes medicae, electuaria praesertim et syrups, legaliter fierent, ad has enim confectioes saccharo opus erat, in cuius locum, quoniam maximi his temporibus pretii erat, confectioharii mel eligebant, cui vero nocivae qualitates tribuebantur. u) Hinc electuaria et Syrupos, praeparationes scilicet saepissime male fieri solitas, haec lex inprimis nominabat. Salernitanae confectioes per magistrum in physica ibi degentes approbari debebant.

Tandem etiam chirurgiae prospexit optimus imperator, statuens, vt nullus chirurgus ad praxin artis suae admitteretur, nisi per annum saltim in ea medicinae parte studuisset, quae medicinae instruit facultatem et praesertim humanorum corporum anatomen didicerit, sine qua nec incisiones salubriter fieri possint nec factae (fracta CONRINGIVS legit, nec male x) curari. Chirurgus ad praxin admitti volenti testimonia magistrorum in medicinali facultate legentium afferenda erant.

Salern.

u) *Aegid. Corboliens. Libr. II. v. 398.*

x) *antiq. academ. diss. III. pag. 105.*

Salernitanum medicinae studium in his FRIDERICI SECUNDI constitutionibus, et in tertia quidem lege solum, in quarta vero vna cum Neapolitano, insigne privilegium obtinuit, ut nulli in universo regno medicinam exercere liceret, nisi ei, qui illam in his scholis didicisset. Hoc privilegium per universam quoque Germaniam valuisse, quidam adserunt. Medici hinc a Salernitano collegio examinati et iuramento adstricti absque alio examine ubique mederi poterant, imo medicis in quacunque schola alia examinatis medicinam exercere non licebat, nisi, juxta alteram legem FRIDERICI, a Salernitano collegio essent approbati. Eoque jure Salernitani medici Neapolitanos antecellebant, tanquam primi a FRIDERICO vocati. Causam antiquus commentator in FRIDERICI constitutiones enarrat his verbis: *Medici Salernitani occupaverunt sibi magnam famam, nam ipsi multa scripserunt in medicinis in diversis partibus mundi, ut patet in libro de regimine sanitatis per medicos Salernitanos ad regem Angliae, et non sic scripserunt medici Neapolitani, &c. y)*

Privilegia scholae medicae Salernitanae haecenus enarrata reges Neapolitani sequentibus temporibus auxerunt atque confirmarunt. Studium Neapolitanum rex ROBERTVS, ineunte saeculo XIV, reformavit, simulque omnes scholas ubilibet infra regnum interdixit, expresse tamen declaravit, minime studia civitatis Salerni his comprehendendi. *Excepto, inquit, studio medicinae, quod inibi exerceri consuetudo diuturna testatur: hoc enim, et juris scripti sanctio* (constitutiones nempe

FRID-

FRIDERICI II.) admonet, et ipsorum²⁾ regum traditio constitutionis inducit usque quaque tenaciter observari. 2) JOANNES ANTONIVS DE NIGRIS in enarratione hujus capituli haec habet: *Hoc tamen fallit in studio medicinae civitatis Salerni, quia ibi est antiquissimum studium in medicina, et semper in eo floruit studium in utraque jure, et non est memoria in contrarium, ita quod habet vim constituti. — Et in civitate Salerni similiter ex inveterata consuetudine jura docentur, et florent in medicina et in medicina possunt ibi doctorari: non autem doctorari possunt in jure civili et canonico. a)*

Jus civile et canonicum apud Salernitanos suos professores habuisse, collegium vero juris consultorum privilegia tanta non habuisse, quam medicorum collegium, ex hoc loco patet. Antiqua etiam inscriptio in majore basilica ecclesia Salernitana, in qua corpus Matthaei Evangelistae colitur, docet, professores juris civilis Salerni exeunte saeculo XIII. et ineunte XIV. floruisse. Inscriptio haec est: *Hic jacet Dominus Jacobus Caput Grassus de Salerno, juris civilis professor, Regius consiliarius et familiaris ac curiae vicariae regni judex. Obiit anno Domini MCCCXL. b)* Lauream doctoris candidatis dare juris consultis Salernitanis cum non licebat, eam ob causam apud regem PHILIPPVM III. institerunt, vt legalis facultatis collegium constitueretur. Precibus etiam annuit rex; verum deinde,

2) Ex archivio Reg. Sicil. lit. A. fol. 64. hunc locum excerpfit Ant. Mazza cap. IX. p. 64, A.

a) Locum dedit Ant. Mazza cap. IX. p. 64, B.

b) Mazza cap. VI. pag. 25, 26.

de, ANTONIO MAZZA c) notante, in *statum amplius non fuit*.

Anno MCCCLXV JOANNA Regina Salernitanis privilegia a FRIDERICO data confirmavit his verbis: *Quod magistri medicinalis scientiae civitatis Salerni habent ex privilegio et consuetudine, quod ipsi medici sive physici eorundem magistrorum testimonio, testimonialibus ipsorum magistrorum literis comprobatis in scientia supradicta, absque alia licentia possint praticari libere in dicta scientia medicinali. d)*

Liberos vero fuisse per consuetudinem diu observatam Salernitanos doctores eorumque alumnos ab omnibus tributis oneribusque, et personalibus privilegiis esse gavisos quam plurimis, partim ex Neapolitanae studiorum universitatis institutis, FRIDERICVM II. auctorem habentibus, qui Neapolitanis doctoribus et alumniis easdem immunitates dederat, neque voluit, vt Salernitanum studium Neapolitano esset inferius, partim autem ex privilegio LADISLAI Regis patet, anno MCCCCXIII. dato, in quo haec proponuntur: *Licet per antiqua privilegia divorum praedecessorum nostrorum Regum Siciliae et antiquatam consuetudinem diutius observatam, in cujus possessione fuerunt et nunc persistunt omnes physici civitatis Salerni, sint, et debeant esse liberi, franchi et immunes ab omnibus et singulis solutionibus, etc. et infra: juxta consuetudinem supradictam ipsasque immunitates, franchitias, libertates et exemptiones*

c) Mazza cap. IX. pag. 64, C.

d) Ex originali instrumento, quod in archivio collegii Salernitani asservatur, hunc locum edidit Ant. Mazza, cap. IX, pag. 64, E.

emptiones, de quibus plenarie constat nobis, juxta ipsorum privilegiorum antiquorum seriem: in abundantioris cautelae suffragium, quae prodesse et non officere consuevit, tenore praesentium de certa scientia confirmamus, ratificamus et approbamus, subdens, et ex eorum exquisita peritia causatur medicorum copia et nostris fidelibus multa sequuntur commoda e 1).

Non vero laudem studio medico Salernitano defuisse his temporibus, neque doctos et probataque experientiae medicos, plurima testimonia virorum clarissimorum, his temporibus viventium, probant. Sic Angelicus Doctor, S. THOMAS DE AQUINO, anno MCCXXIV natus, Salernitanam urbem inter celeberrimas Europae refert, his verbis: *Quatuor sunt urbes caeteris praeeminentes, Parisius in scientiis, Salernum in medicinis, Bononia in legibus, Aurelianis in artibus* e 2). Eximius poeta, FRANCISCUS PETRARCA in itinerario suo anni MCCCXXX *Salernum medicinae fontem appellat, ac gymnasium nobilissimum, ubi feliciter literarum omnium disciplina consistit* f) Medicos vero Salernitanos his temporibus priscam experientiae famam retinuisse, locus nobilis in vita S. BERNARDI, abbatis

F 3

Cla-

e 1) ex privilegio, quod in archivio collegii Salernitani servatur, hunc locum edidit Ant. Mazza, cap. IX. pag. 64. 65.

e 2) Libr. de virtut. et vit. cap. ult. Mazza, pag. 65. cap. IX. Et hunc locum quidem S. Thomas ex Galfridi poetria excerptit, qui versu 1009 ita canit:

*In morbis sanat medici virtute Salernum,
Aegros, in causis Bononia legibus armat
Nudos: Parisius dispensat in artibus illos
Panem, unde cibant robustos: Aurelianis
Educat in canis auctorum tace tenebras.*

f) Mazza, cap. IX, pag. 65.

Clarae vallenſis, qui anno MXCI natus annoque MCLIII, fato functus eſt, demonſtrat. GVILIELMO enim, abbate de Sancto Theodoro narrante g) *Bernardus, ſanctus vir, in vrbe Salernitana, nobiliſſimis ſuccumbentibus medicis, quorum ibi praecipue ars viget et ſtudium, in curationibus efficax, Salernum advenit, viroque cuidam nobili, auxilio deſperato, aquam de lavacro manuum ejus dedit, qua epota nobilis vir convaluit.*

III. Expoſitis haecenus quae ad ſtudii medici Salernitani hiftoriam pertinent, reliquum eſt, vt quale recentioribus temporibus fuerit noſtrisque ſit, exponamus doctosque medicos Salernitanos, qui ad ſaeculum uſque XV floruerunt, enarremus, ad recentiora enim tempora ob operis temporisque anguſtiam progredi non licet. De ipſo ſtudii Salernitani ſtatu anno MDCLXXXI recentiſſimus ſcriptor, ANTONIVS MAZZA haec habet h): *Alnum collegium tantum ex decem doctoribus, non ultra, componitur: vno illorum praemortuo, alius in gradu antiquior ſuccedit. Prior autem eſt ille, qui antiquior eſt, ac in collegio antiquiore mortuo, in prioratus officio uſque ad finem vitae permanet. In privilegii titulo prioris dumtaxat nomen et cognomen inſcribitur, cum ejusdem almi collegii pendente ſigillo, in quo glorioliſſimi patroni, apoſtoli et evangeliftae Matthaei cernitur effigies, (quae adhuc eſt civitatis ſtemma) ſuper ſeptem faſcias rubei et albi coloris ſedentis.*

Medicos autem Salernitanos, qui uſque ad Saeculi XV initia floruerunt, antequam enarrem, monen-

g) in vita S. Bernard. Libr. II. cap. 7.

h) vrb. Salern. hiſtor. cap. IX. pag. 68. E.

nendum est, CONSTANTINI AFRICANI libros et NICOLAI et JOANNIS PLATEARII opera tanta floruisse laude, ut non solum ubique legerentur, verum etiam commentariis amplissimis illustrarentur. Eoque modo Salernitanorum medicorum doctrina per univ[er]sam fere Europam pervulgata est. In NICOLAI antidotarium, praeter JOANNEM PLATEARIVM, et qui hunc exposuit, AEGIDIUM CORBOLIENSEM, JOANNES de S. AMANDO, Tornacensis ecclesiae canonicus, commentatus est i). VITALIS DE FVRNO, cardinalis et archiater, qui incunte saeculo XIV vixit, in libro pro conservanda sanitate CONSTANTINVM et PLATEARIVM excerptit k), ut alios horum temporum medicamentorum scriptores omittam, qui fere omnes CONSTANTINVM NICOLAVM atque PLATEARIVM, medicos his temporibus celeberrimos, sequuti sunt. In chirurgica etiam arte scholam Salernitanam his temporibus vehementer inclaruisse certum est. Princeps inter horum temporum chirurgos ROGERIVS fuit, Salernitanus teste GVIDONE DE CAVLIACO, deinde univ[er]sitatis Monspeliensis procancellarius, in cujus chirurgiam aliquoties editam quatuor magistrorum Salerni commentarii prostant l), typis haecenus non excussi. Saeculo XIII Bruno vixit Longoburgensis Calaber, qui chirurgiam in Salernitano studio didicerat, cujusque chirurgicum opus adhuc extat. Eorumque virorum chirurgica opera alii, quos HALLERVS m) ex parte citat, exscripsere, eoque modo Salerni-

F 4

ni-

i) *Haller bibl. botan. Tom. I. pag. 224.*

k) *Haller bibl. botan. Tom. I. pag. 229.*

l) *Haller bibl. chirurg. Tom. I. pag. 145. Con.ing. antiq. 22ad. dist. III. pag. 105.*

m) *biblioth. chirurg. Tom. I. pag. 14 seq.*

nitanorum medicorum doctrinam de rebus ad chirurgiam pertinentibus vulgatiorem effecere.

Agmen autem inter medicos Salernitanos horum temporum ducat JOANNES DE PROCIDA, Salernitanus Patricius, Dominus insulae Procidae, MANFREDI, Siculorum Regis socius, familiaris et medicus, famosae vesperae Siculae famosus auctor. Eo enim praeeunte, habitoque cum magnatibus baronibusque Siciliae consilio, die XXX mensis Martii, anno MCCLXXXII Galli omnes per totam insulam degentes ad numerum LX millium trucidati sunt. n) Medicinalem librum scripsit titulo: *utilissima practica medica*. Ex eadem Stirpe ROGERIVS DE PROCIDA ortus est, cum ROGERIO, chirurgici operis auctore, quem supra memoravimus, non confundendus o)

MATTHAEVS SILVATICVS, Mantuanus, qui se ipsum anno MCCXCVII Salerni versatum esse testatur p), exeunte saeculo XIII vastum opus medicinale, neque ad intelligendos Graecos atque Arabes plane inutile, (quod tamen utilius fuisset, si Arabica et Graeca melius intellexisset auctor,) in lexi formam compositum, *pandectarum medicinae* titulo inscriptum, et ROBERTO, Siciliae Regi dicatum, conscripsit, quod saepissime typis exscriptum et a SIMONE GENVENSI et a DOMINICO MARTINI DE SOSPITELLA annotationibus auctum est. g) Obiisse auctorem anno MCCCXLII ANT. MAZZA r) docet:

n) *Mazza*, cap. VI. pag. 22.

o) *Mazza*, cap. IX. pag. 62.

p) *pandect. medic.* sub voce *bruchus*.

q) *Fabric. biblioth. med. et infim. latin.* Tom. V. pag. 157.

r) cap. IX. pag. 81.

cet: scriptorem vero saeculi XIII fuisse, HALLERVS s), refert.

JOANN. NICOLAVS DE ROGERIIS, ROGERIVS a MERKLINO t) dictus, Venetus, Salerni medicinam didicerat, hinc ab ANTONIO MAZZA pro Salernitano habitus u), sub HENRICO VI, imperatore, adeoque ineunte saeculo XIII, floruit. Clarus fuit suo tempore philosophus et medicus, cujus plurima scripta extant *de primatu praedicamentorum, expositio trium tractatuum Averrois in logica magna; de termini definitione; particularium fit, an universalium definitio; de medio demonstrationis; solutionum contradictionum in medica facultate libros, et commentaria in libros Galeni de ratione curandi per sanguinis missionem*, quae etiam Venetiis, anno MDXCVII typis excussa sunt. Edidit etiam *quaesitum difficillimum accurate explicatum de sede animae membrorumque principatu ex Galeni Hippocratisque placitis adversus philosophos*, Neapoli, anno MDLXXIV editum.

Ex Rogeriorum familia fuere JOANNES VINCENTIVS et JOANNES VITVS DE ROGERIIS, utriusque medici Salernitani, scriptis libris celebres. VINCENTIVS *de sede animae et de concursu vel activo, vel passivo mulieris ad prolem*, VITVS vero *de sede animae et de introductione foetus libros scripsit x)*

FRANCISCVS ALPHANVS de Salerno. Prostat ejus opus *de peste, febre pestilentiali et febre maligna, nec non de variolis et morbillis quatenus nondum pestilentes*
F 5. sunt,

s) biblioth. botan. Tom. I. pag. 220.

t) Linden. renovat. pag. 651.

u) cap. IX. pag. 60.

x) Mazza, cap. IX. pag. 61.

sunt, Neapoli MDLXXVII et postea aliquoties editum y). Tempus quo hic ALPHANVS, quem Alphanium MERKLINVS vocat, vixerit, ignoratur. An forte idem cum ALPHANO SECVNDO, Salernitano archiepiscopo, quem supra citavi? Vix putaverim, ob titulum libri, recentiora tempora redolentem, etsi librum medicinalein ALPHANVS archiepiscopus scripsit *de quatuor humoribus corporis humani*. Neque inter libros ALPHANI I. et II. FABRICIVS z) hunc citat, cujus titulum dedimus.

BENVENVTVS GRAFFIO, five GRAPHAEVS DE HYERSALEM, Salernitanus medicus, quem supra memoravi. Ejus *ars probata de aegritudinis oculorum* Venetiis MCCCCXCVII fol. in lucem prodiit.

ARNALDVVS DE VILLA NOVA ob plurima scripta insignis, inprimis autem ob praeclaros suos commentarios, quibus scholae Salernitanae de conservanda bona valetudine praecepta illustravit. Eum postea enarrabimus, carminis Salernitani historiam enarrantes.

LANFRANCVS etiam hic memorandus est, chirurgorum sui temporis princeps, excitati, quem HALLETVS a) vocat, ingenii homo, cui Gallorum chirurgia debetur. Mediolanensis erat clericusque, Salerni vero medicinam atque chirurgiam didicerat. Reversus in patriam Arabum scripta legit, ex parte in latinam convertit, ex iisque *practicam suam, quae dicitur ars completa totius chirurgiae* composuit. Ex patria eum

con-

y) Merklin Linden. renovat. p. 279.

z) bibliothec. scriptor. mediae et infimae latinitat. Tom. I. pag. 187.

a) bibliothec. chirurg. Tom. I. pag. 149.

conjuges liberisque pulsus, Parisium anno MCCXCV adiit. In facultatem medicorum cum peregrinus, et in conjugio vivens recipi non posset, cum JOANNE PICTARDO, LUDOVICI SANCTI et PHILIPPI PVLCHRI chirurgo, fraternitatem formavit, COSMAM et DAMIANVM patronos habentem, pauperumque valetudinem gratis curantem. Chirurghi huic societati adscripti, ob togam doctorali similem, togati (*chirurgiens de la robe longue*) appellabantur b)

PAVLVS GRISIGNANVS de Salerno, cujus aetas incerta est, ad haec tamen forte tempora referri debet, scripsit in HIPPOCRATIS *aphorismos expositionem*, Salerni, anno MDXLIV editam et *libellum de pulsibus et urinis*, Salerni MDXLIII editum.

Praeter enumeratos auctores sequentes medici Salerni floruerunt, et quidem forte omnes ante saeculum XV.

JOANNES DE SANCTO PAVLO c)

GVILIELMVS PLACENTINVS d).

HIERONYMVS BALDVINVS e).

GVALTHERVS SALERNITANVS f).

BOCCVTIVS GRILLO. Scripsit *de practica medicinae et de differentiis pulsuum et februm* libros, quos manuscriptos in bibliothecis latere MAZZA refert g).

DE-

b) Corte notizie istoriche intorno a medici scrittori Milanesi, Milano 1718. pag. 15.

c) *Conring* antiq. acad. diff. III. pag. 105.

d) *Conring*, l. c.

e) *Conring*, l. c.

f) *Conring*, l. c.

g) cap. IX, pag. 59.

DETIVS PENNELLA *prædicam omnium accidentium scripsit, quae humanum corpus laedere possunt*, typis non excussam h).

AEGIDIVS URSONE *librum de pulsibus et urinis* edit i).

LAVRENTIVS GRILLO *de sapore dulci et amaro* librum scripsit k).

MATTHAEVS DE PLATAMONE *de Puteolanis balneis* metricè scripsit, carmine nondum edito l).

PETRVS BARLIARIVS, quem in necromantia multa scripsisse, in omni scientia versatissimum, ANT. MAZZA refert m).

Alios, quos ipso saeculo XV floruisse credibile est, lubens omitto.

h) *Mazza*, cap. IX. pag. 59.

i) *Mazza*, l. c. pag. 59.

k) *Mazza*, l. c. pag. 64.

l) *Mazza*, l. c. pag. 61.

m) cap. IX. pag. 61.

II.

De regiminis sanitatis Salernitani auctore, librisque scriptis et editis.

Salernitanorum medicorum carmen, quo sanitatis regimen tradiderunt, ante AEGIDII CORBOLIENSIS tempora jam in Gallia fuisse notum, adeoque saeculo ineunte duodecimo, et quidem consentiente et approbante tota schola, a magistro quodam Salerni medicinam docente esse compositum, sequentibusque temporibus alias medicorum scholas Salernitanorum medicorum carmen satis illepide esse imitatas, supra probavimus. Auctor vero regiminis sanitatis Salernitani in omnibus fere libris JOANNES DE MEDIOLANO, medicinae in Salernitano studio magister, fuisse dicitur, de quo vero nec scitur quis fuerit, nec quando vixerit, nec quatenam proprie in hoc carmine conficiendo praestiterit. Libri tantum quidam scripti hujus carminis, et quidem non antiquissimi, illius auctorem atque versificatorem JOANNEM DE MEDIOLANO faciunt, cujus vero nomen in antiquioribus scriptis libris, nec non in editis, qui secundum antiquiores codices typis exscripti sunt, plane desideratur. Neque ARNALDVS, DE VILLA NOVA, qui anno MCCCCLXIII fato functus est,

est, a) primosque atque copiosissimos in hoc regimen commentarios conscripsit, ejus auctorem memorat, sed tantum a doctoribus scholae Salernitanae in gratiam regis Angliae conscriptum esse dicit b).

Unicum argumentum, cui inhaerentes historiae literariae scriptores JOANNEM DE MEDIOLANO regiminis sanitatis Salernitani auctorem fuisse perhibuerunt, hoc est: quod in codicibus quibusdam manuscriptis carmen JOANNIS, auctoris sui, nomen gerat. Sic in calce Tulloviani codicis, cujus titulum ZACHARIAS SYLVIVS c) ex CVRTII praeclaro opere de scriptoribus medicis Mediolanensibus citavit, expresse legitur tractatum a JOANNE DE MEDIOLANO esse confectum. Altorfinus etiam codex, sive potius Trewianus, anno MCCCCXVIII scriptus, ut in fine expresse memoratur, opus JOANNI DE MEDIOLANO tribuit. In ejus fine sequentia leguntur: *Explicit flos medicinae compilatus a magistro Joanne de Mediolano, magistro in medicina in studio Salerni. Deo Gratias. anno scriptum MCCCCXVIII.*

Sed antiquiores saeculo XV an prostent codices, in quibus JOANNI DE MEDIOLANO carmen adscribitur, incertum est, multos recentiores extare, certissimum. In antiquioribus vero JOANNIS nomen desideratur. Quod si novisset ARNALDVS DE VILLA NOVA, qui ipse in Italia et FRIDERICI Neapolitani regis et Salernitani principis archiater fuit, cui adeo veri auctoris eruendi

oc-

a) Jo. Alb. Fabric. in elench. medicor. veterum. biblioth. graec. Vol. XIII. pag. 85.

b) in commentar. ad primum versum regiminis sanitatis Salernitani, pag. 2. edit. R. Morean.

c) praef. ad schol. Salernit. cap. 3.

occafio non deerat, fine dubio ejus mentionem fecisset. Post ARNALDI itaque VILLANOVANI demum tempora JOANNI DE MEDIOLANO carmen Salernitanum adscriptum esse videtur. Si enim antiquioribus temporibus carminis verus auctor fuisset cognitus, AEGIDIUS CORBOLIENSIS, qui vix praetermisit, quae Salernitanis medicis laudandis inservire poterant, ipsumque regimen sanitatis Salernitanum probe cognitum habebat, eum certe nominasset.

Auctorem verum carminis a schola medicorum his temporibus celeberrima in lucem emissi, quod aliae scholae medicorum in Gallia, Monspeliensis scilicet atque Parisina imitatae sunt, quo Salernitana schola inprimis claruit, quod ad principem horum temporum nobilissimum scriptum, famam studii Salernitani per Angliam et Galliam inprimis pervulgavit, compositumque in versuum genere, in quo temporum ingenium praestantiam summam atque leporem plurimum ponebat, et quod ab omnibus legebatur; hunc inquam incertum esse auctorem sane mirum est: Si vero ipsum hoc carmen, antiquissimo ejus interprete, ARNALDO, probe notante, non sine approbatione totius collegii Salernitani ad regem Angliae missum est, non sane est, quod vehementer miremur, *totam Salerni scholam* gloriam emissi carminis sibi vindicasse ipsamque studio cavisse, ne verus ejus auctor innotesceret.

Si vero codici Trewiano, Tulloviano aliisque fidem adhibemus et cum summis viris, BARTHOLOMAEO

CYRTIO c 1) et PHILIPPO ARGELATO c 2), qui vero enarratis argumentis graviora non protulerunt, JOANNEM DE MEDIOLANO verum regiminis sanitatis Salernitani auctorem statuimus, quaestio: quando is JOANNES vixerit carmenque suum composuerit, momenti non parvi est. Antiquissimum de hoc carmine testimonium AEGIDIUS CORBOLIENSIS exhibuit, qui *de virtutibus et laudibus compositorum medicaminum* poema non longe post mediam saeculi XII partem confecit. Iisque temporibus Salernitanum sanitatis regimen in Gallia apud Monspelienses et Parisinos non solum notissimum erat, verum etiam fama, qua florebat, Monspelienses ad eructandum carmen Salernitano simile incitaverat. Hinc sane historiae literariae scriptores, circa saeculi XII initia Salernitanum carmen compositum esse putantes, non vehementer errare certum est.

His vero temporibus Salerno vixisse JOANNEM DE MEDIOLANO neque PETRVS DIACONVS neque, qui alias celebres in arte medendi Salernitanos medicos studiose enarrat, AEGIDIUS CORBOLIENSIS memorant. For-
 san tamen JOANNES medicus quem PETRVS DIACONVS d) memorat, CONSTANTINI AFRICANI discipulus, qui anno MLXXII claruit, carminis Salernitani auctor est. Tempus sane non penitus repugnat, neque repugnat, quod monachus in montis Casinensis monasterio fuerit: monasterium enim reliquisse videtur, et Neapoli,
 vbi

c 1) Notizie istoriche intorno a medici Scrittori Milanesi, pag. I. seq.

c 2) bibliotheca Scriptorum Mediolanensium. Mediolani 1745 fol. tom. II. pag. 739.

d) de viris illustribus Casinensib. cap. 35.

vbi omnes libros CONSTANTINI magistri sui, reliquit, obiit. Repugnant vero, quod PETRVS DIACONVS JOANNEM quidem medicum disertissimum ac eruditissimum vocet, verum moneat simul eum aphorismum physicis quidem satis necessarium conscripsisse, sanitatis vero regimen Salernitanum non memoret. Aphorismi etiam opus interiit, saltim typis excussum nondum extat.

Auctor hinc regiminis sanitatis Salernitani sane non tam certus est, ac a scriptoribus historiae literariae perhibetur et ZACHARIAE SYLVII editio, quae anno MDCXLIX primum prodit, JOANNEM DE MEDIO-
LANO, carminis auctorem, in titulo primum memorat. Libelli vero publicati fama mox summopere crevit. Quod partim ex commentariis perspicitur, quibus ARNALDVS DE VILLA NOVA, medicus suorum temporum celeberrimus, illum illustravit, partim vero ex invidia et imitationis studiis, quibus ductae aliae scholae ejusdem generis carmina confecerunt, Monspeliensis praesertim atque Parisina. Hinc etiam libri editi prostant, ejus exemplo, qui Vitebergae, apud GEORGIVM RHAU anno MDXLVI prodit, in quo sanitatis regimen scholae Salernitanae, vel Parisiensi adscribitur. Codices etiam copiosissimi carminis Salernitani, qui nostris adhuc temporibus prostant, quique carmen vario modo deformatum, modo longe pluribus, modo longe paucioribus versibus constans exhibent, docent, carminis hujus famam ante typographicam artem inventam non parvam fuisse. Imo codices extant saeculo XVI, adeoque longe post inventam artem typographicam scripti. Multi etiam

alii, ARNALDI Villanovani exemplo praecepta diaetetica scribentes eodemque titulo regiminis sanitatis videntes, scholam Salernitanam imitati sunt.

Inscriptio libri, qualis ab editoribus post JOANNEM CVRIONEM omnibus data est, antiquioribus scriptis editisque libris non respondet. Codicibus manuscriptis optima notae et antiquissimis esse usum in editione sua ARNALDVM DE VILLA NOVA, ex parte jam probavimus et innox, ejus vitam enarrantes, vltius probabimus, neque facile crediderim codices manuscriptos carminis Salernitani, his antiquiores, quibus ARNALDVS vsus est, existere, quos editores post ARNALDVM ediderint quibusque adeo major fides habenda sit. Titulum vero carmen in ARNALDI editionibus omnibus habet: *Regimen sanitatis Salerni, aut regimen sanitatis Salernitanum*. Alia et pariter antiqua inscriptione, quae vero non in fronte, sed in fine omnium editionum antiquarum legitur, carmen *flos medicinae* vocatur. Hoc enim versu in scriptis editisque libris carmen semper clauditur:

Hoc opus optatur, quod flos medicinae vocatur.

Non paucae editiones antiquiores regem Angliae etiam in titulo memorant, ad quem carmen scriptum est. Codices quidam, illius exemplo, quo RENATVS MOREAU in editione sua vsus est, in primo versu carminis loco regis Anglorum, Francorum regem habent, librariorum vitio. Regem hunc Angliae ex Palaestina cum exercitu reducem, fistula, ex vulnere residua, laborasse, Salernitanosque medicos regis hoc morbo laborantis gratia caput de fistula in carmine suo pro-

po-

posuisse, antiqua fabula est. Differentes auctorum opiniones, quis nominatim per Angliae regem intelligi debeat SAXIVS, V. cl. e) tam praeclare enarravit, ut illius verbis huc transcriptis lectores optime de hac controversia iudicaturos fore sperem et confidam. Quis vero, inquit, per regem Anglorum intelligi debeat, Eduardus, qui sanctus vocatur, an Robertus, Wilhelmi Conquestoris filius natu major, Dux Normanniae, regiumque Angliae nomen adversus Wilhelmum et Henricum fratres vindicans, propter discordem consensum auctoritatem incertum videri posset. Ant. Pagius f) Eduardo transmissum esse librum anno 1066. (adeoque a Joanne Calinenfi monacho compositum) opinatur: Vossius g) contra Comringius h) et alii in gratiam Roberti conscriptos esse versus putant, quorum sententiae lubentius, quam Pagianae, accesserim, propter Joannis de Mediolano aetatem.

In versuum numero codices manuscripti infinite variant: notandum vero iterum est, quod jam monui, ex optimis codicibus textum, quem ARNALDVS dedit, profluxisse, isque in antiquioribus libris omnibus tantum CCCLXIV versus habet. Vulgatum textum CCCLXXII versus comprehendere, RENATVS MOREAU i 1) refert, sed quid sub vulgato textu intelligendum sit, non enarrat. Codices vero et libri editi, antiquis codici-

e) onomast. literar. Vol. II, pag. 205.

f) in Crit. Baron. ad ann. 1087.

g) de philosoph. c. 12. §. 37. p. 105. et de poet. latinis cap. VI. pag. 72.

h) de antiq. acad. diss. III. pag. 104. de script. XVI post Christ. nat. saec. XIII. cap. 4. pag. 127.

i 1) prolegom. in schol. Salernit. pag. 21.

dicibus et editionibus cum ARNALDI commentariis exceptis, summopere quoad versuum numerum variant. Codex, quem instructissima et rarioribus medicinalibus libris abundantissima bibliotheca Trewiana servat, MLXXIII versus continet. Codex Schenkianus MCCXXXIX, Naudinianus CLXXXIII, Tullovianus MXCVI, Morellianus DCLXIV. Editi libri etiam quoad versuum numerum summopere inter se discrepant, et qui post JOANNIS CVRIONIS primam editionem prodire omnes numerum versuum majorem, quam antiquiores, quae cum commentariis ARNALDI, et sine eis prodire et CCCLXIV versus habent, continent. Diversitatem numeri versuum in singulis editionibus quae ad manus sunt, (et non paucae ad manus sunt) infra diligentius enarrabo.

Causa tantae in versuum numero diversitatis, quam scripti editique libri regiminis sanitatis Salernitani exhibent, non difficulter intelligitur. Neque ego JOANNI GERARDO VOSSIO facile assentior, qui librum initio longe auctiorem fuisse et versus MDCXXXIX continuisse putat i 2). Monachi sane librarii, medicinam amantes et ventris simul sui curam studiose gerentes Salernitanum regimen diligenter legebant et descriptis crebro ejus codicibus multiplicabant: si vero quaedam ad diaeteticam pertinentia aut ipsi excogitaverant, aut legerant, aut in conviviis suis audierant, ea in versus leoninos redacta carmini inferebant. Hoc modo, quum in plurimas manus carmen perveniret, versuum numerus sensim auctus est. Versus

i 2) Libr. V. de natura artium.

fus etiam ab aliis compositos librarii non raro inferuerunt. Sic in omnibus regiminis Salernitani libris versus ex AEMILIO MACRO desumpti leguntur k), ex parte forsan ab ipso carminis auctore jam recepti.

Commentatorem vnicum regimen sanitatis Salerni habuit: reliqui enim commentarii omnes ex enarrationibus ARNALDI DE VILLA NOVA nati sunt.

ARNALDVS VILLANOVANVS, ineunte saeculo XIII et quidein SYMPHORIANO CAMPEGIO l) referente, anno MCCC natus, et anno MCCCLXIII FABRICIO m) teste, fato functus, vir ob peculiares suas in rebus ad theologiam pertinentibus opiniones et ob fata sua celebris et multa passus, cum esset ferme annorum XX, ad Parisiensem academiam sese contulit. Hinc post studia decem annorum Montempeffulanum profectus medicinam audivit, atque inde Italiam, ad Pythagoraeos philosophos, concessit. Ab his in Hispaniam, ad Arabes philosophos se recepit. Ad Graecos etiam progredi decreverat, verum ob bella a proposito destitit. Hebraicam, Arabicam, Graecamque linguam calluit, medicinalique sua scientia magnopere inclauit. Quum vero audivisset PETRVM DE APONO, coacvum et amicum suum, cum quo in rebus ad theologiam pertinentibus aequaliter sentiebat, ab inquisitoribus fidei vexari n), ipse, verens ne in manus cucu-

G 3

la-

k) Ren. Moreau in proleg. ad Schol. Saler.

l) in vita Arnaldi operibus Arnaldi praefixa, (mea editio Lugduni 1527. in fol. prodiit) cap. 1.

m) elench. medicor. veterum, in bibl. Graec. Vol. XIII. p. 85

n) Has vexas praeclare, ut solet, enarrat, Grunerus, Vir. Ill. in vita Petri de Apono, quae in libro: *Almanach für Aerzte und Nichtärzte* 1788. legitur.

latorum incideret, clam aufugit et in Siciliam profectus ibique a FRIDÉRICO, Siciliae Rege, in magno honore habitus est. Missus tandem a FRIDÉRICO ad Romanum Pontificem sanandum, in itinere mortuus et Genuae sepultus est.

Multa scripsit, praeter libros ad praxin medicam aliasque medicinae partes pertinentes, ad diaeteticam pertinentia, *de regimine sanitatis opus*, in quo rerum non naturalium vsum ad vitam humanam praeclare pertractavit; *regimen sanitatis ad inclytum regem Arragonum*, nec non libellum: *de conservanda juventute et retardanda senectute*. In libello: *de regimine castra sequentium* vnicum sese mediæ aevi medicinae militaris scriptorem probavit.

Commentum super regimen Salernitanum. Hunc titulum commentariis suis in Salernitanorum medicorum carmen dedit. Eadem fere quidem in eo reperiuntur, quae in regimine sanitatis et in regimine sanitatis ad Arragonum regem dixerat, neque difficilia loca explicantur, quibus regimen sanitatis Salernitanum non caret, verum diaetetica imprimis praecepta scholae Salernitanae in commentariis secundum GALENI Arabumque praecepta vberius exponuntur atque vario modo illustrantur. Hi commentarii, mediæ circiter saeculo XIV. conscripti, codicibus fere omnibus, regiminis sanitatis Salernitani, qui adhuc extant, antiquiores sunt, simulque ipsum regimen sanitatis Salernitanum continent. Neque dubium est, quin ARNALDVS, qui ipse in Italia et sine dubio etiam Salerni fuerat versatus, qui medicus domini erat, cui Salernum

num parebat, optimum, et ab ipsis forsan medicis Salernitanis probatum codicem carminis Salernitani descripserit atque illustrandum sibi sumserit. Hinc eum textum in commentariis suis simul dedit, quem scholae Salernitanae regimen sanitatis plane tale exhibere, quale ipsi medici Salernitani dederant, verosimillimum est. Indequè quum in codicibus manuscriptis praeceptorum, quae in regimine sanitatis Salernitano continentur, versuumque ordo turbatus magnopere sit numerusque vehementer variet, antiquas editiones commentariorum ARNALDI, in quibus omnibus regimen sanitatis Salerni simul legitur, hoc purius, neque librariorum erroribus depravatum exhibere certum est.

Post ARNALDVM JOANNES CVRIO, cum JACOBO CVRIONE non confundendus, Rhenobergensis, o) siue, vt se ipsum vocat, Berckensis, in vniuersitate literarum Erfordiana professor et reipublicae physicus, regimen sanitatis Salernitanum, in societatem laboris simul adscito JACOBO CRELLIO, novis curis recognovit auctiusque edidit. Editio prima, quam aliae permultae, infra enarrandae, sequutae sunt, Francofurti, anno MDXXXVIII, in 8vo prodiit. Novos commentarios, vt ZACHARIAS SYLVIVS, RENATVS MOREAV, aliique existimarunt, non confecit, verum ARNALDI VILLANOVANI enarrationes dilatavit, multis praeceptis et rerum ad diaeteticam pertinentium enarrationibus auxit, auctorum loca, ad illustranda ea, quae proposuerat, multiplicavit, novosque versus, quos addi-

G 4

dit,

o) *Motzschmann*, in Erfordia literata continuat. pag. 626. seq.

dit, novis commentariis instruxit. Cum sua hinc editione anni MDXXXVIII principe aliae et ab ARNALDI editionibus differentes regiminis sanitatis Salernitani Editiones incipiunt, quas infra prolixius describemus. In omnibus etiam regiminis Salernitani libris editis post annum MDXXXVIII, qui ad manus meas pervenerunt, tituli quidem ARNALDI VILLANOVANI commentariorum mentionem faciunt, hos vero commentarios ipsi libri non continent integros atque illibatos, sed a CVRIONE tantopere auctos, ut ARNALDI opera in iis vix cognosci possit.

Eosdem postea commentarios recognovit iterum, polivit atque auxit COSTANSONIVS. Eosque commentarios integros dedit in regiminis Salernitani editione sua RENATVS MOREAV.

Ipse vero etiam RENATVS MOREAV in editione sua adornanda eo respexit, ut regimen Salernitanum, quantum posset, emaculatum, et cum omnibus commentariis emitteret. Hinc omnes, quos dixi, commentarios recognovit, errores eorum diligenter notavit et non raro acriter coarguit. Hoc vero in novis animadversionibus, a se ipso additis, effecit, ita ut proprie vnicum interpretem sanitatis regimen Salernitanum habuerit, ARNALDVM, plures vero ARNALDVS enarratores habuerit, RENATVM autem MOREAV, qui interpretum ARNALDI errores saltim plurimos notaverit atque post iustum examen coarguerit.

Omnes vero hi commentarii, qui spissum satis volumen efficiunt, (editio RENATI MOREAV DCCXCV paginis, pro-

prolegomenis et indicibus exceptis, continetur, Parisiis anno MDCXXV edita, quae sola ad manus est) saeculo nostro parum commodati sunt. Antiquiores GALENI et AVICENNAE RHASISQUE medicinam penitus redolent. Recentior RENATI MOREAU enarratio ipsi operi illustrando parum inservit, verum potius praeter praecepta diaetetica de ciborum utilitate atque noxis, quae nostra aetas et meliora et probatiora dedit, errores aliorum diligenter notatos, inter plurimos errores typographicos, qui sensum saepe turbant, continet.

Hinc hoc in mea editione institutum servavi, ut omissis commentariis omnibus, regimini sanitatis Salernitano nihil adderem, quam capitulorum inscriptions, etiam ipso carmine recentiores, tamen legentibus, ut loca quaedam habeant, quibus a lectionis laboribus requiescere possint, non plane inutiles. Textum vero dedi eum, in quem ARNALDVS DE VILLA NOVA fuerat commentatus. Sequutus sum antiquam editionem, quae Lovanii, in domo magistri JOHANNIS DE WESTFALIA sine anni mentione impressa est, quamque mox copiosius describam. Antiquas vero editiones, quae ad manus fuere, cum et sine ARNALDI commentariis emissas, et plurimae ad manus fuere, quas asteriscus adjectus indicabit, semper contuli earumque opera, omni, quo fieri potuit, studio, curavi, ut textum emaculatissimum in lucem emitterem. Ubi fieri poterat collationem codicis manuscripti Trewiani non neglexi. Notas non addidi, nisi ad intelligendum carmen necessarias.

*Codices regiminis sanitatis Salernitani manu-
scripti.*

Multos regiminis sanitatis Salernitani codices extare scriptos, supra retuli. Enarrabo codices, qui mihi innotuerunt, et eos quidem primum, qui non accurate ab auctoribus describuntur, deinde studiosius descriptos. Multi alii in bibliothecis continentur et in catalogis describuntur, quos legere mihi non licuit.

- 1) *Codex Schenckianus*, quem in bibliotheca sua memorat JOANNES GEORGIUS SCHENCK A GRAFENBERG. MCCXXXIX. versibus constat. a)
- 2) *Codex Naudinianus*, qui CLXXXIII. versibus componitur. b)
- 3) *Codex Tullovianus*. In ejus fine haec leguntur. *Explicat tractatus, qui dicitur flores medicinae, compilatus in studio Salerni a Mag. Joan. de Mediolano instructi medicinalis Doctore egregio, compilationi cujus concordarunt omnes magistri illius studii.* Versus MXCVI. continet. c)
- 4) *Codex RENATI MOREAU*. Versibus DCLXIV. componitur. In primo versu loco Anglorum Regi, *Francorum Regi* legitur. Haec fere omnia sunt, quae de codice suo refert ipse REN. MOREAU. Versus, qui in aliis libris non continentur,

a) Moreau in praefat. ad Schol. Salern. p. 21.

b) Moreau ibid.

c) Zach. Sylvius in proleg. ad Schol. Salern. cap. 3. *Phil. Argelati* bibliotheca scriptorum Mediolanensium. Tom. II. pag. 740. Moreau, loc. cit.

tur, in codice suo vero scripti extant, in regiminis Salernitani editione sua edidit. In his non mali sunt, et codicis antiquitatem probantes, V. g.

Pone gulae metas, ut sit tibi longior aetas.

Ut medicus fatur, parcus de morte levatur.

Non bibe non fitiens, et non comedas saturatus.

Est fitis atque fames moderata bonum medicamen.

- 5) *Codex regiminis sanitatis Salernitani Anglicus*, qui in catalogo manuscriptorum Angliae et Hiberniae describitur. Supra jam dedi, quae in ejus fine leguntur, hic repetenda: *Explicit florarium versuum medicinalium, scriptum Christianissimo Regi Francorum Carolo Magno a tota universitate Doctorum medicinarum praeclarissimi studii Salernitani, tempore quo idem Saracenos devicit in Rancivalle, quod latuit usque tarde et Deo volente nuper prodit in lucem.* In initio haec leguntur: *Incipiunt versus medicinales editi a magistris et doctoribus Salernitanis in Apulia, scripti Carolo Magno Francorum Regi gloriosissimo, quod opusculum in V partes dividitur.* Divisum ante ARNALDVM opusculum non erat, hinc hunc codicem saeculo XV. fuisse scriptum suspicor.

- 6) 7) 8) In bibliotheca Regia Parisina tres codices extare, n. 6931, 6891, et 6941. HALLERVS d) memorat. Plures etiam in regia bibliotheca Londinensi extant.

9) Co-

d) biblioth. botan. Tom. I. pag. 158.

- 9) *Codex papyraceus*, qui in seriniis bibliothecae fervatur, quam Illustris quondam vir, JOANNES JACOBVS TREWIVS literarum vniuersitati Altorfinae legavit, fatis bene scriptus et ex MLXXIII. versibus compositus, capitulorum inscriptiones aliumque ordinem versuum habet, quam libri antiquiores cum ARNALDI commentariis editi. Notas marginales permultas librarius addidit, quae vtplurimum similia iis praecepta, quae in textu proponuntur, versibus leoninis expressa continent. Sic. x. g. occasione versuum:

*Lotio post mensam tibi confert munera bina,
Mundificat palpas (palmas) et lumina reddit
acuta,*

hic versus in margine legitur:

Est oculis sanum saepe lavare manum.

Non opus est, vt multiplicem exempla, vnico hoc fatis docente quomodo versus regiminis sanitatis Salernitani ex marginibus sensim in textum irreperint et hoc modo multiplicati fuerint. Caeterum carmen in hoc codice titulum habet: *regimen generale*, in fine vero leguntur haec verba: *Explicit flos medicinae compilatus a magistro Johanne de mediolano, magistro in medicina in studio Salerni. Deo gratias. anno scriptum 1418.*

- 10) *Codex bibliothecae Uffenbachianae*. d) Char-
taceus est et initio saeculi XVI. scriptus. Titu-
lum hunc habet: *Regimen sanitatis Salernitanum*
excel-

excellentissimum pro conservatione sanitatis totius humani generis perutilissimum, a magistro Arnolando de Villa nova Cathelano omnium medicorum viventium gemma utiliter ac secundum omnium antiquorum medicorum doctrinam veraciter expositum, noviter correctum ac emendatum per valentissimos, egregios ac medicae artis peritissimos Doctores Montis-pessulani regentes, anno MCCCCLXXX. praedicto loco actu moram trahentes: scriptum per Balthasar Lotwiger civem in Hallis. 1506. In vno cum hoc sanitatis regimine volumine continetur etiam Regimen sanitatis editum ad Innocentium Papam tertium in villa Parisiensi e)

11) Alius adhuc codex manuscriptus in bibliotheca Uffenbachiana extat f) hoc titulo: *Schola Salernitana de conservanda bona valetudine cum nonnullis additamentis et notis marginalibus. Descripsit J. C. Mycropsius. Adject. in fine Vicius et cultus ratio exposita quatuor in singulos menses versibus per Joachimum Camerarium.*

12) *Codex Colomesii.* Eum ipsi memorat in cime-
liis librariis g) simulque monet eum tantum ver-
suum non continere, quantum codex RENATI
MOREAU.

Editi regiminis sanitatis Salernitani libri in sex clas-
ses commode dividuntur. Prima classis continet li-
bros antiquos, cum commentariis ARNALDI VILLANO-
VANI in lucem emissos, in quibus nec carminis versus,
nec

e) pag. 119.

f) pag. 128.

g) pag. 107.)

nec ipsi commentarii novis accessionibus aucti sunt. Hos textum eum continere, quem Salernitanorum medicorum collegium ediderat approbaveratque, admodum, ut jam diximus, credibile est. Hique libri ad ea usque tempora, quibus JOANNIS CVRIONIS et JACOBI CRELLII opera et carminis versus aucti alioque dispositi ordine, et commentarii variis accessionibus locupletati sunt, omnes omni modo inter se, typographorum forsan erroribus exceptis, conveniunt atque versus CCLXIV. habent. Ilique aut seorsim prodierunt, aut cum ARNALDI reliquis operibus.

Praeter regiminis sanitatis Salernitani cum commentariis ARNALDI editiones, multae etiam antiquae editiones prostant, quae carmen Salernitanum absque commentariis continent. Eaeque aut quoad versusum numerum ordinemque ab his editionibus, quae cum ARNALDI enarrationibus prodire, differunt, aut cum iis perfecte conveniunt. Differentia vero ad annum usque MDXXXIX. quo prima editio per JOANNEM CVRIONEM et JACOBVM CRELLIVM aucta prodijt, vix valde magna est, et in omnibus, quos mihi videre licuit, libris, paucissimi tantum versus additi sunt.

Cum JOANNIS CVRIONIS et JACOBI CRELLII vero editionibus, quae numerosissimae prodire, alia incipit editionum series, in quibus versus longe numerosiores auctioresque commentarii continentur. Versus, quos adjecere, sine dubio ex codicibus manuscriptis desumserunt CVRIO et CRELLIVS, commentarios vero novos non addiderunt, sed auctis atque emendatis subinde ARNALDI commentariis, versus, quos

quos ipsi addiderunt, suis enarrationibus instruxerunt.

COSTANSONIVS nec versus novos, nec commentarios addidisse, verum recognitis carmine et commentariis, opus ipsum emendatius edidisse videtur.

Tandem RENATI MOREAU editio prodiit, prioribus omnibus longe auctior. Versus enim ex codice suo (quem non descripsit) non paucos addidit, propriosque animadversionum titulo, et satis copiosos commentarios. Editio vero ipsa vitiis plurimis laborat. Quae ARNALDO propria sunt, aliisque commentatoribus parum mutata sunt, sed secundum priores editiones iterum edita. Caeterum nimis spissum opus est multaque continet plane aliena a carmine, erroresque typographicos tam copiosos in Parisina editione ab anno MDCXXV. reperire licet, vt permulta loca nullum plane sensum praebeant. Neque hanc editionem alii editores repetierunt.

Editionum regiminis sanitatis Salernitani itaque classes hae constituendae sunt:

- I. Editiones cum commentariis ARNALDI quae usque ad annum MDXXXVIII. prodierunt.
- II. Editiones ad eundem usque annum, quae textum tantum, absque ARNALDI commentariis exhibent.
- III. Editiones studio JOANNIS CVRIONIS et JOCOBI CAELII ab anno inde MDXXXVIII. in lucem emissae.
- IV. Editio a RENATO MOREAU in lucem emissae.
- V. Recentiores editiones.

VI. Carminis versiones in linguas alias.

I.

Cum commentariis ARNALDI VILLANOVANI ad annum usque MDXXXVIII.

Sine anni mentione ad manus est editio antiquissima, cum commentariis *Arnaldi*, omnium forsan, quae prodire, prima. In initio haec leguntur: *Regimen sanitatis Salernitanum nec non et magistri Arnoldi de nova villa feliciter incipit.* Post Salernitanum carmen cum *Arnaldi* enarrationibus sequitur liber *de conservatione corporis, seu de regimine sanitatis, compositus per magistrum Arnaldum de villa nova.* In fine haec leguntur: *Explicit regimen sanitatis compositum seu ordinatum a magistro Arnaldo de villa nova Cathalono omnium medicorum viventium gemma. Impressum Louanii in domo magistri Johannis de Westfalia.* in 4to *) Continet plagularum fasciculos XVII, Gothicoque characterē, impressum est. Literae initiales, custodes et paginarum numeri desunt. Vid. etiam *Placidi Braun notitia historico-literar. de libris usque ad ann. 1479. impressis in bibl. monast. ad 5. Udalricum et Afram. Aug. Vind. 1789. part. II. pag. 22.*

Alia ad manus est editio in quarto, ante annum 1523, quem possessor adscripsit, impressa, hoc titulo: *Regimen sanitatis cum expositione magistri Arnaldi de villa nova Cathellano noviter impressus.* Tituli pars inferior figura ligno incisa ornata est. Carmini ipsi praefixa sunt verba plane eadem, quae infra, in enarratione editionis Argent. ab anno 1491. dabimus. In
fine

fine leguntur verba: *Impressum Venetiis per Bernardinum Venetum de Vitalibus.* 15. plag. *)

Regimen sanitatis Salernitanum nec non et magistri Arnoldi de nova villa feliciter incipit. In fine: *Explicit regimen sanitatis compositum seu ordinatum a magistro Arnoldo de villa nova omnium medicorum viventium gemma* in 4to fine loco et anno. *Bibl. Schwarz. P. II. p. 46.*

Regimen sanitatis. In fine: *Finit regimen sanitatis.* *Impressum lipczk per Conradum Kacheloffen,* in 4to 2 plag. Continet disticha aut ex regimine sanitatis Salernitano desumpta, aut propria auctori. Post singula disticha latina germanica versio sequitur. Primum incipit hoc versu: *Anglicorum regi conscripsit scola solennis, &c. Die Schul von Paris hat gesandt, &c.* vid. *G. W. Panzeri*, viri doctiss. librum: *Annalen der ältern deutschen Litteratur* Nürnberg. 1788. in 4to pag. 36.

1480. in 4to cum expositione. *Maittaire.*

1482. Lugduni, in 4to *Haller.*

1484. Pisae, in 4to. *Haller.*

1484. Parisiis, in 4to. *Haller.*

1490. Monspelii, in 4to. *Haller.*

1491. Venetiis, per Joannem de Forvilio in fol. *Schuster.*

1491. Argentorati, in 4to. In titulo leguntur: *Regimen sanitatis.* In sequente folio, ante carminis initia: *Incipit regimen sanitatis Salernitanum excellentissimum pro conservatione sanitatis totius humani generis perutilissimum, nec non a magistro*

*Arnaldo de villa nova cathelano omnium medicorum viventium gemma utiliter ac cum omnium antiquorum medicorum doctrina veraciter expositum. noviter correctum ac emendatum per egregios ac medicinae artis peritissimos doctores montis pessulani regentes anno MCCCCLXXX predicto loco actu moram trahentes. In fine haec leguntur: Tractatus qui de regimine sanitatis nuncupatur finit feliciter. Impressus Argen. Anno dni MCCCCXCI. In die sancti Thome cantuariens. *) Continet plagularum fasciculos decem.*

1493. Parisiis, in 4to, per Balligault. *Maittaire.*

1494. Coloniae, cum commentariis Arnaldi, in 4to. *Bibl. Richterian.*

1503. Argentorati, per Jo. Priis, in 4to. *Schuster.*

1505. Parisiis, cum Arnaldi commentariis, in 4to *Bibl. Königsdörfer.*

1507. Coloniae, in 4to. Titulus est: *Regimen sanitatis Salernitanum editum a magistro Arnaldo de villa nova cathalano omnium medicorum gemma.* Aversa tituli pagina in figura ligno incisa scholam, docentes nempe et discentes, exhibet. Eadem figura in fine libri repetita cernitur. Inscriptio carminis est: *Regimen sanitatis Salernitanum editum ad usum regis anglica magistro Arnaldo de nova villa omnium medicorum viventium gemma Feliciter incipit.* In fine legitur: *Explicit Regimen sanitatis Compositum seu ordinatum a magistro Arnaldo de villa Nova. Cathalano omnium medicorum viventium gemma. Impressum Colonie per Cornelium*

lium de zyryckzee, apud predicatoros. Anno millesimo quingentesimo septimo. Mensis Septembris. die prima. *)

1508. *Regimen sanitatis*. In fine: *Impressum Nuremberge p. Hieronymum Hölzel. Anno MDVIII. XII. die mensis Marcii, in 4to. 7 fol.* Continet LIX. disticha latina cum Germanica versione rhythmica. Disticha ipsa partim ex Salernitano sanitatis regimine desumpta, partim ab ignoto auctore composita sunt. In fine legitur Publii Virgilii Maronis de livore carmen. Vid. *Panzeri, V. Summe Rev. Annalen der deutschen Literatur* pag. 298. Repetita esse videtur editio, Lipsiae per Conradum Kacheloffen sine anno notato impressa.

1509. Brunsuici, in 4to, pag. 19. constans editio regiminis Salernitani prodit, quod, ut in studii Salernitani historia jam memoravimus, Parisini sibi vindicaverant. Titulus est: *Regimen sanitatis Anglorum Regi ex Parisiensi gymnasio missum*. Subscriptio finalis haec est: *Expressa sunt haec in florentissima urbe Brunsvigo, per Joannem Dorn, imposita suprema manu quinto Iduum Junii anno Christi 1509.* Exemplum versuum et Germanicae metaphraseos supra jam dedi. Alterum hic ex *Vincent. Placcii* theatro anonym. et pseudonym. script. 1015 α) apponere placet:

*Si vis incolumem, si vis te reddere sanum,
Curas linque graves, irasci crede profanum.*

*Wiltu hebben deines herten gesunth,
Wiltu stark sien und unverwunth,*

*Wes frölick, thorn lat vor by gan,
Grote sorge schaltu fahren lan.*

1514. Lugduni, per Gilbertum Villiers, in fol.
Schuster.

In operibus ARNALDI iidem commentarii cum ipso sanitatis regimine Salernitano leguntur. Et quidem anno

1504, si fides *Gesnero* est, opera Lugduni prodierunt, apud magistrum *Guil. Hugon*, in fol.

1505. in fol. min. alia operum editio prodiit, hoc titulo: *Hec sunt opera Arnaldi de villa nova nuperrime recognita ac emendata diligentique opere impressa quae in hoc volumine continentur.* Librorum deinde tituli omnes sequuntur, posteaque Petri Salii Vercellensis carmen ad lectores de laudibus Arnaldi de villa nova. In fine haec leguntur: *opus praeclarum magistri Arnaldi de villa nova impendio haerendum nobilis viri quondam Dni oclaviani Scoti, civis Modoetiensis summa cum diligentia Venetiis impressum anno MDV per Bonetum Locatellum presbyterum.* Editor est, ut praefatio docet, Thomas Murchius, Genuensis. Folia habet haec editio 355. *)

1509. eadem editio repetita est. Titulus cum ea ab anno 1505. perfecte conuenit. In fine haec leguntur: *Explicit opus magistri Arnaldi de villa nova Lugduni impressum a Fr. Fradin anno Dni 1509. die XX. mens. Decembris. 317. fol. in fol. min. *)*

1520, in fol. *Haller.*

1527. hoc titulo: *Opera Arnaldi de Villa nova medici acutissimi nuper recognita et emendata. Additis etiam quatuor tractatibus qui in antehac impressis deerant: et additionibus marginalibus. Ac tabula tam capitulorum quam materiarum singularissima. In fine: Arnaldi de villa nova summi tum philosophi tum etiam medici opus preclarum nuper diligenti cura et studio castigatum impensis haeredum quondam dni Octaviani Scoti civis Modoetiensis ac sociorum Venetiis impressum fuit. Anno 1527. die vero 12 mensis Februarii. 318. fol. in fol. maj. *)*

1532. in fol. *Haller.*

1585. cum Nicolai Titurelli medici et philosophi in quosdam libros annotationibus, indice item copiosissimo. *Basileae, ex officina Pernea, per Conradum Waldkirch. in fol. min. *)*

II.

Editiones ad annum usque MDXXXVIII, quae regimen sanitatis Salerni sine commentariis ARNALDI exhibent.

1511. in 4to. *Marfilius Ficinus de triplici vita: scilicet sana, longa et celitus. una cum textu seu regimine sanitatis Salerni. Folio 92. Salernitanum carmen incipit, hac cum inscriptione: Regimen sanitatis Salernitanum: nec non et magistri Arnoldi de nova villa feliciter incipit. In fine leguntur haec: Ex officina Johannis Schotti Argen. Sexta Martii Anno gratie MDXI. Arnaldi textum exhibet et 364. versus continet. *)*

1516. Lugduni, in 4to. Titulus est: *Regimen sanitatis Salerni per Jacobum Myt, expensis Bartholomaei Trot. Maittaire*, tom. II. p. 1. pag. 283.

1546. *Regimen sanitatis Angliae olim regi a schola Salernitana vel Parisina scriptum, a praestantissimis quibusque medicis approbatum, nunc germanicis rythmis illustratum et omnibus bonam corporis valetudinem tueri volentibus utile et necessarium. Vitebergae, apud Georgium Rhau, in 8vo. *)*

Arnaldum in textu sequutus est editor, qui tamen versus 360 tantum habet, adeoque quatuor, typographi forsan incuria, omisit. Praeter hos 360 versus in fine sequentes habet, quos, cum germanica versione, adjiciam:

*Qui fluxum pateris, si non caveas, morieris,
Concubitum, nimium potum, cum frigore motum.*

*Wer den durchlauf hat vn sich nicht enthelt,
Von frawen, vielen sauffen und von kelt,
Vnd seinen leib bewegt jnn eil,
Der wird gewis dem todt zutheil.*

III.

Editiones studio JOANNIS CVRIONIS et JACOBI CRELLII ab anno inde MDXXXVIII in lucem emissae.

1538. *Conservandae sanitatis praecepta saluberrima cum Arnaldi Villanovani exegeſi per Joannem Curionem locupletata, ut novum opus videri possit. Francofurti, in 12mo. Haller.*

1545. *De conservanda bona valetudine opusculum scholae Salernitanae ad Regem Angliae versibus conscriptum,*

tum, Cum Arnaldi Novicomensis, Medici et Philosophi celeberrimi brevissimis ac utilissimis enarrationibus. Et haec omnia a barbarie, et infinitis, quibus scatebant, mendis, tam accurate repurgata, ut jam quasi novam faciem induerint, citraque offensionem legi possint. Opera et studio Joannis Curionis et Jacobi Crellii. Francofurti, apud Christianum Egenolphum. in 8vo. Annus in fine notatus est. Folia habet, exceptis praefatione atque indice capitulorum 141, et figuris ligno incisus textuique interspersis ornata est. *)

Multa in textu et in Arnaldi enarrationibus mutaverunt editores, qui scholae Salernitanae praecepta conjunctim ediderunt, et non raro injuria: Versus addiderunt, v. g. cap. 56.

Ne male conveniens ingrediatur iter.

Et cap. 67.

Saepe solet tritam si nectis desuper herpam.

Capiti 72. hos versus addiderunt:

*Hujus flos sumptus in aqua frigescere cogit
Instinctus veneris cunctos acres stimulantés,
Et sic desiccat, ut nulla creatio fiat.*

Omiserunt e contra versus, quos Arnaldi editiones omnes habent:

Caseus, anguilla, nimis obsunt, si comedantur.

Et

Copia dulcoris anisi sit melioris.

1545 eadem editio repetita est in 12mo: *Maittaire*, tom. V. part. 2. pag. 222. *Haller*.

1545. Parisiis, in 12mo. *Cat. bibl. Grypesw.*

1549. Francofurti, cum Jo. Katschei placitis de regimine sanitatis ex *Hippocrate* et *Galeno* depromptis, in 12mo. *Haller.*

1551. (annus in fine legitur) Francofurti apud Christ. Egenolphum haec editio repetita est. Titulus cum titulo editionis ab anno 1545 convenit: notata tamen simul in eo haec sunt: *Accessere de electione meliorum simplicium ac specierum medicinalium Rhytmi M. Othonis Cremonensis, item S. Augustini Concio de vitanda ebrietate carmine reddita. Figuræ libro inspersæ sunt qui in octavo prodiit. Folia habet 147. *)*

1552. Lipsiæ in 8vo, addita versione Germanica, *Fabric. bibl. lat. Vol. III. c. 12. p. 884.*

1553. Francofurti, apud Egenolphum, in 8vo. *Bibl. Richter.*

1554. Francofurti, per Curionem et Crellium, in 8vo. *Bibl. Traj. Batav. pag. 113.*

1555 cum enarrat. Arnoldi et rhythmis Oth. Cremonensis et Phil. Melanchth. de moderatione cibi &c. et Polybi tract. de victu salubr. Parisiis, apud Juven. in 12. *Maittaire.*

1557 in 8vo, Francofurti, apud haeredes Egenolphi, (annus in fine memoratur) hoc titulo: *De conservanda bona valetudine opusculum scholæ Salernitanæ ad Regem Angliæ Germanis Rhythmis illustratum. Cum Arnoldi Novicomensis, medici et philosophi antiqui enarrationibus utilissimis novissime recognitis et auctis per Joannem Curionem. Item de*

de ratione victus salutaris post incisam venam epigramma Anastasii ad Armatum. Victus et cultus ratio exposita quatuor per singulos menses versibus per Joachimum Camerarium. De electione meliorum simplicium ac specierum medicinalium rhytmi venustissimi Othonis Cremonensis. De moderatione cibi et potus, item somni et vigiliarum Doctrinae saluberrimae D. Philippi Melanth. De victus salubris ratione privatorum, Polybii tractatus, Andernaco Interprete, *)

Figuras habet haec editio. Germanici versus cum versibus editionis Vitebergensis ab anno 1546 conveniunt. Versuum ordo, inprimis a capite 102, summopere turbatus est, sine dubio causa adjecti epigrammatis, quod in titulo memoratur.

1557. Francofurti, apud Egenolphi haeredes, per Jo. Curionem, in 16mo. *Conr. Gesner.*

1557. Antwerpiae, apud Joannem Withagium, sub insigni Falconis, in 12mo. *)

Est repetitio editionis Francofurtensis, ab anno 1557, versusque eodem modo translocatos reliquaque omnia continet.

1559. Francofurti, apud haeredes Chr. Egenolphi in 8vo. *)

Cum editione Francofurtensi ab anno 1557 penitus convenit, et foliis constat 279.

1562. Antwerpiae, apud Jo. Withagium, in 12mo *Manget.*

1568. Francofurti, apud haeredes Egenolphi in 8vo, cum figuris ligno incisus atque Vitebergensi versione Germanica repetita. Folia habet 280. *)

Accefferunt huic editioni, quae editionibus ab anno 1557 plane respodet, versusque eodem modo transpositos habet, praeter supra, in titulo editionis Francofurtensis ab anno 1557 memorata, n. 1. *Emissi sanguinis observatio, ex Jo. Fernellii de vacuandi ratione cap. 20*, et n. 3. *Dioclis epistola praeservativa. Jano Cornario, medico physico interprete.* Figuras habet ligno incisas et germanicam versionem.

1573. Francofurti, apud haeredes Christiani Egenolphi, in 8vo. fol. habet 280, exceptis praefat. atque indice. *)

Convenit penitus cum editione Francofurtensi ab anno 1568. cf. *Freytag* apparat. lit. Tom. II. pag. 941.

1577. Lugduni, apud Joannem Lertout. in 12mo. pag. 548. *)

Respondet ex omni parte editioni Francofurtensi ab anno 1568. Figurae ligno incisae, et germanica versio tamen desiderantur.

1580. Parisiis, apud Hieronymum de Marnef. 12.

1582. Francofurti, apud haeredes Christiani Egenolphi in 8vo, cum figuris ligno incisus et germanica versione. *)

Repetita est editio ab anno 1568. et folia habet 280.

1582. *Proverbialia dictoria ethicam et moralem doctrinam complectentia versibus veteribus rhythmicis, una cum Germanica interpretatione conscripta, per Andream Gartnerum, Francofurti, apud haered. Christ. Egenolphi in 8vo. **)

Quinta haec editio est. Continet excerpta ex regimine sanitatis Salerni, et foliis constat 127.

1587. Venetiis, in 8vo. Curionis est editio.
1591. Genevae, in 8vo. *Haller.*
1594. Francofurti, apud Egenolphi haeredes, in 8vo. *Schuster.*
1594. Coloniae, in 16mo. *Haller.*
1595. Coloniae, in 8vo. *Haller.*
1599. absque loco, in 12mo. *Haller.*
1605. Francofurti, in 12mo, per Jo. Curionem. *Bibl. Trilleri.*
1606. Coloniae, per Curionem, in fol.
1611. Francofurti, apud Joannem Saurium, per Joannem Curionem recognita et repurgata, in 8vo.
- Hoc etiam anno 1611 primum prodiiit RENATI MOREAV editio, quam non vidi.
- Ad manus vero est altera, quam mox describam.
1615. Romae, apud Andream Phacum, in folio patente.
1617. Roterodami, in 12mo.
1618. Venetiis, cum enarrationibus Arnaldi auctis per Jo. Curionem. in 12mo. *Bibl. Barberin.*

IV.

Editio RENATI MOREAU.

1625. *Schola Salernitana, hoc est de valetudine tuenda opus nova methodo instructum, infinitis versibus auctum, commentariis Villanovani, Curionis, Creltii et Costanconi illustratum. Adjectae sunt animadversiones novae et copiosae Renati Moreau, Doctoris medici Parisiensis. Cum indicibus quatuor capitulum, quaestionum, auctorum et rerum memorabilium. Parisiis, sumptibus Thomae Blasii. in 8vo. **)

Opus est, indicibus copiosissimis et dedicatione exceptis, 52 et 795 paginarum, adeoque hac tabe saltem non laborans. Judicium de eo nostrum supra candidetulimus. Boni, praefatione excepta, in qua quaedam de studii Salernitani historia proferuntur, et de leonino carminae, parum, mali plurimum continet. Textum ubique mutavit, absque ulla causa editor; versus, ut ipsi placuit, disposuit, ut novum ordinem carmine daret. Novos plurimos versus, a librariis profectos, non a Salernitano collegio, addidit. Enarrationes commentatorum, suis exceptis, quae animadversionum nomine distinctae sunt, ita edidit, ut nesciatur quae singulis propria sint. Tandem tam vitiose impressus liber est, ut textus vitia paginarum numerum longe superent.

Hoc vero mali haec editio habuit, ut editores post RENATI MAVRELLI tempora non pauci, quae ipse perpetraverat, sibi quoque licita fo-

re putarent. Editiones enim haecenus enarratae omnes aut cum antiquissimo ARNALDI textu conveniebant, aut ab eo non magnopere discrepabant. Nunc vero, hoc auctore praecedente, ab ARNALDI textu frequenter quidem, at vero non feliciter, discessum est. Editionem tamen MAVRELLI editorum nullus penitus sequutus est.

V.

Editiones recentiores.

1622. Monspeffuli, apud Franc. Chovet, in 12mo. Schuster.

1623. Herbipoli, forma patente. Haller.

1628. Francofurti, exc. Matth. Kempffer, impensis Vincentii Steynmeyeri, per Joannem Curionem recognita et repurgata. in 12mo. *)

1628. Francofurti, per Curionem, apud haeredes Egenolphi, in 12mo, Paginis constat. 478. *)

1628. *Hygieia, id est bonae valetudinis conservandae thesaurus locupletissimus.* — Coloniae Agrippinae, typis Petri a Bruchel. in 8vo min. *)

Scripta diaetetica XI continentur in hac collectione. *Valetudinis conservandae praecepta ex schola Salernitana cum commentariis seu exegeſi* alterum locum occupant. Editionem regimⁿi Salernitani ab anno 1568 editor repetiit iterum. Paginis constat 440.

1628. eadem collectio prodiit Luxemburgi, in 12mo. Günz.

1638. Genevae, ad Jo. Curionis editionem, in 12mo. *Haller.*
1641. Lovanii, in 8vo. Editore R. Bruytsma. *Haller.*
1642. Hamburgi, apud Joannem Gutwasser, cum versibus Germanicis in 4to. *Schuster.*
1647. Amstelodami, in 12mo.
1649. *Zach. Sylvii* editio prodit Hagae Comitum, in 12mo, cujus titulum infra sub anno 1683 dabitur.
1657. Roterodami, in 12mo.
1657. *Zach. Sylvii* editionem repetitam esse Hagae Comitum, in officina Arn. Leers docet *Merklinus* in Lind. renov. pag. 639.
1660. Aquisgrani, in 12mo. *Feuerlein.*
1667. *Zach. Sylvii* editio Roterodami recussa est, docente Schuster, in praef. ad scholam Salern. §. 6.
1672. Editionem *Renati Moreau* repetiit Billanus, bibliopola Parisinus, hoc titulo: *Schola Salernitana de valetudine tuenda opus nova methodo instructum, infinitis versibus auctum, commentariis Villanovani, Curionis, Crellii et Costansoni illustratum, caet. in 8vo.*
1673. *Schola Salernitana, id est: conservandae valetudinis praecepta, post plurimas impressiones cum et sine commentariis in variis locis. Nunc bono commodo omnium sanitati suae provide consulere volentium in libelli hujus formam redacta, una cum annexis ad finem observationibus quibusdam probatissimis. Permissu Superiorum. Typis Michaelis Thurnmayer,*

*mayer, sumptibus Georgi Lackner, in 12mo. 60. pag. *)*

Post saeculum, et quod excurrit, integrum, haec forsan prima editio est, quae illustrationis omnis expers prodiit. Sed ipse sibi textum fecit editor, et male quidem. Versus multos habet, quos antiquae *Arnaldi* editiones non habent, adeoque spurios: alios omisit, sine dubio genuinos. Exempla quaedam dabimus. Versus genuini medicorum Salernitanorum, quos antiquissimi libri cum *Arnaldi* commentariis habent, ipsi desunt:

Si tibi deficiant medici, medici tibi fiant

Haec tria: mens laeta, requies, moderata diaeta.

Alios vero versus habet, quos Salernitani non scripserunt, pag. 2.

De recreatione visus.

Fons, speculum, gramen, haec dant oculis relevamen,

Mane igitur montes, sub serum inquirito fontes.

Pag. 3. versum alias notissimum, non vero Salernitanum habet:

Post coenam stabis, tui passus mille meabis.

Presbyteros adeo immiscuit carmini pag. 5, haec inferens:

Regula presbyteri jubet hoc pro lege teneri:

Quod bona sint ova haec, candida, longa, nova

Si sumas ovum, molle sit atque novum.

Pluribus exemplis non opus est. Editionem caeterum ab anno 1568 editor sequutus esse vide-

videtur. *Observationes rusticae, eruditae etiam cognitu jucundae, profundioribus subinde rationibus fundatae, exceptae ex nucleo historico R. P. Gabrielis Bucellini, ordinis S. Benedicti theologi additae sunt.*

1683. *Schola Salernitana, sive de conservanda valetudine praecepta metrica. Autore Joanne de Mediolano haëtenus ignoti. Cum luculenta et succincta Arnoldi Villanovani in singula capita exegeſi. Ex recensione Zachariae Sylvii, medici Roterodamensis. Cum ejusdem praefatione. Nova editio, melior et aliquot medicis opusculis auctior. Cum indicibus duobus, altero capitum, altero rerum. Hagae-Comitum, ex officina Arnoldi Leers, in 12mo. 512 pag. *)*

Hæc editio omnibus, quae post annum 1545 prodierunt longe praeferenda et omnium fere optima est, non solum ob concinnam externam formam, verum etiam ob textus et enumerationum integritatem. In textu Sylvius editionem Francofurtensem sequutus est ab anno 1568, versibus tamen non paucis, et quidem ex *Renati Moreau* editione, ut videtur, additis, carmen enim, quale ipse dedit 390 versus habet. Enarrationes *Arnaldi* longe correctiores edidit: quae bona et laudabilia in *Ren. Moreau* editione erant, non neglexit et ad copiosiore interpretationem sua non raro addidit.

1711. Ratisbonae, ex Zach. Sylvii recensione, in 12mo. *Bibl. Richter.*

1712. Argentorati, in 8vo. *Bibl. Richter.*
1713. Argentorati, in 8vo. Est Zach. Sylvii editio iterum impressa. *Haller.*
1714. Lipsiae, in 12mo. *Schuster.*
1722. Ratisbonae, sumtibus Joannis Zach. Seidelii, ex rec. Zach. Sylvii, in 12mo.
1726. J. S. H. collectio scriptorum medico-diaeteticorum, Sanctorii, Franc. Baconis, Eobani Hessi, coena Bapt. Fierae, Scholae Salernitanae. Lipsiae, in 8vo. *Bibl. Richter.*
1750. Gottholdi Schusteri editio prodit, hoc titulo: *Schola Salernitana, oder Salernitanische Schule, die Gesundheit zu erhalten, In teutsche kurze Verse übersetzt; nebst noch einigen medicinischen Rathschlägen herausgegeben von D. G. S. Frankf. und Leipz. in 8vo. **)

In praefatione Salernitani studii historia ex Morelli et Sylvii praefationibus exponitur. Textum sequutus est editionis Francofurtensis ab anno 1568. Germanica versio vix optima est, et hoc modo incipit:

*König großer Potentate,
Deine Schule geht zu Rathe:
Wie man sich gesund und wohl
In Diät verhalten soll.*

Loca illustrantia ex aliis auctoribus copiose citata sunt. Addita sunt consilia medica de conservanda bona valetudine versibus Germanicis conscripta.

1753. Augustae Vindelicorum, in 8vo, secundum Zach. Sylvii editionem. *Haller.*

1763. *Schola Salernitana auctore Jo. de Mediolano medico apud Salernitanos quondam longe celeberrimo. Plurimis, quibus hactenus scatebat, mendis purgavit et diversitatem lectionis adjecit Jo. Adamus Schier. Athenis ad Elmum. Typis exscripsit P. Diet. Schnorrii vidua. in 8vo. 60 pag. *)*

Sequitus est editor editionem *Renati Moreau*, aliis tamen, quae non describit, etiam bonis exemplaribus usus est. Lectionis diversitatem, verum non valde multam, adjecit. Versus, qui ex *Aemilii Macri* carmine in Salernitanum sanitatis regimen translati sunt, diligenter notavit.

VI.

V e r s i o n e s.

a) *Germanicae.*

1474. Germanice apud Crewsnerum, in fol. *Schuster.*

1481. *Regimen sanitatis, oder Ordnung der Gesundheit.* Augustae Vindelicorum, in fol.

Hanc editionem, quae anno

1495, in 4to repetita est, titulo: *das Buch Regimen sanitatis genannt, getruckt von Hannsen Froschauer.* (bibl. Schwartzian. Part. II. p. 237.) regimen sanitatis Salerni continere, *Hallerus* putat.

1508. Lipsiae, in 4to. *Haller.*

1509. Brunschwyg, in 8vo. *Haller.*

1519. Argentorati, in 4to. *Conr. Gesner.*
 1532. Argentorati, in 4to. *Conr. Gesner.*
 1663. Ulmae, in Jo. Jac. Becheri Parnasso medico illustrato germanica Salernitani carminis versio prostat.

b) *Gallicae.*

1501. Parisiis in 4to. Gallice, cum commentariis Arnaldi, remedio adversus pestem, tractata de vrina et remedio adversus luem venereum. *Haller.*
 1561. Parisiis, vertente Geoffroy Tillier, in 8vo. *Haller.*
 1561. Parisiis, cum Arnaldi glossa gallice versa. in 4to. *Haller.*
 1637. Parisiis, in 8vo, cum Gallicis versiculis. *Haller.*
 1651. Parisiis, in 8vo, et
 1657. Gratianopoli, in 8vo.
 1660. Gallice Scholae Salernitanae praecepta prodierunt, Martino versionis auctore, Rhotomagi, apud *Antonium Ferrand*, in 8vo.

Renati Moreau editionem editor sequutus est. Versionem malam esse carminisque sensum non ubique exprimere, notatur in praefatione ad Gallicam versionem 1749 editam. *Guidoni Patino* versiculos gallicos, satis ridiculos tribui, *Hallerus* notat.

1669. Parisiis editio prodit cum Gallica versione, cum *Jacobi du Four de la Crespeliere.*

Textum pleniorē dedit, *Morelli* forsan. Versio simul commentarii loco inservit, mo-

nente auctore Gallicae versionis mox citatae pag. 7. Non plenam esse hanc editionem Hallerus notat.

1671. *Commentaire en vers sur l'Ecole de Salerne, contenant les moyens de se passer de médecin et de vivre long-tems en santé, avec une infinité des remedes, contre toutes sortes de maladies; avec un traité des humeurs et de la saignée, par Mr. D. F. C. (Jacobum du Four de la Crespeliere) Parisiis, apud Aegidium Alliot, in 8vo.*

Pleniorum esse priore Hallerus notat.

1743. *L'art de conserver sa santé composé par l'école de Salerne. * Traduction nouvelle en vers François, par Mr. B. L. M. a la Haye, chez Jean van Dürren in 8vo. 104 pag. *) Et*

1749. *L'art de conserver sa santé, composé par l'école de Salerne, avec la traduction en vers françois, par Mr. B. L. M. A Paris, chez le Prieur in 8vo. 37 et 77 pag. *)*

Praefatio quaedam ad historiam studii Salernitani continet, non vero alia, nisi quae Renatus Moreau, quem etiam in carmine edendo sequutus est editor, jam dixerat. Versionum Gallicarum historia non male enarratur.

c) *Anglicae.*

1530, et

1541. *Londini Anglice regimen sanitatis Salernitanum prodiit, vertente Thoma Paynell, in 4to. Haller.*

1607. *Londini, in 8vo. Bibl. Bodlejan. pag. 128.*

1624. Translated in to Englisch verse. Londini, in 8vo.

1634. Londini, in 4to, versionis auctore R. H. *Bibl. Bodlejan.* p. 128.

1667. Londini, in 8vo, Anglica versio repetita est, versionis auctore R. H. *Haller.*

d) *Italicæ.*

1549. Venetiis in 12mo titolo: *Opera utilissima di conservare la sanita.* *)

1566. Venetiis, in 4to Italice, studio Jo. Francisci Lombardi. *Haller.*

1587. Perugiæ, per Piergiacomum Petrucci impresum, titolo: *Scuola Salernitana. Del modo di conservar si in sanita, transportata di Latino in volgare Toscano (da Frà Serafino Razzi)* in 8vo. *Cat. della Libreria Capponi,* pag. 347.

1662. Venetiis, apud Brigoncium, titolo: *'Scuola Salernitana — tradotta dal verso Latino in terza rima: col trattato della vita sobria di Luigi Cornaro.* in 8vo. *Cat. della Libr. Cappon.* p. 347.

1712. Parmæ, in 8vo, Est repetitio editionis Fr. Lombardi.

1733. Venetiis, in 8vo, titolo: *La scuola Salernitana dilucidata: o sia lo scoprimento del vero e del falso, del utile e del inutile di questa stimatissima opera, per sapersi conservar sano, e prolungare la vita, spiegandosi tutto sul buon gusto moderno. Opera di Fulvio Gherli, Città dino Modonese ed al presente Proto - Medico dell' Altezza Sereniss.*

del Sig. Duca di Guastalla. In Venetia presso Giuseppe Corona. 523 pag. *)

Vniversum opus 523 paginarum ex dialogis constat. Historiam brevissimam Salernitani studii dialogus I. continet. Versus Salernitani Italico tantum sermone leguntur.

e) *Belgicae.*

1658. Amstelodami in 12mo, belgice, vertaelt door J. G.

f) *Bohemicae.*

1721. Pofonii regimen sanitatis Salernitanum prodit Bohemice et latine in 12mo. *Haller.*

Similis cum Salernitano sanitatis regimine argumenti librum, Hebraico sermone conscriptum et ex Salernitano regimine forsan compositum, quem ex *Wolfii* bibliotheca hebraica memorat *Fabricius* in bibl. lat. tom. III. Lib. IV. cap. 12. pag. 883, non vidi.

Anno 1566. *Joannes Franciscus Lombardus*, regimen sanitatis Salernitanum castigatius, expurgatis praesertim versibus rhythmicis edidit, et quidem in hoc opere: *Joannis Francisci Lombardi, Neapolitani, eorum, quae de balneis aliisque miraculis Puteolanis scripta sunt, synopsis, adjectis balneis Aenariarum, nec non locis obscurioribus scholiis. Insuper addita sunt in calce tria opuscula medica: Cl. Galeni libellus, quos, quibus et quando purgare oporteat. Hippocratis Coi jus jurandum. Scholae Salernitanae versus, eodem auctore. Prima editio ante annum 1566. prodisse videtur:*
denuo

denuo recognita ab auctore ea est, quae Venetiis, anno 1566, in 4to, impensis *Anelli Sanviti* prodiit. Eadem editio in *Italiae illustratae* opere, Francofurti, anno 1600, in folio, repetita legitur, quae emendatior auctiorque in quarta parte noni tomi *thesauri antiquitatum et historiarum Italiae* a *P. Burmanno* editi iterum occurrit.

Versus quosdam, ut exemplum quoddam huius operis lectores habeant, apponam. Primi carminis versus hi sunt:

*Anglorum Regi scribit schola tota Salerni,
Si cupis incolumem et sanam traducere vitam,
Curas tolle graves motus ferventis et irae,
Parce mero, sit coena brevis tibi, surge parumper
Post epulas, mediae somnumque propelle diei:
Comprime vesicae, pariter nec pondera ventris.
Haec si servabis, per saecula plurima vives.
Si desint medici, hos canones servare memento,
Praestantis medici poterunt qui munere fungi,
Mens sit laeta, quies, mediocris regula victus.
E lecto surgens abstergas lumina lymphis,
Huc illucque mees, cunctis moderamine rebus
Servato, extendasque parum tua membra, capillos
Pestito; mox dentes munda: namque ista cerebrum
Membra confortant, post balnea sumta calore
Membra fove: haud studeas post prandia: frigidus et si*

Fortē eris, haud subito, paulatim at fume calorem.

Vltimi carminis versus hi sunt:

Ver, autumnus, hyems, aestas sunt quatuor anni

*Tempora, quae vitae mensurant saecula nostrae:
Aer temperie pollst per tempora veris.
Conjugii ratione licet quandoque vocetur
Humectum ac calidum, doctio referente Galeno
Tempore quo utiliter confert incidere venam
Et Veneris coitu, mediocriter attamen, uti:
Balnea cum motu, sudorque, solutio ventris,
Pharmaco at aestivo sub caumate Sirius ardet.
Quum rapidus squaletque solum fervore caloris
Copia tunc bilis rufae est in corpore nostro,
Frigida sic opus est atque humida fercula dentur
Balnea pellantur, nullus sit Cypridos usus,
Munere sed proprio cessent genitalia fungi
Membra: incidatur rarer vena, quiesque
Vtilis est, parcus potus moderamine fiat.
Haec sunt, quae scripsit Regi schola dicta Salerni
Dogmata, quae totum lustrant per saecula mundum
Testentur studia antiqui ut permagna Salerni.*

III.

De versibus rhythmicis et carmine Leonina dissertatio.

Humani ingenii natura haec est, ut naturali quodam atque innato nobis studio ad ea feratur quae placent atque sensus grato quodam modo afficiunt, ut terfa minus tersis, comta incomitis praeferrat et pulchra quaerat: ut vero, quae pulchra sunt, quae comta, quae terfa, secundum saeculi morem communemque in his rebus gustum aestimet. Eoque modo omnia cum scientiarum tum artium genera plurimas vicissitudines experta sunt: minus placebant optime facta, ob saeculi morem, magis rudiora Minerva elaborata factaque, dum modo saeculi gustus ea probaret. In barbaris mediis praesertim aevi temporibus a prisco cultu descitum est, non quoniam ingenia hominibus deerant, verum ingeniis exempla.

Summum cultus gloriaeque fastigium poetica Graecorum et Romanorum attigerat. Temporibus vero non longe ab his remotis, quibus poetica ars Romanorum immortalia sua monumenta emiserat, sensim alius carminum conficiendorum modus invaluit, quo puritati versuique ipsi minor, numero vero,

rhythmum vocant, major cura impendi solebat. Idque poesos genus, priscis, vt videtur, non ignotum quidem, verum parum, saltim in profectione artis poeticae aetate vsitatum, jam saeculo IV. cultores quosdam habuit, sequentibus vero temporibus, ab octavo praesertim saeculo, magis invaluit, compositu quippe facilius et musicis concentibus accommodatius versuum scilicet similiter cadentium, concordantium, adsonantium atque consonantium, sive, vt eos generali hoc vocabulo complectar, rhythmicorum, qui generatim metrum, sive temporum atque pedum observationem non requirebant, verum sonorum concentum aliquem habebant atque aut ob consonantes assonantesve vniversos versus, aut ventres caudasve, harmoniam quandam audientibusque voluptatem creabant.

Idque ignobilius atque plebejū poeseos rhythmicae genus antiquioribus jam temporibus vsitatum agros colentibus atque inferioris culturae hominibus, quibus sese post labores suos peractos mutuo exhilarabant atque alternis versibus, quales ingenium mox suggererat, sese feriebant a), sequentibus temporibus,

a) Fescennina haec carmina, sive, vt interpretes volunt, iocularia, ab omnibus fere auctoribus ceu prima et antiquissima carminum rhythmicorum, qualia vulgus fundere solebat, non meditatorum, exempla adferuntur. Qualia fuerint quosque jocos fuderint *Horatius* II. Epist. I, vers. 139 et seq. copiose enarrat. cf. simul praeclaras adnotationes ad hunc locum, quas dedit *Wieland*, V. III. in Epistolis Horatii in vernaculam versis Part. II. pag. 104. Sed an rhythmica fuerint atque hoc vel illo modo adsonantibus versibus componi solita, incertum. Primas poeticam Romanam ab iis origines habuisse admodum credibile est. Ennius,

bus, cum meliorum carminum exempla rara essent, ad cultiores etiam homines transiit omnemque fere metricam poesin praefocavit. Sunt qui nobiliores etiam veteres poetas tales jam versus cum rhythmo composuisse putent, et quidem vario modo aut concordantes, aut consonantes. Sic notissimi versus TULLII sunt, a QVINCTILIANO b) memorati

*Cedant arma togae: concedant laurea linguae:
O fortunatam natam me consule Romam.*

OVIDII.

Quot coelum stellas, tot habet tua Roma puellas.

AVSONII.

Vel tria potanti, vel ter tria multiplicanti.

Versuum versibus concordantium atque consonantium exempla CICERO quaedam attulit. Sic in Tusculanis quaestionibus:

*Coelum mitescere, arbores frontescere,
Vites laetificae pampinis pubescere,
Rami baccarum ubertate incurvescere.*

Et ENNII, quos CICERO refert:

*Haec omnia vidi inflammari,
Priamo vi vitam evitari,
Jovis aram sanguine turpari.*

HORA-

nus autem, antiquissimus Romanorum poeta, cujus fragmenta nobis supersunt, versus fecit, quorum ultimae syllabae (voces ultimas fere libentius dixerim, ut exemplum mox enarrandum docet,) consonabant. Si vero Ennius exempla, quae coram habebat, carminum agrestium sequutus est, versus priscorum agricolarum rhythmum quandam habuisse vero non absimile est.

b) Quinctil. L. XI. cap. I.

HORATIVS adeo in arte poetica hos versus optime consonantes habet.

*Non satis est pulchra esse poemata: dulcia sunt,
Et quaecumque volent, animum auditoris agunt.*

Vt alia exempla ex optimis poetis omittam. His vero me non opponam, qui hos versus casu quodam poetis antiquis excidisse censent. Docere tamen puto ENNII versiculos, in incunabulis veteris latinae poeseos, uti in medio aevo ejusdem renascentis versus *ὁμοιοτελευτῆς* hos fuisse, quos aures voluptate maxima afficere eorum auctores putaverint.

Hos versus, Leoninos dictos, ob leonis caudae similitudinem, ut quidam satis inepte putarunt, LEO quidam invenisse fertur. Eum *Leonem* alii IV. fuisse putant, Romanorum ab anno DCCCXLVII. Pontificem c) alii vero *Leonem* poetam, quem AEGIDIUS PARISIENSIS in Carolino memorat coaevum suum, qui-que adeo ultimis saeculi XII. temporibus vixit. d) Verum parum firma haec sunt et nominibus tantum convenientibus versuum et hominum innituntur. Neque Leonini versus alii-que consonantes concordantesque saeculo demum IX. aut XII., sed temporibus his superioribus jam confici consueverunt.

Causa forsan, quae effecit, ut in carminibus latinis conficiendis viri docti in medio aevo florentes a
pris-

c) cf. Saxii onomast. literar. Tom. II. pag. 117.

d) cf. Du Cange glossar. med. et infim. latinitat. sub voce *versus Leonini*. Renat. Moreau Prolegom. in schol. Salernit. cap. 4. pag. 26.

prisca metri feveritate desciscerent, non versum obser-
vantes, sed rhythmum quaerentes atque in vltimis
aut mediis versuum syllabis harmoniam quandam at-
que concordantes sonos, non vna esse videtur. In
Italia, quod et MYRATORIVS e) annuit, hoc poeseos
genus primum invaluit. Si vero carmina similes rhyth-
mos habentia inferioris fortis homines Romani rusti-
cique HORATII temporibus ex antiqua consuetudine
fecerunt, et Fescennini HORATII versus non fuerunt
amoeboei, nostris adhuc temporibus inter rucolas
Graecos Italosque vsitati, facile haec consuetudo agri-
colarum ad sequentia tempora transire clericisque pri-
mis in hoc carminis genere versificatoribus, qui
consuetudinem crebram cum hujus fortis hominibus
habebant, communicari potuit.

Ipsi etiam musici concentus instrumentalisque
musices cum vocali connubium temporibus antiquis-
simis in aedibus christianorum divino cultui consecra-
tis introductum, non parum ad rhythmos atque
consonantes, adeoque musicis modulationibus magis
idoneos versus contulisse videtur. Quanti haec musi-
cae sacrae pars, quae in cantandi artificio consistebat,
his temporibus fuerit aestimata, ex testimoniis jam
intelligitur, quae supra adduximus. Qui in hac ex-
cellebant, ob hanc artem magis, quam ob reliquas
scientias, laudabantur, neque si sciens aliquis rerum va-
riarum memoratur, cantandi et psallendi pericia omitti-
tur.

e) Dissert. de rhythmica veterum poesi et origine Italicae poe-
seos in tomo III. dissert. ad antiq. Ital. medi aevi, diss.
XL. pag. 664. seqq.

tur. Sic ALPHANVS, Salernitanus archiepiscopus, non solum ob scientiam suam medicam aliasque, verum etiam ob miram cantandi peritiam suam celeberrimus erat. Cantuum magistri jam CAROLI MAGNI temporibus extabant ipsique principes viri peritos in hac arte magni aestimabant. CAROLO MAGNO, petenti mitterebantur, ECKARDO ST. GALLENSI narrante, PETRVS et ROMANVS, vtrique Itali, cantuum et septem liberalium artium magistri f), vocabanturque adeo, qui versus facere et canere possent, in Galliam, vt scientias restaurarent g). Musices adeo scientia septem artibus liberalioribus adscribebatur, eaque musica non ea tantum erat, quae ex instrumentis sonos varie concordantes atque aurem grate afficientes elicere docebat, sed ea etiam, quam vocalem vocant, cantandi atque psallendi peritia. Hymni vero sacri, vt et instrumentali musicae melius responderent et harmonia quaedam gratusque soni, quem instrumenta vocesque hominum emittebant, concentus nasceretur, simulque clericorum memoria non nimium fatigaretur, sensim in rhythmorum modum confici coeperunt. Antiquissimis hujus generis rhythmis psalmus adscribendus est contra partem Donati, quem S. AVGVSTINVS circa annum CCCXCIII elaboravit, in quo, vt ab imperitis et idiotis cantari posset, et rhythmus erat, et singulis rhythmis litera sua initialis eo ordine, quo in alphabeto prostant. De hoc psalmo ipse AV-

GVSTI-

f) Ex Tiraboschio haec retulit Jagemannus Vol. III. part. I. pag. 13.

g) Jagemann. Vol. III. P. I. pag. 54. 55.

AVSTINVS scribit: *Psalmum, qui ab imperitis et idiotis cantaretur, per latinas literas feci. Tales autem A. b. c. darios vocant.*

In hac sane sententia, versus scilicet Leoninos rhythmosque in latino carmine ob sacram musicam primum esse introductos, quod permaneamus, multa nos eaque gravissima argumenta movent: monachorum cantandi atque psallendi studium, hominum ingenia parum culta, quibus semper magis placent, quae aures afficiunt, quam quae ingenii labores requirunt, meliorum exemplorum defectus, vulgi etiam ad tales versus et faciendos, et discendos, et in memoria retinendos propensio. Quodsi vero haec non penitus placuerit, multa sunt eaque gravissima argumenta, quibus evincitur, ad haecenus enarratas rhythmicae poseos causas alias etiam, easque valentissimas; plurimum contulisse.

In Europae non vna parte, imprimis vero in Italia per aliquot saecula Saraceni sedem habuerunt, iique secum artes suas literasque in has terras, quibus erant potiti, attulerunt et doctrinae suae fama alios quoque, ut in scholis suis literas discerent, permoverunt. Si vero negari etiam non potest, Italos versus rhythmicos ante Saracenorum incursum habuisse, tamen num casu poetis exciderint, aut studio fuerint confecti, incertum est: rhythmici saltim versus, qui puriorem rhythmum et probe consonantem habent, ante octavum nonnumve saeculum vix confecti esse videntur: temporibus vero, quibus Saraceni Italiae partes multas tenebant, et mox post ea copiosiora et cum puriore et magis bario rhythmum carmina confici coepe-

coeperunt. MVRATORIUS sane, vir doctissimus et in antiquitatum Italicarum scientia nulli secundus, data opera plurima probare studens Leoninos versus LEONE Gallo, saeculi XII. poeta, antiquiores esse, antiqua quidem eorum vestigia, attamen inprimis ante saeculum IX. valde incerta reperit. Epitaphia enim, hominibus his temporibus fato functis posita his versibus, quae fere vnica rhythmicorum et Leoninorum versuum ex his temporibus monumenta sunt, a recentioribus quoque versificatoribus confici potuere. Si vero, quod indubium est, hoc rhythmicorum carminum genus jam notum erat temporibus, quibus Arabes sedem in Italia figebant, non vero pervulgatum, neque praeter rudiora et minus composita rhythmorum genera Itali alia callebant, rhythmos forsan conficiendi artificium et plurima incrementa per Arabes cepit et per eos magis vulgatum est. Apud Arabes enim rhythmica carmina antiquissimae originis sunt. Alcoranum enim non solum MOHAMMEDES in rhythmicorum versuum peculiari genere conscripsit, quo singuli versus syllaba ex iisdem literis composita terminantur h), hoc modo, vt si vnus isque primus versus cum syllaba: *una* vel *ina* clauditur, omnes reliqui eodem modo terminentur i), verum etiam longe

h) conf. inprimis suram XV.

i) Similia carmina medium aevum habuit. Ex *Floreto* versus sequentes excerptit *Renatus Moreau* proleg. in schol. *Salerna*, pag. 34.

*Qui peccat nimis praesumens de pietate,
Vel qui desperat de divina bonitate,
Aut induratus non cessat ab impietate,
Et qui fratris odit virtutes improbitate, caet.*

ge antiquiora carmina Arabica prostant, in quibus rhythmum strictum observati sunt et varietatem multam modosque non paucos habent, qui cum latinorum, et qui inde forsitan nati sunt Germanorum aliarumque linguarum rhythmis artificiosioribus penitus conveniunt. Sic apud SCHVLTENSIVM k) admodum antiqua carmina occurrunt, quae rhythmum habent primumque quod in SCHVLTENSII collectione locum occupat, carmen, et JORMIDORI principi adscribitur, qui SALOMONIS temporibus vixisse fertur l), rhythmos habet.

Non vnum est, quod adduxi, rhythmorum genus, quo Arabes vsi sunt: multa habuerunt, quae cum latinorum rhythmis, quos Germani aemulati sunt, optime conveniunt adeoque conjecturam de rhythmorum artificio per Arabes aucto confirmant. Syllabis enim in literas easdem terminantibus non semper versus terminaverunt, ut MOHAMMEDES in Corano fecerat, sed in aliis carminibus m) versus quidem rhythmum unico et cadente similiter, verum syllabis diversis, clausurunt, ita ut syllaba e. g. *ha* consonet in sequentibus versibus syllabis: *da*, *ga*. Non raro, quod etiam Latini interdum fecerunt, carmini *αβγδμν* versus rhythmicos interposuerunt et quidem cum ordine quodam. Consonant subinde primi tertiique carminis versus, altero quartoque minime consonantibus.

Aliud

k) monumenta vetustioris Arabiae, pag. 13 et seq.

l) monum. vetust. Arab. p. 1, 2.

m) cf. *Hamasfa* Carm. 20.

Aliud rhythmī artificium Arabes adhuc habere, quo voces, quae iisdem vocalibus aut consonantibus literis terminantur, per vniuersum carmen perducebant. Carmen lamdale TOGRAI, a ПОЧОКІО editum saeculoque XII. compositum, rhythmum habet, quo primus tertiusque versus semper cum Syllaba: *li* clauditur, e. g.

chatuli — chelali.

atali — dschadfali.

taphali — dsoboli.

dschamali — adfali.

Hic vero consonantium vocum vsus in fine versuum, creber apud Arabes atque varius, multos eosque gravissimos viros n) eo induxit, vt rhythmicam vniuersam et Latinorum et occidentalium gentium aliarum poesin ab Arabibus repeterent putarentque consonantium in versuum sine vocum vsu imitatione Arabum poetarum in alias linguas omnes transiisse, Normannos ab Arabibus hunc vsu primum accepisse, qui deinde ad alias gentes decesserit. Sed haec sententia difficultatum non expers est. Ut non memorem Hispaniam, in qua saeculo jam ineunte VIII. sedem sibi fecerant, Saraceni, quae tamen rhythmos serius accepisse videtur, quam Italia, in quam eadem gens post elapsum integrum saeculum venit, antiquiora et certe non ab Arabibus profecta exempla rhythmicae poese-

n) *Huetius* de orig. fabul. Romanens. *Muratorii* diss. de rhythmica veterum poesi et Italicae poeseos origine in diss. ad antiq. Ital. medii aevi XL. Tom. III. pag. 706, C.

poeseos latinum carmen exhibuit, vt adeo concedam quidem, rhythmorum artificium atque compositionem Arabicorum carminum exemplo admodum esse multiplicatam, per haec vero carmina primum esse introductam non putem. Nec aliae linguae ex latina natae rhythmum nisi per latinam ipsam accepisse videntur. Theodisca vero et septentrionalium gentium aliae linguae, quae antiquissimos suos poetas habuerunt, vix alia carmina habere potuerunt, quam consonantia, adeoque rhythmica: metrum sane maiores nostros in barbarie sua observasse nullo modo credibile est, rhythmum vero quaesivisse vtique credibile. o) Septentrionales verogentes aliae antiquissimos suos poetas Scaldos habebant, quos consonantes in fine versus fecisse pariter vero non absimile est.

Variae itaque causae effecisse videntur, vt antiquorum metro neglecto rhythmizandi, quam vocabant, ars in medio aevo coleretur carmenque eo praestantius esse putaretur, quo magis versus versui aut consonaret, aut concordaret. Hos versus generatim rhythmicos vocabant, Leoninos vero, in quibus aut venter versus caudae adsonaret, aut caudae, subinde etiam ventres, duorum aut plurium versuum consonarent, aut denique syllabae versuum aut omnes, aut saltim plurimae, eaeque maxime in aurem cadentes consonarent. Ex his generibus multa alia *ανωμαλα* nata

o) cf. praeclarum librum *Hummelii*, scholarum Altorfinarum Rectoris meritissimi, viri doctissimi mihiq̃ amicissimi *Compendium der deutschen Alterthümer*. Nürnberg, 1788. cap. VII, §. 12. p. 111.

nata sunt. Primum alterumque genus, in quo primus scriptor THEODVLVS presbyter fuisse fertur p), qui anno CCCCLXXX vixisse a quibusdam dicitur, ab aliis vero saeculo X q), id est, in quo regimen sanitatis scholae Salernitanae conscriptum est. Ad primum genus hi versus pertinent.

Temporibus veris modicum prandere iuberis.

Salvia cum ruta faciunt tibi pocula tuta.

Ad alterum tertiumque, quod vero rarius in regimine sanitatis Salernitano occurrit, et quidem ad alterum:

Si vis incolumem, si vis te reddere sanum,

Curas tolle graves, irasci crede profanum,

Parce mero, coenato parum, non sit tibi vanum

Surgere post epulas, somnum fuge meridianum, caet.

Ad tertium:

Lac nutritivum plus omnibus est asininum,

Plus nutritivum vaccinum sic et ovinum.

Et his quidem versuum Leoninorum generibus regimen sanitatis scholae Salernitanae conscriptum est. Non quidem omnes in Salernitano carmine versus Leonini sunt, interspersi quoque sunt hexametri ἀρσμοι, interdum pentametri, raro alii nulli certo metro adstricti, sueto his temporibus more: prostant enim exempla etiam non pauca, qualia quaedam in AEGIDI CORBOLIENSIS carmine supra memoravimus, versuum

p) Ren. Moreau in prolog. ad schol. Salern. cap. 4. p. 28.

q) Et quidem magis vere cf. Leyseri historia poetarum et poematum medii aevi pag. 293.

suum Leoninorum carmini hexametrico insper-
forum.

Κοιλιαπτωτοι versus hexametrici Leonini utplu-
rimum erant, exemplo eorum, quos regimen fanita-
tis Salernitanum copiosissimos habet. Sic, ut alia
quaedam exempla adferam ROGERII Siciliae comitis
epitaphium hoc est:

*Linquens terrenas, migravit Dux ad amoenas
Rogerius sedes, nam coeli detinet aedes.*

Subinde, etsi rarius, pentametri Leonini versibus iis-
dem hexametricis additi reperiuntur. Quaedam hujus
generis exempla regimen sanitatis Salernitanum habet.
In brephotrophio Mediolanensi, a DATHEO Archipref-
bytero anno DCCLXXXVII. fundato, haec legun-
tur r):

*Sancte memento Deus, quia condidit iste Datheus
Hanc aulam miseris auxilio pueris.*

Ventres et caudae in versibus consonant, qui in epi-
taphio ALBERTI, Abbatis Miciacensis, leguntur, qui
anno MXXXVI. fato functus est s).

*Hic jacet Albertus quondam regalia spernens,
Prudens atque pius, tantum coelestia cernens:
Mundi divitias cum regali ditione
Gemetica primas sprexit pro religione.*

Et in rhythmo super salutatione Angelica, quem con-
fecit circa annum MLV PETRVS DAMIANI, Ostiensis

K 3

epif-

r) Murator. diff. XL. Tom. III. pag. 699.

s) ibid. pag. 700.

episcopus, in quo versus Leonini, et quidem, ut MVRATORIVS. vult, perfecti, hi occurrunt t).

*Ave David filia, sancta mundo nata,
Virgo prudens, sobria, Joseph desponsata,
Ad salutem omnium in exemplum data,
Supernorum civium consors jam probata,
Maria, miseria per te terminatur,
Et misericordia per te revocatur.*

Carminē 64. ad eandem Mariam virginem ita canit:

*O miseratrix, o dominatrix, praecipe dictu,
Ne devastemur, ne lapidemur, grandinis ictu.*

Cum his conveniunt rhythmī PETRI Abbatis Cluniacensis quos MVRATORIVS dedit u), de resurrectione Domini:

*Lumen clarum
Tenebrarum
Sedibus resplenduit,
Dum salvare,
Recreate,
Quod creavit, voluit:
Hinc creator,
Ne peccator
Moreretur, moritur.
Cujus morte.
Nova sorte
Nita nobis oritur.*

Ad idem plane genus pertinet hymnus HARTMANNI, monachi San- Gallensis, qui anno DCCCLXX floruit:

*Tribus signis
Deo dignis
Dies ista colitur.*

Tria

t) Murat. diss. XL. tom. III. p. 700. u) ibid. pag. 700.

*Tria signa**Laude digna**Coetus hic persequitur.**Stella magos**Duxit vagos**Ad praesepe Domini, caet.*

Hos Leoninos versus metrum nullum habere, verum egregie consonare, adeoque ad sacros cantus admodum aptos fuisse nemo non intelligit. Multi etiam cantus sacri quos LVTHERVS germanicos ex latino fecit, eundem in vernacula modum (melodiam vocant) retinuerunt, cantusque modulationes sacras, quibus nos utimur, a Leoninis istis latinis carminibus ortum duxisse vero non absimile est. Hymnus sane HARTMANNI alius, cujus versiculos aliquot legere hic non pigebit, in vernacula cum latinis versibus optime consonat:

*Cum natus esset Dominus,**Turbatur rex incredulus,**Magi tulerunt munera,**Quos stella duxit praeuia.*

Versiculi etiam memoriales, ut facile in memoria retineri possent, multi rhythmici compositi sunt. S. Bernardo hi versiculi adscribuntur:

*Dum me mori est necesse,**Noli mihi tunc deesse:**In tremenda mortis hora**Veni, Jesu, absque mora.*

Hujusque generis alios rhythmos olim ipse legi in antiquo sacello, quod non longe ab ecclesia montana

Schleitzenfi, quae Xmo saeculo post Christum condita dicitur, distat:

Aspice mortalis, pro te datur hostia talis.

Quando sedes, stas et jaces,

Quando loqueris et taces,

Fessus cum quieveris,

Christum geras, in quem speras,

Crucifixum corde geras,

Ubicunque fueris.

Alium rhythmum LANDVLPVVS SENIOR, historicus Mediolanensis, protulit, in fine libri primi Mediolanensis historiae, a MVRATORIO x) primum editae, ejus strophae priores duae ita sonant:

Jesu Christe, splendor patris, via, veritas et vita,

Omnium redemptor pie cunctorum aequitas:

Universos, qui te quaerunt, tua replet charitas.

Deus pater, Verbum patris, Spiritus paraclitus,

Tres personae, vnus Deus, semper individuus,

Cuncta regens, et coercens, sedens ut altissimus.

Epitaphium PACIFICO, Archidiacono Veronensi, viro doctissimo positum, qui anno DCCCXLVI vivere desiit, eosdem rhythmos habet y):

Quidquid auro, vel argento, et metallis caeteris,

Quidquid lignis ex diversis et marmore candido,

Nullus unquam sic peritus in tantis operibus:

Bis centenos terque senos codicesque fecerat.

Horologium nocturnum nullus ante viderat.

En

x) Script. rer. Ital. tom. IV. pag. 68.

y) Ex Tiraboschio hoc dedit Jagemannus, V. Cl. Vol. III. part. I. pag. 82. 83.

En invenit argumentum et primus fundaverat.

Glossam veteris et novi testamenti posuit.

Horologioque carmen sphaerae coeli optimum.

Plura alia graphiaque prudens inveniet.

Haec de hoc rhythmici genere sufficiant. In aliis quoque versibus plures partes sibi consonant, v. g. in disticho isto vulgari:

O Walachi, vestri stomachi sunt amphora Bacchi,

Vos estis, Deus est testis, teterrima pestis.

Eodem fere modo consonant versus, quos in Cumlbitzensi quondam monasterio legit RENATUS MOREAU²⁾, ad imaginem Christi in cruce pendentis:

Aeneus hic coluber, cruce luguber, ipse saluber,

Atque cruore ruber, vitae faber, omnibus uber,

Omne fugans tuber et vitae vexile suber,

Hunc puer, hunc puber nunc fugat canus et uber

Ad summe concordantes atque consonantes hi versus pertinent:

Et canis in sylvis venatur et omnia lustrat.

Et lupus in sylvis nutritur et omnia vastat.

Et in his omnes fere syllabae consonant:

Quos|anguis|dirus|tristi|mulcedine|pavit,

Hos|sanguis|mirus|Christi|dulcedine|lavit.

Quaedam alia adhuc rhythmorum genera adducam et per exempla illustrabo. Versus inter se et cum caudis alternatim consonantes THEODVLVS, quem supra nominavi, in libro: *de contemptu mundi* hos habet:

Pauper amabilis et venerabilis est benedictus:

Dives inutilis, insatiabilis est maledictus.

K 5

Qui

²⁾ Proleg. in schol. Salern. cap. V. p. 35.

Qui bona negligit et mala diligit, intrat abyssum,
 Nulla pecunia, nulla potentia liberat ipsum:
 Irremeabilis, insatiabilis illa vorago,
 Hic ubi mergitur, horrida cernitur omnis imago.
 Haec cruciamina per sua crimina promeruere.
 Vir miserabilis. Evaque flebilis haec subiere.
 Jussa Dei pia, jussa salubria si tenuissent,
 Vir neque foemina, nec sua semina, morte perissent
 Sed quia spernere jussaque solvere non timuere,
 Mors gravis irruit, hoc merito fuit et periere. rel.

Concordantes versus vocat RENATVS MOREAU, qui voces habent vel rhythmos communes duobus versibus aut pluribus. Hujusmodi ex eodem THEODVLO hi sunt:

In re terrena { nihil aliud est nisi poe-
 labor eminet atque cate- } na, rel.
 { nec lex, nec juris habe- }

Sive satis vulgati isti:

Dum manducatis, { vultus hilares habe-
 sal cultello capi-
 quid edendum sit ne pet-
 non depositum capi-
 rixas, murmur fugi-
 membra recte sede-
 mappam mundam tene-
 ne scalpatis, cave-
 nullis partem tribu-
 morsus non rejici-
 modicum, sed crebro bib-
 grates Christo refer- } atis.

REGIMEN SANITATIS SALERNI.

De remediis generalibus. Caput I.

Anglorum regi scripsit tota schola Salerni:
Si vis incolumem, si vis te reddere sanum,
Curas tolle graves: irasci crede profanum,
Parce mero, coenato parum: non sit tibi vanum
Surgere post epulas: somnum fuge meridianum: 5
Non mictum retine, nec comprime fortiter
anum.

Haec bene si serves, tu longo tempore vives.

Si tibi deficient medici, medici tibi fiant
Haec tria: mens laeta, requies, moderata diaeta.

De confortatione cerebri. Caput II.

Lumina mane manus surgens gelida lavet aqua. 10

Hac illac modicum pergat, modicum sua mem-
bra

Extendat, crines pectat, dentes fricet, ista
Confortant cerebrum, confortant caetera mem-
bra.

Lote cale, ista paste, vel i, frigesce minute.

De

14. *Minute* alii interpretati sunt: vbi vena secta tibi fuerit, Curio, Sylvius. Ego omnem evacuationem subintellexisse carminis auctores puto. Alii adverbialiter vocem: *minute* sumendam putant.

De somno meridiano. Caput III.

- 15 Sit brevis, aut nullus, tibi somnus meridianus.
 Febris, pigrities, capitis dolor atque catarrhus
 Haec tibi proveniunt ex somno meridiano.

De flatu in ventre incluso. Caput IV.

Quatuor ex vento veniunt in ventre retento:
 Spasmus, hydrops, colica, vertigo: quatuor ista.

De coena. Caput V.

- 20 Ex magna coena stomacho fit maxima poena.
 Ut sis nocte levis, fit tibi coena brevis.

De dispositione ante cibi sumtionem. Cap. VI.

Tu nunquam comedas, stomachum nisi noveris
 esse

Purgatum, vacuumque cibo, quem sumferis ante.
 Ex desiderio poteris cognoscere certo:

- 25 Haec tua sunt signa, subtilis in ore diaeta.

De cibis melancholicis vitandis. Caput VII.

Perfica, poma, pyra, lac, caseus et caro falsa,
 Et caro cervina, leporina, caprina, bovina,
 Haec melancholica sunt infirmis inimica.

De cibis bene nutrientibus. Caput VIII.

- Ova recentia, vina rubentia, pingua jura,
 30 Cum similia pura naturae sunt valitura.

De

25. *Subtilis diaeta*, parva cibi exhibitio. Alii libri *saliva*
 legunt, et non male. Teutonica versio antiquior
 hanc lectionem sequuta est:

*Das wirst du merken selbst an dir,
 Aus dünner speichel und essens begir.*

De cibus bene nutrientibus et impinguantibus.

Caput IX.

Nutrit et impinguat triticum, lac, caseus infans,
Testiculi, porcina caro, cerebella, medullae,
Dulcia vina, cibus gustu jucundior, ova
Sorbilia, maturae ficus uvaeque recentes.

De boni vini proprietatibus. Caput X.

Vina probantur odore, sapore, nitore, colore: 35
Si bona vina cupis, haec quinque probantur in
illis:

Fortia, formosa, fragrantia, frigida, frigida.

De vino dulci et albo. Caput XI.

Sunt nutritiva plus dulcia candida vina.

De vino rubro. Caput XII.

Si vinum rubeum nimium quandoque bibatur,
Venter stipatur, vox limpida turbificatur. 40

Contra venenum. Caput XIII.

Allia, nux, ruta, pyra, raphanus et theriaca,
Haec sunt antidotum contra mortale venenum.

De aere. Caput XIV.

Aer fit mundus, habitabilis ac luminosus,
Nec fit infectus, nec olens foetore cloacae.

De

31. *Caseus infans*, recens, non vetustus.

36. *Haec quinque*. Placet magis lectio: *haec quinque F.*
ob sequentia. Eam tamen quoniam antiquae editio-
nes non habent, in textum non recepi.

37. *Frigida*, quae effusa sonitum edunt aerisque bullulas
plurimas ad superficiem emittunt. *Salientia* versu 50
vocantur.

De nimia potatione vini. Caput XV.

- 45 Si tibi ferotina noceat potatio; vina
Hora matutina rebibas, et erit medicina.

De meliore vino. Caput XVI.

- Gignit et humores melius vinum meliores:
Si fuerit nigrum, corpus reddit tibi pigrum.
Vinum sit clarum, vetus, subtile, maturum,
50 Ac bene lymphatum, saliens, moderamine sum-
tum.

De cerevisia. Caput XVII.

Non fit acetosa cerevisia, sed bene clara,
De validis cocta granis, satis ac veterata.

De usu cerevisiae. Caput XVIII.

De qua potetur, stomachus non inde gravetur.

De temporibus anni. Caput XIX.

- Temporibus veris modicum prandere juberis;
55 Sed calor aestatis dapibus nocet immoderatis.
Autumni fructus caveas ne sint tibi luctus.
De mensa fume, quantum vis, tempore brumae.

De potu pravo corrigendo. Caput XX.

Salvia cum ruta faciunt tibi pocula tuta,
Adde rosae florem, minuit potenter amorem.

De nausea marina. Caput XXI.

- 60 Nausea non poterit quemquam vexare marina,
Antea cum vino mixtam si sumserit illam.

De

61. *illam*, aquam marinam. Undam alii legere malunt.

De generali condimento. Caput XXII.

Salvia, sal, vinum, piper, allia, petroselinum,
Ex his fit falsa, nisi fit commixtio falsa.

De lotione manuum. Caput XXIII.

Si fore vis sanus, ablue saepe manus.
Lotio post mensam tibi confert munera bina, 65
Mundificat palmas et lumina reddit acuta.

De pane. Caput XXIV.

Panis non calidus nec sit nimis inveteratus,
Sed fermentatus, oculatus sit, bene coctus,
Modice salitus: frugibus validis sit electus.
Non comedas crustam, choleram quia gignit
adustam. 70

Panis falsatus, fermentatus, bene coctus,
Purus sit sanus, quia non ita sit tibi vanus.

De carnibus porcinis. Caput XXV.

Est caro porcina sine vino peior ovina:
Si tribuas vina, tunc est cibus et medicina.
Ilia porcorum bona sunt, mala sunt reliquorum. 75

De musto. Caput XXVI.

Impedit vrinam mustum, solvit cito ventrem
Hepatis emphraxin, splenis generat, lapidemque.

De potu aquae. Caput XXVII.

Potus aquae sumtus fit edenti valde nocivus,
Infrigidat stomachum, cibum nititur fore cru-
dum.

De carnibus vituli. Caput XXVIII.

Sunt nutritivae multum carnes vitulinae. 80

De avibus esui aptis. Caput XXIX.

Sunt bona gallina, capo, turtur, sturna, columba,
 Quiscula, vel merula, phasianus ortygometa,
 Perdix, frigellus, orex, tremulus, amarellus.

De piscibus. Caput XXX.

Si pisces molles sunt magno corpore, tolles:

85 Si pisces duri, parvi sunt plus valituri.

Lucius et perca, saxaulis et albica, tinca,
 Gornus, plagitia, cum carpa, galbio, truta.

De anguilla. Caput XXXI.

90 Vocibus anguillae pravae sunt, si comedantur,

Qui physicam non ignorant, haec testificantur.

Caseus, anguilla nimis obsunt, si comedantur,

Ni tu saepe bibas et rebibendo bibas.

De cibi et potus alternatione. Caput XXXII.

Inter prandendum sit saepe parumque bibendum:

Si sumas ovum, molle sit atque novum.

De

81. *sturna*, *sturnus vulgaris* Lin.

82. *Quiscula*, *coturnix* Lin. *Merula*, *turdus merula* Lin.
Ortygometa, *rallus crex* Lin.

83. *Frigellus*, *turdus iliacus* Lin. *Orex*, *tetrao bonasia* Lin. *Tremulus*, *motacilla alba* Lin. *Amarellus*, *mergus* Lin.

86. *Lucius*, *efox lucius* Lin. *Perca*, *perca fluviatilis* Lin. *Saxaulis*, *cobitis barbatula* Lin. *Albica*, *gadus morhua* Lin. *Tinca*, *cyprinus tinca* Lin.

87. *Plagitia*, *pleuronectes plateia* Lin. *Carpa*, *cyprinus carpio* Lin. *Galbio*, *raja* Lin. *Truta*, *salmo fario* Lin.

De pisis. Caput XXXIII.

Pisam laudare decrevimus, ac reprobare:

Pellibus ablatis est bona pisa satis

95

Est inflativa cum pellibus atque nociva.

De lacte. Caput XXXIV.

Lac ethicis sanum caprinum, post camelinum,

Ac nutritivum plus omnibus est asininum:

Plus nutritivum vaccinum fit et ovinum:

Si febriat, caput et doleat, non est bene sanum. 100

De butyro. Caput XXXV.

Lenit et humectat, solvit sine febre butyrum.

De sero. Caput XXXVI.

Incidit atque lavat, penetrat, mundat quoque
serum.

De caseo. Caput XXXVII.

Caseus est frigidus, stipans, grossus, quoque
durus.

Caseus et panis bonus est cibus hic bene sanis:

Si non sunt sani, tunc hunc non jungito pani. 105

Caseus de se ipso.

Ignari medici me dicunt esse nocivum,

Sed tamen ignorant cur nocumenta feram.

Languenti stomacho caseus addit opem,

Si post sumatur, terminat ille dapes.

Qui physicam non ignorant, haec testificantur. 110

De

De modo edendi et bibendi. Caput XXXVIII.

Inter prandendum fit saepe parumque bibendum:

Ut minus aegrotas, non inter fercula potes.

Ut vites poenam, de potibus incipe coenam.

Singula post ova pocula fume nova.

115 Post pisces nux fit: post carnes caseus adfit.

Unica nux prodest, nocet altera, tertia mors est.

De pyris. Caput XXXIX.

Adde potum pyro: nux est medicina veneno.

Fert pyra nostra pyrus, sine vino sunt pyra virus:

Si pyra sunt virus, fit maledicta pyrus.

120 Si coquis, antidotum pyra sunt, sed cruda venenum.

Cruda gravant stomachum, relevant pyra cocta
gravatum.

Post pyra da potum: post poma vade cacatum.

De cerasis. Caput XL.

Cerasa si comedas, tibi confert grandia dona:

Expurgant stomachum, nucleus lapidem tibi tol-
lit,

125 Et de carne sua sanguis eritque bonus.

De prunis. Caput XLI.

Infrigidant, laxant, multum profunt tibi
pruna.

De persicis, racemis et passulis. Caput XLII.

Persica cum musto vobis datur ordine iusto

Sumere, sic est mos nucibus sociando racemos.
Passula non spleni, tussi valet, est bona reni.

De ficibus. Caput XLIII.

Scrofa, tumor, glandes, ficus cataplasmate ce- 130
dunt.

Junge papaver ei, confracta foris tenet ossa.
Pediculos veneremque facit, sed cuilibet obstat.

De esculis. Caput XLIV.

Multiplicant mictum, ventrem dant escula stri-
ctum,
Escula dura bona: sed mollia sunt meliora.

De musto. Caput XLV.

Provocat vrinam multum, cito solvit et inflat. 135

De cerevisia et aceto. Caput XLVI.

Grossos humores nutrit cerevisia, vires
Praestat, et augmentat carnem, generatque cruo-
rem.

Provocat vrinam, ventrem quoque mollit et inflat.
Infrigidat modicum, sed plus desiccatur acetum.
Infrigidat, macerat, melanch. dat, sperma mi-
norat, 140

Siccos infestat nervos, et pingua siccatur.

De rapis. Caput XLVII.

Rapa juvat stomachum, novit producere ventum,
Pro-

140. *melanch.* ob versum.

144. *tortio*, ventris tormina.

Provocat vrinam, faciet quoque dente ruinam,
Si male coëcta datur, hinc tortio tunc generatur.

De visceribus animalium. Caput XLVIII.

- 145 Egeritur tarde cor, digeritur quoque dure
Similiter stomachus, melior sit in extremitates.
Reddit lingua bonum nutrimentum medicinae.
Digeritur facile pulmo, cito labitur ipse.
Est melius cerebrum gallinarum reliquorum.

De semine foeniculi. Caput XLIX.

- 150 Semen foeniculi fugat et spiracula culi.

De aniso. Caput L.

Emendat visum, stomachum confortat anisum.
Copia dulcoris anisi sit melioris.

De spodio. Caput LI.

Si cruor emanat, spodium sumtum cito sanat.

De sale. Caput LII.

Vas condimenti praeponi debet edenti.

- 155 Sal virus refugat et non sapidumque saporat,
Nam sapit esca male, quae datur absque sale.
Urunt per falsa visum, spermaque minorant,
Et generant scabiem, pruritum, sive rigorem.

De

146. *melior sit in e.* Alii legunt: *Atque item stomachus, tamen exteriora probantur.* Extrema stomachi in carmine probantur, non exteriora.

De saporibus. Caput LIII.

Hi fervore vigent tres: falsus, amarus, acutus.

Alget acetosus, sic stipans, ponticus atque.

160

Unctus et insipidus, dulcis dant temperamentum.

De vipa. Caput LIV.

Bis duo vipa facit, mundat dantes, dat acutum

Visum, quod minus est, implet, minuit, quod
abundat.

De diaeta. Caput LV.

Omnibus assuetam jubeo servare diaetam:

Approbo sic esse, ni sit mutare necesse:

165

Est Ypocras testis, quoniam sequitur mala pestis.

Fortior est meta medicinae certa diaeta,

Quam si non curas, fatue regis et male curas.

De administratione diaetae. Caput LVI.

Quale, quid et quando, quantum, quoties, vbi,
dando

Ista notare cibo debet medicus dictando.

170

De

160. *ponticus*, Avicenna teste a stiptico in eo diversus, quod hic nihil contrahat linguae, praeter superficiem extimam, ponticus vero et extimam superficiem linguae exasperet, et interiora ejus contrahat.

162. *vippa*, a syllabis vocum: *vinum* et *panis*, primis, panis vino intinctus. *Hermolaus Barbarus* c. 95. lib. V. coroll. in *Diosc.* haec de ea scribit: *Erat veteribus jentaculum, buccia ex vino, quod genus barbari a vino et pane vippam vocant.*

De caule. Caput LVII.

Jus caulis solvit, ejus substantia stringit
 Utraque quando datur, venter laxare paratur.

De malva. Caput LVIII.

Dixerunt malvam veteres, quia molliat alvum.
 Malvae radices rase dedere feces:

175 Vulvae moverunt, et fluxum saepe dederunt.

De mentha. Caput LIX.

Mentitur mentha, si sit depellere lenta
 Ventris lumbricos stomachi vermesque nocivos.

De salvia. Caput LX.

Cur moriatur homo, cui salvia crescit in horto?
 Contra vim mortis non est medicamen in hortis.

180 Salvia confortat nervos manuumque tremorem

Tollit, et ejus ope febris acuta fugit.

Salvia; castoreum, lavendula, primula veris,

Nasturt. athanasa haec sanant paralytica membra.

Salvia salvatrix, naturae conciliatrix.

De ruta. Caput LXI.

185 Nobilis est ruta, quia lumina reddit acuta

Auxilio rutae vir quippe videbis acute.

Ruta viris coitum minuit, mulieribus auget.

Ru-

71. *Jus caulis*, brassicae capitatae.

183. *Nasturt.* Ita legendum ob versum:

Athanasa, secundum Arnaldi expositionem est tanacetum officinarum.

Ruta facit castum, dat lumen et ingerit astum.
Cocta facit ruta de pulcibus loca tuta.

De cepis. Caput LXII.

De cepis medici non consentire videntur. 190
Cholericis non esse bonas dicit Galienus,
Phlegmaticis vero multum docet esse salubres
Praesertim stomacho: pulchrumque creare co-
lorem
Contritis cepis loca denudata capillis
Saepe fricans, poteris capitis reparare decorem. 195

De sinapi. Caput LXIII.

Est modicum granum, siccum calidumque sinapi,
Dat lacrymas, purgatque caput, tollitque vens-
num.

De viola. Caput LXIV.

Crapula discutitur, capitis dolor atque gravedo,
Purpuream violam dicunt curare caducos.

De urtica. Caput LXV.

Aegris dat somnum: vomitum quoque tollit ad 200
vsum,
Compescit tussim veterem, colicisque medetur,
Pellit pulmonis frigus ventrisque tumorem,
Omnibus et morbis subvenit articulorum.

De hyfopo. Caput LXVI.

Hyfopus herba est purgans a pectore phlegma:
Ad pulmonis opus cum melle coquatur hyfopus: 205
Vultibus eximium fertur reparare colorem:

De cerefolio. Caput LXVII.

Adpositum cancris tritum cum melle medetur.
Cum vino potum poterit sedare dolorem.
Saepe solet vomitum ventremque tenere solum.

De enula campana. Caput LXVIII.

- 210 Enula campana reddit praecordia sana.
Cum succo rutae si succus sumitur hujus,
Affirmant ruptis nil esse salubrius istis.

De pulegio. Caput LXIX.

Cum vino choleram nigram potata repellit:
Adpositam viridem dicunt sedare podagram.

De nasturtio. Caput LXX.

- 215 Illius succus crines retinere fluentes
Allitus asseritur, dentisque curare dolorem.
Et squamas succus sanat cum melle perunctus.

De chelidonia. Caput LXXI.

Coecatis pullis hac lumina mater hirundo
Plinius vt scribit, quamvis sint cruta, reddit.

De salice. Caput LXXII.

- 220 Auribus infusus succus vermes necat ejus.
Cortex verrucas in aceto cocta resolvit
Pomorum succus, flos, partus destruit, ejus.

De croco. Caput LXXIII.

Confortare crocus dicatur laetificando,
Membraque defecta confortat hepar reparando.

De porro. Caput LXXIV.

Reddit foecundas mansum persaepe puellas 225
Isto stillantem poteris retinere cruorem.

De pipere. Caput LXXV.

Quod piper est nigrum, non est dissolvere pi-
grum,
Phlegmata purgabit digestivamque juvabit.
Leucopiper stomacho prodest, tussisque dolori
Utile, praeveniet motum febrisque rigorem. 230

De gravitate auditus. Caput LXXVI.

Et mox post escam dormire nimisque moveri,
Ista gravare solent auditus, ebrietasque.

De tinnitu aurium. Caput LXXVII.

Motus, longa fames, vomitus, percussio, casus,
Ebrietas, frigus, tinnitum causat in aure.

De nocumentis visus. Caput LXXVIII.

Balnea, vina, Venus, ventus, piper, allia, fu- 235
mus,
Porri cum cepis, lens, fletus, faba, sinapi,
L 5 Sol,

222. Pomorum, caet. Sensus est, florem falicis et succum
pomorum falicis partim obesse.

Sol, coitus, ignis labor, ictus, acumina, pulvis,
Ista nocent oculis: sed vigilare magis.

De confortantibus visum. Caput LXXIX.

Foeniculus, verbena, rosa, chelidonia, ruta,
240 Ex istis fit aqua, quae lumina reddit acuta.

Contra dolorem dentium. Caput LXXX.

Sic dentes serva: porrorum collige grana,
Ne careas jure, cum insquiamo simul vre:
Sicque per embotum fumum cape dente remo-
tum,

De rauedine vocis. Caput LXXXI.

Nux, oleum, frigus capitis, anguillaque, po-
tus,
245 Ac pomum crudum faciunt hominem fore rau-
cum.

Contra rheuma. Caput LXXXII.

Jejuna, vigila, caleas dape, valde labora
Inspira calidum, modicum bibe, comprime fla-
tum

Haec bene tu serva, si vis depellere rheuma.

Si

242. *insquiamo*, hyoscyamo. Ne careas jure, rhythmica cau-
sa appositum est: vult enim carmen, ut fumus ex
porrorum et hyoscyami granis combustis per embo-
tum ad dentem feratur.

Si fluat ad pectus, dicatur rheuma catarrhus:

Ad fauces branchus, ad nares esto coryza.

250

Contra fistulam. Caput LXXXIII.

Auripigmentum, sulphur, miscere memento,

His decet apponi calcem: commisce saponi.

Quatuor haec misce: commistis quatuor istis

Fistula curatur, quater ex his si repleatur.

De numero ossium, dentium et venarum in ho-

mine. Caput LXXXIV.

Ossibus ex denis bis centenisque novenis

255

Constat homo: denis bis dentibus et duodenis:

Ex tricentenis decies sex quinqueque venis.

De quatuor humoribus corporis. Caput LXXXV.

Quatuor humores in humano corpore constant:

Sanguis cum cholera, phlegma, melancholia.

Terra melanch. aqua phleg. aer sanguis, choler. 260

ignis

De sanguineis. Caput LXXXVI.

Natura pingues isti sunt atque jocantes,

Semper rumores cupiunt audire frequentes

Hos

260. *Terra.* More suo, rhythmī metricae causa, verba truncavit versificator carminis. Prineipem singuli humoris partem constitutivam enarrat,

Hos Venus et Bacchus delectant, fercula, risus,
Et facit hos hilares et dulcia verba loquentes.

265 Omnibus hi studiis habiles sunt et magis apti:

Qualibet ex causa nec hos leviter movet ira.

Largus, amans, hilaris, ridens, rubeique coloris,
Cantans, carnosus, fatis audax atque benignus.

De cholericis. Caput LXXXVII.

Est et humor cholerae, qui competit impetuosis,

270 Hoc genus est hominum cupiens praecellere cun-
ctos:

Hi leviter discunt, multum comedunt, cito cres-
cunt.

Inde magnanimi sunt, largi, summa petentes

Hirsutus, fallax, irascens, prodigus, audax,

Astutus, gracilis, siccus croceique coloris.

De phlegmaticis. Caput LXXXVIII.

275 Phlegma vires modicas tribuit latosque breves-
que,

Phlegma facit pingues: sanguis reddit mediocres.

Otia non studio tradunt, sed corpora somno:

Sensus hebes, tardus motus, pigritia, somnus.

Hic somnolentus, pigris in sputamine multus,

280 Est huic sensus hebes, pinguis, facie color al-
bus.

De melancholis. Caput LXXXIX.

Restat adhuc tristis cholerae substantia nigrae,
Quae reddit pravos, pertristes, pauca loquen-
tes.

Hi vigilant studiis, nec mens est dedita somno:
Servant propositum: sibi nil reputant fore tu-
tum.

Invidus et tristis, cupidus, dextraeque tenacis, 285
Non expers fraudis, timidus, luteique coloris.

*De coloribus et sanguinis redundantis indiciis.**Caput XC.*

Hi sunt humores, qui praestant cuique colores
Omnibus in rebus ex phlegmate fit color albus.
Sanguine fit rubeus: cholera rubea quoque ru-
fus.

Si peccet sanguis, facies rubet, extat ocellus, 290
Inflantur genae, corpus nimiumque gravatur.
Est pulsusque frequens, plenus, mollis, dolor
ingens,

Maxime fit frondis, et constipatio ventris,
Siccaque lingua, sitis, et somnia plena ru-
bore:

Dulcor adest sputi, sunt acria dulcia quaeque. 295

*De phlebotomia, et primo de aetate secundae
venae. Caput XCI.*

Denus septenus vix phlebotomum petit annus.

Spiritus vberior exit per phlebotomiam:

Spiritus ex potu vini mox multiplicantur,

Humorumque cibo damnum lente reparatur.

300 Lumina clarificat, sincerat, phlebotomia,

Mentes et cerebrum: calidas facit esse medul-
las.

Viscera purgabit, stomachum ventremque coer-
cet,

Puros dat sensus, dat somnia, taedia tollit,

Auditus, vocem, vires producit et auget.

*De mensibus, quibus phlebotomia convenit,
sive nocet. Caput XCII.*

305 Tres insunt istis, Majus, September, Aprilis.

Et sunt lunares, sunt velut hydra dies.

Prima dies primi, postremaque posteriorum,

Nec sanguis minui, nec carnibus anseris vti.

In sene vel juvene, si venae sanguine plenae,

310 Omni mense bene confert incisio venae

Hi sunt tres menses: Majus, September, Aprí-
lis

In quibus eminas, vt longo tempore vivas.

De impedimentis phlebotomiae.

Caput XCIII.

Frigida natura, frigens regio, dolor ingens
Post lavacrum, coitum, minor aetas atque senilis:

Morbus prolixus, repletio potus et escae: 315
Si fragilis vel subtilis sensus stomachi sit.
Et fastiditi tibi non sunt phlebotomandi.

Quae observanda sint circa phlebotomiam.

Caput XCIV.

Quid debes facere, quando vis phlebotomari,
Vel quando minuis, fueris vel quando minus?

Unctio, sive potus, lavacrum, vel fascia, motus, 320
Debent non fragili tibi singula mente teneri.

De effectibus quibusdam phlebotomiae.

Cap. XCV.

Exhilarat tristes, iratos placat, amantes
Ne sint amentes, phlebotomia facit.

De scissurae quantitate in venaesectione.

Caput XCVI.

Fac plagam largam mediocriter, ut cito fumus
Exeat vberius, liberiusque cruor. 325

Quae consideranda circa venae sectionem.

Caput XCVIJ.

Sanguine subtrahito sex horis est vigilandum,
Ne somni fumus laedat sensibile corpus.
Ne nervum laedas; non sit tibi plaga pro-
funda.

Sanguine purgatus non carpas protinus escas.

Quae vitanda sunt post phlebotomiam.

Caput XCVIII.

330 Omnia de lacte vitabis rite minute,
Et vitet potum phlebotomatus homo.
Frigida vitabis, quia sunt inimica minutis
Interdictus erit minutis nubilus aer:
Spiritus exultat minutis luce per auras
335 Omnibus apta quies, ast motus valde nocivus.

*Quibus morbis et aetatibus conveniat venaeſectio
et quantum ſanguinis quoque tempore de-
trahendum. Caput XCIX.*

Principio minuas in acutis, perperacutis:
Aetatis mediae multum de sanguine tolle:
Sed puer atque senex tollet vterque parum.
Ver tollet duplum, reliquum tempus tibi sim-
plum.

Quae

*Quas membra, quoque tempore venae sectione
evacuanda. Caput C.*

Aestas, ver, dextras, autumnus hyemsque fini- 340
stras.

Quatuor haec membra: cephe, cor, pes, he-
par vacuanda

Ver cor, hepar aestas, ordo sequens reliquas.

De commodis ex sectione salvatellae.

Caput: CI.

Dat salvatella tibi plurima dona minuta.

Purgat hepar, splenem, pectus, praecordia,
vocem:

Innaturalem tollit de corde dolorem. 345

De capitis doloribus. Caput CII.

Si dolor est capitis ex potu, lymphæ bibatur;

Ex potu nimio nam febris acuta creatur.

Si vertex capitis, vel frons aestu tribulentur,

Tempora fronsque simul moderate saepe fricen-
tur.

Morella cocta nec non calidaque laventur. 350

De quatuor temporibus anni. Caput CIII.

Temporis aestivi jejunia corpora siccant

M 3

Quo-

Quolibet in mense confert vomitus, quoque
purgat.

Humores nocuos, stomachi lavat ambitus om-
nes.

Ver, autumnus, hyems, aestas dominantur in
anno.

355 Tempore vernali calidus sit aer humidusque,
Et nullum tempus melius sit phlebotomiae.

Ufus tunc homini Veneris confert moderatus
Corporis et motus, ventrisque solutio, sudor,
Balnea: purgentur tunc corpora medicinis.

360 Aestas more calet, siccatur, noscatur in illa,
Tunc quoque praecipue choleram rubeam do-
minari.

Humida, frigida fercula dentur, sit Venus ex-
tra:

Balnea non profunt: sint raras phlebotomiae:
Utilis est requies, sit cum moderamine potus.

Explicit regimen sanitatis Salerni.
